

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S DEVETNAESTE SJEDNICE GRADSKOG VIJEĆA TUZLA ODRŽANE 7. MAJA 2018.
GODINE U POSLOVNOM OBJEKTU „GRAFIČAR“ U SATI**

-SJEDNICI PRISUSTVUJE 28 VIJEĆNIKA

U Tuzli, maj 2018. godine

ALEKSANDAR VUJADINOVIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, poštovani gradonačelnice, predstavnici gradskih službi - obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, drugarice i drugovi, dame i gospodo,

Otvaram devetnaestu redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 27 od ukupnog broja vijećnika, 31, što je dovoljno za punovažan rad i odlučivanje, a u skladu sa članom 62. i 65. Poslovnika Gradskog vijeća Tuzla.

Za današnju sjednicu svoj izostanak je najavila slijedeći vijećnica Sunčica Delibegović, a predlažem da joj opravdam odsustvo.

A kašnjenje su najavili Miralem Softić, Ivica Kovačević i Jasminka Mijatović.

Obavještavam vijećnike da su svi klubovi vijećnika dobili stenograme, a svaki vijećnik je, uz materijale za današnju sjednicu, dobio i skraćenu verziju zapisnika s 17. redovne sjednice Gradskog vijeća Tuzla, održane 28. 03. 2018. godine.

Da li ima primjedbi na stenogram i skraćenu verziju zapisnika? Izvolite. Sabahudin Imamović.

SABAHUDIN IMAMOVIĆ - vijećnik Stranke demokratske akcije

Nemam primjedbu. Nego možete li opoziciji uključiti svjetlo?

ALEKSANDAR VUJADINOVIĆ

Naravno. Sad ćemo zamoliti predstavnika Stručne službe da ispravi ovaj tehnički nedostatak.

Dobro. Ukoliko nema primjedbi na stenogram i skraćenu verziju zapisnika, stavljam na izjašnjavanje stenogram i skraćenu verziju zapisnika s 17. redovne sjednice Gradskog vijeća Tuzla, održane 28. 03. 2018. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne o prijedlozima za prijedlog, ili protiv prijedloga, ili kao suzdržani u odnosu na prijedlog.

Glasanje je okončano. Konstatujem da su Stenogram i Skraćenu verziju zapisnika s 17. redovne sjednice Gradskog vijeća Tuzla, održane 28. 03. 2018. godine, usvojeni sa jednoglasno s 26 glasova za, bez glasova protiv i bez suzdržanih glasova.

U Pozivu za današnju sjednicu Gradskog vijeća Tuzla dobili ste prijedlog dnevnog reda:

D N E V N I R E D

- Usvajanje Zapisnika sa sedamnaeste redovne sjednice Gradskog vijeća Tuzla, održane 28. 03. 2018. godine

1. VIJEĆNIČKA PITANJA

2. RAZMATRANJE I USVAJANJE:

a) ODLUKE O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE

b) ODLUKE O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU

c) IZVJEŠTAJA O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE

d) IZVJEŠTAJA O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE

e) IZVJEŠTAJA O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE

3. RAZMATRANJE I USVAJANJE IMOVINSKO PRAVNIH ODLUKA:

a) Odluka o utvrđivanju javnog interesa za izvođenje radova u svrhu rekonstrukcije i izmještanja ceste za naselje Mandići, broj, 01/07-31-2519/18

b) Odluka o dodjeli u zakup poslovne prostorije neposrednom pogodbom Turističkoj zajednici Grada Tuzla, broj: 01-23-2765-2018

c) Odluka o davanju saglasnosti na opterećenje prava građenja zasnovanog u poslovnoj zoni Kreka Sjever u Tuzli na nekretninama u vlasništvu Grada Tuzla

d) Odluka o prosječnoj konačnoj građevinskoj cijeni stambenog prostora iz predhodne godine

4. RAZMATRANJE I DAVANJE SAGLASNOSTI NA PRAVILNIK O UNUTRAŠNJOJ ORGANIZACIJI GRADSKIH ORGANA UPRAVE I STRUČNIH SLUŽBI GRADA TUZLA

5. RAZMATRANJE I USVAJANJE ODLUKE O IZMJENAMA I DOPUNAMA ODLUKE O KRITERIJIMA I USLOVIMA UTVRĐIVANJA NOVČANE NAKNADE KOJU PLAĆAJU NOVI KORISNICI TOPLOTNE ENERGIJE ZA ANGAŽOVANJE KAPACITETA SISTEMA DALJINSKOG ZAGRIJAVANJA ILI ZA POVEĆANJE ANGAŽOVANOSTI KAPACITETA GRIJANJA

6. RAZMATRANJE I USVAJANJE ODLUKE O IZMJENAMA I DOPUNAMA ODLUKE O KOMUNALNOM REDU

7. RAZMATRANJE I USVAJANJE ODLUKA O PRISTUPANJU IZRADI REGULACIONOG PLANA ZBR (zona budućeg razvoja) IRAC-JUG – I FAZA U TUZLI

8. RAZMATRANJE I USVAJANJE ODLUKE O IZMJENAMA I DOPUNAMA ODLUKE O OSNIVANJU GRADSKOG PRAVOBRANILAŠTVA TUZLA

9. RAZMATRANJE I USVAJANJE:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA (SA TEKSTOM JAVNOG OGLASA)

b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

c) RJEŠENJA O IMENOVANJU KOMISIJE ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

10. RAZMATRANJE I USVAJANJE ODLUKE O IZMJENAMA I DOPUNAMA ODLUKE O OSNIVANJU JAVNOG PREDUZEĆA VETERINARSKA STANICA TUZLA

11. RAZMATRANJE IZVJEŠTAJA O RADU JAVNIH USTANOVA ČIJI JE OSNIVAČ GRAD TUZLA ZA 2017. GODINU:

a) JZNU Dom zdravlja „Dr. Mustafa Šehović” Tuzla

b) JU Dom mladih Tuzla

c) JU Međunarodna galerija portreta Tuzla

d) JU Centar za kulturu Tuzla

12. RAZMATRANJE IZVJEŠTAJA O REALIZACIJI PROGRAMA RAZVOJA ZAŠTITE I SPAŠAVANJA ZA PROGRAMSKI PERIOD 2015. GODINA – 2017. GODINA - REALIZOVANI CILJEVI I POSTIGNUTI REZULTATI KROZ PROJEKTE KOJI SE PROVODE U GRADU TUZLA OD STRANE MEĐUNARODNIH ORGANIZACIJA - PILOT PROJEKTI ZA GRAD

13. RAZMATRANJE INFORMACIJE O REALIZACIJI KAPITALNIH PROJEKATA ZA 2017. GODINU (putevi, vodovodna i kanalizaciona mreža, toplifikacija, javna rasvjeta i projekti iz drugih oblasti)

14. RAZMATRANJE INFORMACIJE O PROVEDENIM INSPEKCIJSKIM NADZORIMA U 2017. GODINI

15. RAZMATRANJE IZVJEŠTAJA KOMISIJE ZA IZBOR I IMENOVANJE

16. TEKUĆA PITANJA

a) Obavještenje Službe za komunalne poslove, izgradnju i poslove MZ o razlozima prolongiranja izrade Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česnama na području grada Tuzla

b) Obavještenje JU za predškolski odgoj i obrazovanje "Naše dijete" Tuzla, o razlozima prolongiranja izrade Izvještaja o radu za 2017. godinu

c) Obavještenje JP Veterinarska stanica d.o.o.Tuzla o razlozima prolongiranja izrade Izvještaja o radu za 2017. godinu

d) Obavještenje JU Narodna i univerzitetska biblioteka "Derviš Sušić" Tuzla o razlozima prolongiranja izrade Izvještaja o radu za 2017. godinu

Kolegij Gradskog vijeća Tuzla je na sjednici održanoj 19. 04. 2018. godine predložio da se tačka VIJEĆNIČKA PITANJA razmatra kao posljednja tačka dnevnog reda današnje sjednice te da dosadašnji naziv tačke VIJEĆNIČKA PITANJA ubuduće glasi VIJEĆNIČKA PITANJA I INICIJATIVE.

S tim u vezi obavještavam vijećnike da je Kolegij Gradskog vijeća Tuzla definisao da će se Inicijative podnesene od strane vijećnika Gradskog vijeća Tuzla ubuduće, počev od današnje, 19. sjednice Gradskog vijeća Tuzla, podnositi u okviru tačke VIJEĆNIČKA PITANJA I INICIJATIVE, u skladu sa članom 162. Poslovnika Gradskog vijeća Tuzla („Službeni glasnik Grada Tuzla“, broj 9/17. i 2/18.) kojim je propisano da „u vršenju svoje funkcije vijećnik ima pravo da, u djelokrugu rada Gradskog vijeća, postavlja pitanja i podnosi inicijative upućene gradonačelniku, gradskim službama za upravu, stručnim i drugim službama, kao i drugim institucijama i pravnim licima“.

Inicijative podnesene od strane vijećnika Gradskog vijeća Tuzla se neće razmatrati niti će se o njima izjašnjavati Kolegij Gradskog vijeća Tuzla niti Gradsko vijeće Tuzla nego će ih Stručna služba Gradskog vijeća obrađivati i dostavljati onima kojima su upućene, da se očituju o zakonskim, finansijskim i drugim mogućnostima njihove realizacije.

Mirnes Ajanović, poslovnička intervencija.

MIRNES AJANOVIĆ - vijećnik Bosanske stranke

Poslovnička intervencija zbog povrede člana 162. i 163. Poslovnika Gradskog vijeća, gdje se definiše u članu 162. da vijećnik ima pravo postaviti pitanja, a u članu 163. predsjedavajući Gradskog vijeća se stara da vijećnik dobije odgovor na postavljeno pitanje do naredne sjednice Gradskog vijeća uz zaključke Gradskog vijeća u pisanoj formi.

Ja sam tri, četiri sjednice postavljao pitanje da mi se dostavi informacija koliko i koja su lica zaposlena u Javnoj zdravstvenoj ustanovi Gradske apoteke Tuzla. Odgovor nisam dobijao. Tek na zadnje postavljeno pitanje, dobijam odgovor da je sve transparentno, dostupno vijećnicima, ali nemam odgovor koja su lica primljena.

Uz ovo sve ostalo na mene se vrši napad da ja prijetim, da se protiv mene treba poduzeti određene mjere, da se gradonačelnik poziva da protiv mene poduzme određene mjere, samo zato što

sam u okviru svojih prava tražio informacije koje kao vijećnik imam pravo da dobijem i vi predsjedavajući trebate ih obezbijediti.

U situaciji kada se prikriva koja su lica zaposlena u ovoj Javnoj zdravstvenoj ustanovi za period za koji sam tražio, postoji osnovana sumnja da se radi o zapošljavanju na način da se izvršilo krivično djelo iz člana 195. stav 1. Krivičnog zakona Federacije Bosne i Hercegovine i moguće i druga krivična djela pogotovo iz razloga što sam dobio informacije od uposlenika da određena lica, konkretno Edim Kadić, prijeti otkazima ukoliko ne poštuju na način da rade kako on zahtijeva.

Ovdje imam čak i dokument Gradskih apoteka broj 04-14 00/16 od 21. 4. 2016. godine gdje stoji, poštovane kolege i kolegice, dostavljam vam spisak proizviđača lijekova, kao i veledrogerija od kojih treba da poručujete lijekove sa esencijalne i komercijalne liste. (EDIM KADIĆ – Predsjedavajući.) Lijekove možete poručiti od drugih veledrogerija u tabeli, samo ako ove veledrogerije nemaju na lageru određene preparate, dužni ste me pismeno obavijestiti i navesti razloge zašto ste to uradili. Govori se koje su dole veledrogerije i u potpisu evo imam uvid Edim Kadić, pomoćnik direktora.

Navodi dakle veledrogerije koje se moraju kupovati, zanemaruje se Zakon o javnim nabavkama imam akt apoteka broj 02-223 od 22. 2. 2017. godine pismo upozorenja uposleniku. Strateški je plan Ustanove je da se rade akcije i kvartali na nivou ustanove za čije je provođenje zadužen Pomoćnik direktora za komercijalne poslove koji dogovara posebne rabate dodatne rabate i svi rukovodioci su dužni da poštuju tad ugovor. (Dobo.) I piše u slučaju da radnik, nije isteklo vrijeme i sličnu povredu obaveze iz ugovora o radu ponovi, poslodavac će otkazati Ugovor o radu bez davanja otkaznog roka.

Dakle, postoji sumnja da se određeni ljudi prinuđuju da rade protivzakonito, da krše propise. Da u slučaju da dakle ne pristanu da krše propise i da nabavljaju mimo Zakona o javnim nabavkama da će dobiti otkaz. Sumnjam da mi se ne dostavlja odgovor na ovo postavljeno vijećničko pitanje iz ovih razloga gdje je moguće pitanje provođenje i aktuelno i sada u trendu krivičnog djela.

Gradonačelnik je takođe odgovoran da mi obezbijedi ove odgovore jer se radi o javnoj zdravstvenoj ustanovi, a vi predsjedavajući, posebno od vas tražim, poduzmanje potrebnih mjera, na ovaj način, kako bi se zaštitio dignitet vijećnika. I mene lično napadaju zbog toga što postavljam pitanja, tražim odgovore koji su dužni dostavljati. Molim da poduzmete sve što je potrebno. Hvala.

ALEKSANDAR VUJADINOVIĆ

Dobro. U redu. Replika Edim Kadić, izvolite. (MIRNES AJANOVIĆ – Poslovnička intervencija.) Poslovnička intervencija. Hoćete li ugasiti mikrofon?

MIRNES AJANOVIĆ

Predsjedavajući, ovo je poslovnička intervencija, na poslovničku intervenciju neka se pozove Edim Kadić ukoliko ima repliku.

Ja nemam ništa protiv replike, ali radi se o poštivanju Poslovnika. Ako dozvolite tražit ću i ja repliku i idemo dalje u replike i ono što nam pravo ne pripada.

Edim Kadić bi trebao da pročita Poslovnik o radu Gradskog vijeća Tuzla i da se javlja shodno obavezama i pravima.

ALEKSANDAR VUJADINOVIĆ

U redu. Mi smo evo dok ste vi izlagali znači vijećničku intervenciju, mi smo provjerili ovdje znači zaista u članu Poslovnika 163. stoji ono što ste naveli, znači da ste dužni dobiti taj spisak, pa ćemo se mi postarati da dobijete ono što ste tražili odgovor na vaše vijećničko pitanje.

Dobro. Molim. Poslovnička intervencija. Izvolite. Edim Kadić.

EDIM KADIĆ – samostalni vijećnik

Evo godina dana Ajanović Mirnes laže, laže. Sve što je rekao je laž. On bi trebao da oznaje, ako nešto ne poznaje trebao bi da dođe u ustanovu i da pita određene stvari.

Ako mi, kao Gradska apoteka, treba da uradimo neke bonuse, treba da dobijemo na kraju neki godišnji rabat, normalno je da ćemo narediti od koga se šta uzima. Ali ima procedura koja je tačno određena i na način na koji se to radi.

Ovo što gospodin Ajanović govori, radi se o uposlenici koja je, uprkos, na našem skladištu imali smo hiljadu preparata jednog preparata, ona je naručila od veledrogerije, umjesto da je naručila iz našeg skladišta.

Mislim, ovo sve što govori, to je sve laž i nanosi ogromnu štetu Gradskim apotekama i pojedine veledrogerije iz Njemačke spremaju tužbu, pa evo i ovom prilikom neka se dobro spremi,

ALEKSANDAR VUJADINOVIĆ

U redu. Ja vas samo molim da se držimo znači Poslovnika i s obzirom da se treba navesti gdje je nastala povreda Poslovnika da se samo na to može izvršiti poslovnička intervencija.

(MIRNES AJANOVIĆ – Poslovnička intervencija, predsjedavajući.)

Mirnes Ajanović izvolite BOSS.

MIRNES AJANOVIĆ

Poslovnička intervencija predsjedavajući. Edim Kadić je svojom poslovničkom intervencijom povredi Poslovnika. (ALEKSANDAR VUJADINOVIĆ – Evo ja sam izvršio korekciju i saslušali smo i rekli smo znači da ćemo poduzeti sve da ispunimo Poslovnika.)

Mogu li da završim gdje je došlo do povrede? (ALEKSANDAR VUJADINOVIĆ – Izvolite.) Zahvaljujem.

Imali smo situaciju gdje sam ja, shodno svom pravu, naveo članove Poslovnika koji su povređeni. Edim Kadić nije naveo članove Poslovnika i ne zna ih, pitanje je da li je pročitao, a rekao je da ja lažem.

A pročitao sam akte koje on dostavlja, a nama je na Vijeću, dok je raspravljalo se u decembru 2017-te o radu JZU Gradske ustanove, odnosno Gradske apoteke, govorio kako nema veze sa bilo kakvim nabavkama ili bilo čim.

Dokazalo se da ima direktnu vezu, direktno naređuje od kojih veledrogerija će se kupovati ovdje je akt. Evo pogledajte svi ostali. (ALEKSANDAR VUJADINOVIĆ – Dobro, ja bih vas molio znači.)

Dakle, evidentno se radi o zloupotrebi poslovničkih prava od strane Edima Kadića, kako bi time što je rekao laž. (ALEKSANDAR VUJADINOVIĆ – Evo napravili smo korekciju. I ispravili smo.)

Istine i činjenice i argumente koje još ponovo pokazujem. (ALEKSANDAR VUJADINOVIĆ – U redu.) Pogledajte kako se crveni. (Vijećnik Edim Kadić istovremeno govori op.a.)

(ALEKSANDAR VUJADINOVIĆ – Molim vas nemojte.) Ovo je neprimjereno ponašanje, molim vas upozorite.

ALEKSANDAR VUJADINOVIĆ

Ja vas molim, znači mi smo dali vama odgovor. Zamolit ćemo znači samostalnog vijećnika Edima Kadića znači da ne komentariše znači za vrijeme izlaganja poslovničke intervencije. U redu.)

Evo mi smo rekli da ćemo učiniti sa svoje strane sve da dobijete odgovore na koje ste postavili, znači na svoja pitanja, shodno Poslovniku i članu 163. ovog Poslovnika. (MIRNES AJANOVIĆ – Hvala.)

Molim vas znači da nastavimo sa sjednicom. nakon ovih poslovničkih intervencija koje su uslijedile.

S obzirom da smo čuli ovaj prijedlog znači Kolegija Gradskog vijeća da se tačka VIJEĆNIČKA PITANJA razmatra kao posljednja tačka dnevnog reda današnje sjednice te da dosadašnji naziv tačke VIJEĆNIČKA PITANJA ubuduće glasi VIJEĆNIČKA PITANJA I INICIJATIVE, pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Znači da VIJEĆNIČKA PITANJA I INICIJATIVE idu znači kao posljednja tačka dnevnog reda, od današnje pa na narednim sjednicama.

Glasanje je okončano. Konstatujem da prijedlog Kolegija Gradskog vijeća Tuzla da se tačka VIJEĆNIČKA PITANJA razmatra kao posljednja tačka dnevnog reda današnje 19. redovne sjednice Gradskog vijeća Tuzla, te da dosadašnji naziv tačke VIJEĆNIČKA PITANJA ubuduće glasi VIJEĆNIČKA PITANJA I INICIJATIVE, te je ovaj prijedlog usvojen s glasova 24 glasa za, bez glasova protiv i tri vijećnika su bila suzdržana.

Takođe obavještavam vijećnike da je Kolegij Gradskog vijeća Tuzla definisao slijedeće:

Da se dvadeseta redovna (majska) sjednica Gradskog vijeća Tuzla održat će se u Ponedjeljak, 14. 05. 2018. godine s početkom u 12,00 sati u sali za sjednice Gradskog vijeća.

S obzirom na to da je u aprilu održana redovna 18. sjednica Gradskog vijeća Tuzla, da se redovna 19. sjednica, koja se trebala održati 26. 04. 2018. godine, održava danas, te da će se redovna majska sjednica, održati u prvoj polovini mjeseca, a kako gradske službe neće imati dovoljno vremena da pripreme sve materijale čije je razmatranje Programom rada Gradskog vijeća Tuzla predviđeno za majsku sjednicu, Kolegij Gradskog vijeća Tuzla se saglasio da se na dnevni red majske sjednice uvrste samo oni materijali koji se stignu pripremiti i koji prođu svu potrebnu poslovničku proceduru.

Na sjednici Kolegija Gradskog vijeća, održanoj u petak, 4. 5. 2018. godine, a zbog opravdane privremene odsutnosti sekretara Gradskog vijeća, predloženo je da se u dnevni red današnje 19-te redovne sjednice pod tačkom 1. uvrsti tačka pod nazivom:

1. RAZMATRANJE I DONOŠENJE ZAKLJUČKA O POMAGANJU PREDSJEDAVAJUĆEM I ZAMJENIKU PREDSJEDAVAJUĆEG ZA VRIJEME PRIVREMENE SPRIJEČENOSTI ILI ODSUTNOSTI SEKRETARA GRADSKOG VIJEĆA, a da se ostale tačke redosljedom pomjere.

Stavljam na izjašnjavanje ovaj prijedlog Kolegija Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Glasanje je okončano. Konstatujem da prijedlog Kolegija Gradskog vijeća Tuzla da se u dnevni red današnje 19-te redovne sjednice pod tačkom 1. uvrsti tačka pod nazivom:

1. RAZMATRANJE I DONOŠENJE ZAKLJUČKA O POMAGANJU PREDSJEDAVAJUĆEM I ZAMJENIKU PREDSJEDAVAJUĆEG ZA VRIJEME PRIVREMENE SPRIJEČENOSTI ILI ODSUTNOSTI SEKRETARA GRADSKOG VIJEĆA, usvojen jednoglasno s 27 glasova za, nije bilo protiv, nije bilo suzdržanih.

Pitam da li ima još prijedloga za izmjene i dopune predloženog dnevnog reda? Ako nema, stavljam na izjašnjavanje dnevni red u cjelini.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je dnevni red sa navedenom znači dopunom dnevnog reda, odnosno tačkom jedan, usvojen s 24 glasa za, nije bilo protiv, uz četiri suzdržana glasa slijedeći:

D N E V N I R E D

- Usvajanje Zapisnika sa sedamnaeste redovne sjednice Gradskog vijeća Tuzla, održane 28. 03. 2018. godine

1. DONOŠENJE ZAKLJUČKA O POMAGANJU PREDSJEDAVAJUĆEM I ZAMJENIKU PREDSJEDAVAJUĆEG ZA VRIJEME PRIVREMENE SPRIJEČENOSTI ILI ODSUTNOSTI SEKRETARA GRADSKOG VIJEĆA

2. a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE

b) ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU

c) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE

d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE

e) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE

3. IMOVINSKO PRAVNA AKTA:

a) Odluka o utvrđivanju javnog interesa za izvođenje radova u svrhu rekonstrukcije i izmještanja ceste za naselje Mandići, broj, 01/07-31-2519/18

b) Odluka o dodjeli u zakup poslovne prostorije neposrednom pogodbom Turističkoj zajednici Grada Tuzla, broj: 01-23-2765-2018

c) Odluka o davanju saglasnosti na opterećenje prava građenja zasnovanog u poslovnoj zoni Kreka Sjever u Tuzli na nekretninama u vlasništvu Grada Tuzla

d) Odluka o prosječnoj konačnoj građevinskoj cijeni stambenog prostora iz predhodne godine

4. DAVANJE SAGLASNOSTI NA PRAVILNIK O UNUTRAŠNJOJ ORGANIZACIJI GRADSKIH ORGANA UPRAVE I STRUČNIH SLUŽBI GRADA TUZLA

5. ODLUKA O IZMJENAMA I DOPUNAMA ODLUKE O KRITERIJIMA I USLOVIMA UTVRĐIVANJA NOVČANE NAKNADE KOJU PLAĆAJU NOVI KORISNICI TOPLOTNE

ENERGIJE ZA ANGAŽOVANJE KAPACITETA SISTEMA DALJINSKOG ZAGRIJAVANJA ILI ZA POVEĆANJE ANGAŽOVANOSTI KAPACITETA GRIJANJA

6. ODLUKA O IZMJENAMA I DOPUNAMA ODLUKE O KOMUNALNOM REDU

7. ODLUKA O PRISTUPANJU IZRADI REGULACIONOG PLANA ZBR (zona budućeg razvoja) IRAC-JUG – I FAZA U TUZLI

8. ODLUKA O IZMJENAMA I DOPUNAMA ODLUKE O OSNIVANJU GRADSKOG PRAVOBRANILAŠTVA TUZLA

9. a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA (SA TEKSTOM JAVNOG OGLASA)

b) ODLUKA O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

c) RJEŠENJE O IMENOVANJU KOMISIJE ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

10. ODLUKA O IZMJENAMA I DOPUNAMA ODLUKE O OSNIVANJU JAVNOG PREDUZEĆA VETERINARSKA STANICA TUZLA

11. IZVJEŠTAJ O RADU JAVNIH USTANOVA ČIJI JE OSNIVAČ GRAD TUZLA ZA 2017. GODINU:

a) JZNU Dom zdravlja „Dr. Mustafa Šehović” Tuzla

b) JU Dom mladih Tuzla

c) JU Međunarodna galerija portreta Tuzla

d) JU Centar za kulturu Tuzla

12. IZVJEŠTAJ O REALIZACIJI PROGRAMA RAZVOJA ZAŠTITE I SPAŠAVANJA ZA PROGRAMSKI PERIOD 2015. GODINA – 2017. GODINA - REALIZOVANI CILJEVI I POSTIGNUTI REZULTATI KROZ PROJEKTE KOJI SE PROVODE U GRADU TUZLA OD STRANE MEĐUNARODNIH ORGANIZACIJA - PILOT PROJEKTI ZA GRAD

13. INFORMACIJA O REALIZACIJI KAPITALNIH PROJEKATA ZA 2017. GODINU (putevi, vodovodna i kanalizaciona mreža, toplifikacija, javna rasvjeta i projekti iz drugih oblasti)

14. INFORMACIJA O PROVEDENIM INSPEKCIJSKIM NADZORIMA U 2017. GODINI

15. IZVJEŠTAJ KOMISIJE ZA IZBOR I IMENOVANJE

16. TEKUĆA PITANJA

a) Obavještenje Službe za komunalne poslove, izgradnju i poslove MZ o razlozima prolongiranja izrade Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području grada Tuzla

b) Obavještenje JU za predškolski odgoj i obrazovanje “Naše dijete” Tuzla, o razlozima prolongiranja izrade Izvještaja o radu za 2017. godinu

c) Obavještenje JP Veterinarska stanica d.o.o.Tuzla o razlozima prolongiranja izrade Izvještaja o radu za 2017. godinu

d) Obavještenje JU Narodna i univerzitetska biblioteka “Derviš Sušić” Tuzla o razlozima prolongiranja izrade Izvještaja o radu za 2017. godinu

17. VIJEĆNIČKA PITANJA I INICIJATIVE

Prelazimo na realizaciju Dnevnog reda, današnje devetnaeste redovne sjednice Gradskog vijeća Tuzla. Prva tačka Dnevnog reda:

DONOŠENJE ZAKLJUČKA O POMAGANJU PREDSEDAVAJUĆEM I ZAMJENIKU PREDSEDAVAJUĆEG ZA VRIJEME PRIVREMENE SPRIJEČENOSTI ILI ODSUTNOSTI SEKRETARA GRADSKOG VIJEĆA

Predlagač je Kolegij Gradskog vijeća.

Obrađivač je Stručna služba Gradskog vijeća.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje?

Nema. Otvaram raspravu klubova vijećnika. Niko se ne javlja.

Otvaram raspravu vijećnika. Niko se ne javlja, zaključujem raspravu vijećnika.

Sada stavljam na izjašnjavanje ZAKLJUČAK O POMAGANJU PREDSEDAVAJUĆEM I ZAMJENIKU PREDSEDAVAJUĆEG ZA VRIJEME PRIVREMENE SPRIJEČENOSTI ILI ODSUTNOSTI SEKRETARA GRADSKOG VIJEĆA i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Glasanje je okončano. Konstatujem da je ZAKLJUČAK O POMAGANJU PREDSEDAVAJUĆEM I ZAMJENIKU PREDSEDAVAJUĆEG ZA VRIJEME PRIVREMENE SPRIJEČENOSTI ILI ODSUTNOSTI SEKRETARA GRADSKOG VIJEĆA usvojen jednoglasno s 28 glasova za, bez glasova protiv i bez suzdržanih glasova.

Tačka dva je a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE

b) ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU

c) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE

d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE

e) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE.

Dobro. Evo sad su, izvinjavam se, sugerisali su mi da ima zaključak vezano za prvu tačku Dnevnog reda koju sam ja pretpostavljao dobili u printanoj formi, prije znači mišljenje prije same sjednice u materijalima, ali evo kako su mi rekli da bi to, u skladu s Poslovnikom trebalo pročitati zaključak i o njemu se posebno izjasniti.

Molim sekretara, odnosno pomoćnika u vršenju službe znači sekretara, da pročita zaključak, pa da se izjasnimo o njemu.

ALMIR ŠUTA – sekretar organa državne službe Grada Tuzla

Zaključak. Dakle, za vrijeme

Za vrijeme privremene spriječenosti ili odsutnosti sekretara Gradskog vijeća Tuzla, predsjedavajućem i njegovom zamjeniku na sjednicama Gradskog vijeća, pomagat će i pružati stručnu i svaku drugu pomoć slijedeći državni službenici:

1. ALMIR ŠUTA, sekretar organa državne službe i
2. OMAR AHMIĆ, viši stručni saradnik za Vijeće i radna tijela

ALEKSANDAR VUJADINOVIĆ

Evo čuli ste zaključak da se i o njemu izjasnimo, pa da se vratimo slijedećoj tački Dnevnog reda.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Glasanje je završeno. Konstatujem da je zaključak usvojen jednoglasno sa 27 glasova za, bez glasova protiv i bez suzdržanih glasova.

Zahvaljujem se kolegama znači iz Stručne službe na pomoći i korekciji. Evo pridružila nam se na sjednici i vijećnika Sunčica Delibegović, pa je broj vijećnika na sjednici povećan znači za jedan.

Rekli smo. Prelazimo na drugu tačku Dnevnog reda:

a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE

b) ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU

c) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE

d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE

e) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE

Obavještavam vijećnike da je u vezi ove tačke Dnevnog reda:

Predlagač je Gradonačelnik Grada Tuzla.

Obrađivač je Služba za budžet i finansije.

Materijal su razmatrali Komisija za statutarna pitanja i propise (a i b), Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač materijala daju uvodno izlaganje? Ima.

Dobro, onda molim obrađivača materijala da nam da uvodno izlaganje. Izvolite Suada.

SUADA ISAKOVIĆ – Pomoćnik Gradonačelnika za Službu za budžet i finansije

Pozdravljam sve vijećnike i prisutne u dvorani Gradskog vijeća i evo na dnevnom redu današnje sjednice Gradskog vijeća, imamo nekoliko tačaka koje se tiču javnih finansija Grada Tuzle, a kao prva tačka imamo a) ODLUKU O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE ili rebalans kako je to popularnije terminološki.

Znači Budžet Grada Tuzla usvojen je na sjednici u decembru 2017. godine u iznosu od 55,6 miliona maraka, a predloženom odlukom o izmjenama i dopunama Budžeta ili rebalansom, predlaže se da Budžet Grada Tuzla za 2018. godinu iznosi 68,1 miliona maraka, odnosno on se povećava za 22,51% u odnosu na već usvojeni Budžet.

Imamo postoji nekoliko razloga koji su doprinijeli da dođe do izmjena Budžeta usvojenog u decembru 2017. godine, a to je što su na kraju obračunskog perioda za 2017-tu godinu u Budžetu Grada

utvrđen suficit što je Gradsko vijeće u januaru mjesecu 2018. godine donijelo zaključak kojim je obavezalo Gradonačelnika i Gradsku upravu da se u Budžetu obezbijede odgovarajuća sredstva za toplifikaciju i za nabavku mjerno-regulacionih stanica i priključaka u mjesnim zajednicama Šićki Brod i Bukinje, tamo gdje su se stekli uslovi znači za priključenje na način kako je Gradsko vijeće usvojilo Odluku i u skladu sa Upustom koji je donio Gradonačelnik u periodu 2018-te godine u cilju praktične realizacije Odluke Gradskog vijeća.

Već sam rekla da je jedan od glavnih razloga izkazano stanje viška prihoda nad rashodima u Budžetu 2017. godine i nakon izvršenog godišnjeg obračuna u Budžetu 2017. godine izkazana je razlika prihoda nad rashodima u iznosu od 11.287.473,95 maraka, a taj višak u sebi sadrži neutrošena sredstva kredita u iznosu od 800.000 maraka. Radi se o sredstvima predviđenim za finansiranje projekta saobraćajnice u naselju Mandići, koja iz određenih razloga, koju iz određenih razloga nije bilo moguće niti započeti, niti završiti u 2018-toj godini, bez obzira što su sredstva bila obezbjeđena. I na neutrošenih 300.000 od kredita za projekat Poslovne zone „Kreka-Sjever“ u Tuzli.

U razlici ovog suficita sadržana su i sredstva više od 4,6 miliona maraka za projekte koji su započeti u 2017-toj godini i koji su u skladu sa Zakonom o trezoru trebali biti, za koja su u skladu sa Zakonom o trezoru, trebala biti rezervisana sredstva u Budžetu prije nego što su se projekti započeli.

Za ove projekte su potpisani ugovori ili su procedure bile u toku sve do desembra mjeseca, međutim, nije bilo finansijskog troška, tako da ova sredstva ćemo su se morala rebalansom Budžeta prenijeti u 2018. godinu za finansiranje projekata koji su započeti u 2017-toj godini. Ostatak sredstava se predlaže rasporediti za finansiranje novih rashoda u 2018. godini.

Osim ovog prenesenog viška prihoda i neutrošenih sredstava kredita iz 2017. godine, rebalansom Budžeta se povećavaju već utvrđeni prihodi u Budžetu za 1.730.964,16 maraka i tu se uglavnom radi o sredstvima koja imaju utvrđenu namjenu i koja se u Budžetu uplaćuju kao kapitalni grantovi. Uglavnom se radi o sredstvima Tuzlanskog kantona iz, za namjene iz ekoloških naknada i iz vodnih naknada tako da smo od usvajanja Budžeta do danas znači dobili određene ugovore sa Kantonom i obezbijedili dodatna sredstva koja se ovim rebalansom uključuju u Budžet. Znači radi se o 1.739.000 maraka.

Ovih 12.000.000 maraka, za koje se ukupno povećava Budžet 2018. godine, raspoređeni su u razne organizacione jedinice i ja neću sve detaljno nabrajati obzirom da u obrazloženju imate sve detalje kojoj organizacionoj jedinici je izvršena određena izmjena. Detaljno je znači napisan postojeći, važeći plan, predložena izmjena i znači ukupno predloženo stanje ukoliko se ovaj rebalans danas usvoji.

Ali ću reći da je najviše sredstava, od ovog iznosa, usmjereno u finansiranje komunalne infrastrukture i to 7.834.315 maraka ili 62,54% ukupnih sredstava koji se raspoređuju rebalansom, a od tog iznosa najviše sredstava je usmjereno u toplifikaciju.

I evo da još jednom ponovim da je ispoštovan zaključak Gradskog vijeća koji je donesen 23. januara 2018. godine da se za toplifikaciju u Budžetu Grada Tuzla planira iznos od 4,5 miliona maraka što iznosi 85% ukupno očekivanog prihoda od Elektroprivrede BiH, odnosno 85% od planiranih 5,3 miliona maraka.

U cilju realizacije, znači ovog zaključka, u rebalansu Budžeta predložena su ukupna sredstva za toplifikaciju u iznosu od 5.832.498 maraka od čega se za izgradnju toplovodne mreže, na izgradnju toplovodne mreže odnosi 4.902.000 maraka, a za nabavku mjerno-regulacionih stanica u mjesnim zajednicama Bukinje i Šićki Brod 930.000 maraka.

Napominjemo da ovaj predloženi iznos koji se planira za namjenu toplifikacije predstavlja 110,05% od očekivanog prihoda Elektroprivrede Bosne i Hercegovine u 2018. godini.

Osim ovih sredstava predloženih za toplifikaciju, za izgradnju i rekonstrukciju puteva predloženo je novih 1.389.000 maraka. Za rekonstrukciju Stadiona Tušanj 643.000. Za izgradnju trotoara 298.000. Mostova 212.000. I ono što nije bilo u Budžetu, koji je usvojen u decembru mjesecu, planiraju se sredstva za nabavku poslovnog prostora za potrebe Mjesne zajednic Sjenjak u iznosu od 350.000 maraka. Znamo da je to problem već godinama i da se pokušava riješiti i evo u Budžetu su predviđena sredstva i istovremeno je predviđen prihod od prodaje postojećeg prostora ove Mjesne zajednice što je uključeno znači u prihode.

Evo ja druga značajnija znači namjena ovih rebalansiranih sredstava su sredstva koja se realiziraju putem Službe za ekonomski razvoj i društvene djelatnosti i od ovih 12,5 miliona za ove namjene planira se usmjeriti oko 1.720.000 maraka ili 13,73% ukupnog povećanja.

Ono što je potrebno možda naglasiti je da se u ovim sredstvima su planirana sredstva za nabavku objekta obdaništa, za potrebe obdaništa. Naime, u Javnoj ustanovi Obdanište „Naše dijete“ evidentno je problem prekobrojnosti djece u postojećim odgojnim grupama, kao i veliki broj zahtjeva roditelja za novim smještajem djece u ovu Ustanovu. Tako da su se planirala sredstva za nabavku novog objekta kako bi se dostigli pedagoški standardi koju ova oblast zahtijeva.

U ova sredstva uključeno je i dodatni 300.000 maraka neutrošenih sredstava za realizaciju projekta Poslovna zona.

Značajno su povećana sredstva za oblast sporta. Takođe je potrebno možda istaći i sredstva koja će se realizirati putem Službe civilne zaštite. Naime, Zakonom o zaštiti ljudi i materijalnih dobara predviđeno je da se na svaki dohodak izdvaja 0,5% sredstava namjenskih za finansiranje potrebe Civilne zaštite i u tom smislu je i propisano za koje namjene će se ova sredstva trošiti.

Znači, radi se o federalnim propisima i o Zakonu i Odluci koja definiše način trošenja ovih sredstava i uglavnom se tu radi o sredstvima koja se namjeravaju utrošiti za nabavku opreme za specijalizovane jedinice civilne zaštite, zatim za preventivne mjere na području grada Tuzla, za sanaciju klizišta itd. Obzirom da u obrazloženju imate sve, ja ne bih više nabrajala.

Uglavnom ovo su glavne karakteristike što se tiče prijedloga a) ODLUKE O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE. Uz tekst odluke dobili ste obrazloženje i dobili ste tabelarni dio u kojem se detaljno vidi na svakoj poziciji gdje je izvršena izmjena.

Takođe uz materijal ste dobili i prijedlog kapitalnog budžeta, obzirom da je i tu bilo izmjena u odnosu na onaj dio koji je bio usvojen kada se usvajao Budžet u decembru mjesecu.

Tačka b) ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU. Uvođenje novih pozicija u Budžet i određeni prijedlozi službi za već postojeći, kao što je ovaj grant za nabavku mjerno-regulacionih stanica i grant za realizaciju plana upravljanja otpadom zahtijevali su da se izvrše određene izmjene ili uvođenje novih članova u odluku o izvršavanju Budžeta i na prijedlog gradskih službi a u skladu sa procedurama koje se zahtijevaju prilikom trošenja sredstava u Budžetu, pripremljena je ova odluka o izmjenama i dopunama Odluke o izvršavanju Budžeta Grada Tuzla za 2018. godinu.

Što se tiče c) IZVJEŠTAJA O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE znači zakonska obaveza Gradonačelnika je da do polovine tekuće godine podnese Gradskom vijeću izvještaj o izvršenju Budžeta za proteklu budžetsku godinu i evo Služba za budžet i finansije je pripremila ovaj izvještaj koji je usvojen od strane Gradonačelnika i u skladu sa Zakonom upućen je evo Gradskom vijeću na razmatranje i usvjanje. Uz izvještaj ste dobili i prateću dokumentaciju.

Ono što karakteriše Budžet prethodne godine je da je Grad raspolagao u 2017. godini sa ukupnim sredstvima u iznosu od 58.499.328,74 marke ili 97,91% u onosu na planirana sredstva.

A u odnosu na 2016-tu, prethodnu godinu, imao je na raspolaganju Budžet više 15,95% sredstava, znači 17-te je bilo više nego u 16-toj godini.

Struktura ukupno raspoloživih sredstava u Budžetu je bila takva da se od prihoda prikupilo 52.340,087 maraka. Po osnovu kreditnih sredstava u Budžet su uplaćena sredstva u iznosu od 2 miliona i 800 i u Budžet 2017-te unesen je suficit iz 2016-te godine u iznosu 3.359.000 i procenat znači sredstava u 2017-toj od oko 16% u apsolutnom iznosu je Budžet 17-te bio veći od 16-te za 8.045.000 maraka.

Na procenat povećanja prihoda u Budžetu 2017-te godine u odnosu na 2016-tu godinu značajno je uticao rast od poreza na dohodak, zatim, poreza na imovinu koji je bio od početka rata u prošloj godini najveći do sad, te smo imali značajne uplate, neplanirane uplate koje su se najvećim dijelom odnosile na uplate po osnovu sudskih presuda koje su presuđene u korist Grada Tuzla.

U strukturi prihoda kada gledamo najveće učešće imaju porezni prihodi, oni su u Budžetu učestvovali negdje oko 25,4 miliona maraka.

U poreznim prihodima opet najveće učešće ima porez na dodanu vrijednost sa 11.109.000 maraka, zatim porez na imovinu odnosno porez na dohodak iznos od 8.646.000 i porez na imovinu 5 miliona i 520

maraka. Ja neću detaljisati obzirom da imate i uporedne podatke i detaljno obrađene prihode u samom obrazloženju, što se tiče ovih samih poreznih prihoda.

Što se tiče prihoda koji se koriste za isključivo za komunalnu infrastrukturu, odnosno fondu komunalne infrastrukture u koji se uplaćuju sredstva ostvarena po osnovu prodatog zemljišta za građenje, zatim naknade po osnovu prirodnih pogodnosti građenja, odnosno rente, naknade za postupak legalizacije, naknade za korištenje gradskog građevinskog zemljišta, naknade za održavanje javnih dobara. Ova sredstva se znači isključivo koriste za novu gradnju, rekonstrukciju, održavanje komunalne infrastrukture, zaštita okoline i u ovom Budžetu 2017. godine ostvarena su sredstva u iznosu od 11.702.000 maraka ili 86,54% u odnosu na planirana, ali u odnosu na 2016. godinu ova sredstva bila su veća za 67,68%. Učešće ovih sredstava u ukupnim приходima u 17-toj je iznosila 22,36% a najveći iznos u ovim приходima je bio po osnovu prodatih lokacija za građevinsko zemljište u ukupnom iznosu 4.044.000 maraka.

Treći u grupi po visini prihoda u Budžetu su prihodi ostvareni od naknade ostvarene radom Termoelektrane. Po posebnom Zakonu, znači federalnom. U 2017. godini po ovom osnovu je u Budžet uplaćeno 5.396.592 marke ili 101,82% u odnosu na planirana sredstva.

Također u Budžetu imamo jednu vrstu prihoda to su namjenska sredstva i vlastiti prihodi i to su znači sredstva koja ostvaruju naše javne ustanove budžetski korisnici pružanjem svojih usluga, a najznačajnije su usluge Obdaništa i tu imamo uključena sredstva koja se uplaćuju od strane viših nivoa vlasti kao namjenski grantovi za realizaciju određenih projekata i učešće građana takođe za realizaciju određenih projekata i po ovom osnovu u Budžet je ukupno uplaćeno 4.375.097 maraka i u samom obrazloženju imate detaljno nabrojano iz kojih namjena je koliko uplaćeno sredstava u prošloj godini.

Sam Budžet se realizirao, odnosno sredstva iz Budžeta su sse realizirala u skladu s usvojenim Budžetom i u toku protekle godine od ukupno raspoloživih sredstava utrošeno je 47.211.854,79 maraka i odprilike su troškovi 2017-te godine na nivou 2016-te godine veći za 1,73%. Od ovako realizovanih sredstava u 2017. godini najviše sredstava je realizirano sredstava za oblast komunalne infrastrukture iz Budžeta je u prošloj godini izdvojeno 16.113.992 marke.

I u obrazloženju takođe imate namjene ovih sredstava nabrojano i koji su to iznosi, a na prvom mjestu su putevi i rekonstrukcija trotoara sa iznosom od 5.282.000 maraka.

Takođe su vam nabrojani svi putni pravci i sve lokacije gdje su rađeni razni projekti iz oblasti komunalne infrastrukture. Ono što je važno reći da je Služba za komunalne poslove u protekloj godini osim budžetskih sredstava realizirala i sredstva Svjetske banke u iznosu od 3.941.000 maraka koja nisu znači uključena u Budžet jer je realizacija vršena direktno putem Svjetske banke a projekti su realizirani na području grada Tuzla.

Druga oblast za koju se iz gradskog Budžeta najviše izdvaja sredstava je Oblast društvenih djelatnosti, poduzetništva i poljoprivrede i za ove namjene je u prošloj godini izdvojeno oko 13.000.000 maraka ili 27,5% iz Budžeta.

Oko 5.000.000 maraka izdvojeno je za finansiranje javnih ustanova koji su budžetski korisnici. Od toga je 2 miliona i 800 budžetska sredstva, a 2 miliona i 100 su njihova vlastita sredstva koju oni koji oni uplati se u budžet obavljanjem njihove djelatnosti.

Za finansiranje drugih ustanova i preduzeća čiji je osnivač ili suosnivač Grad Tuzla u prošloj godini je izdvojeno oko 2,1 milion maraka ili 4,60% maraka.

Što se tiče finansiranja dopunskih prava iz Oblasti socijalne zaštite Grad Tuzla odmah poslije rata znači, puno pažnje posvećuje ovoj oblasti. Gradsko vijeće je donijelo više pravilnika i odluka kojima se definiše način korištenja ovih sredstava od načina finansiranja jednokratnih pomoći socijalno ugroženim građanima, korisnicima boračko-invalidske zaštite. Ono što je karakteriše prošlu godinu budžetsku je da su značajna sredstva izdvojena za ovu oblast, a iz razloga što se Grad Tuzla uključio u projekat socijalnog stanovanja zajedno sa resornim državnim Ministarstvom i za te namjene je iz Budžeta izdvojio 536.200 maraka a za plaćanje određenih, da kažem, naknada koje se tiče mogućnosti gradnje vih objekata i priključenja na komunalne usluge. Radi se znači o izgradnji stanova na lokacijama Miladije, Solina, Ši Selo.

Što se tiče finansiranja nevladinog sektora u prošloj godini takođe nastavljeno sa trendom koji Grad Tuzla njeguje godinama i finansiraju se različita udruženja i organizacije iz oblasti sporta, kulture i svih drugih,

znači druge aktivnosti koje nevladin sektor na području grada Tuzla obavlja svoje aktivnosti. Provodili su se uglavnom javni pozivi i tako je vršena raspodjela sredstava.

Za oblast poduzetništva i poljoprivrede u prošloj godini izdvojeno je oko 950.000 maraka i takođe je ova 17-ta godina znatno viša od 16-te na ovom području su izdvojena značajna sredstva i u obrazloženju imate nabrojano za koje namjene a imali ste informacije koje su resorne službe podnosile Gradskom vijeću ili će podnijeti za određene oblasti do kraja godine.

Oblast civilne zaštite je značajna postoje namjenska sredstva, u prošloj godini je, od namjenskih sredstava utrošeno 1.025.000 maraka. Najviše tih sredstava je usmjereno za opremanje specijalizovanih službi za spašavanje.

I vidite daje nabavljeno sanitetsko vozilo za Dom zdravlja, kombi vozilo za Veterinarsku stanicu, dva traktora sa priključcima za Službu za čistoću i asanaciju terena pri Javnom preduzeću Komunalac, kombi vozilo za Crveni križ itd. a značajna su sredstva usmjerena za preventivne mjere.

Što se tiče finansiranja samih službi za upravu Gradskog vijeća, evo u prošloj godini je iza Buždeta za plaće uposlenih izdvojeno, bruto plaće uposlenih od 9 miliona i 900 ili 21,01% Budžeta.

Takođe se iz Budžeta isplaćivalo zakonom propisane naknade. One su iznosile 2,85% Budžeta. U Gradu Tuzla na dan 31. 12. 2017. godine, odnosno u Gradskoj upravi bilo je uposleno 435 osoba od čega 146 sa visokom stručnom spremom, 20 sa višom, 196 sa srednjom. Evo vidite da i dalje kvalifikaciona struktura nije baš najpovoljnija, ali ona se popravlja. Znači ide se na smanjenje broja ljudi i u roku od 10 godina Gradska uprava je umanjila broj uposlenih za 100.

Gradsko vijeće, što se tiče javnih ustanova za plaće je izdvojeno 3.869.000 tu je uposleno 209 uposlenika u prosjeku bilo u prošloj godini. Gradsko vijeće takođe finansira iz Budžeta sa 3,32%. zatim savjeti mjesnih zajednica. Ono što zakon zahtijeva je da se Gradsko vijeće informie o zaduženosti i izdatim garancijama iz Budžeta. Ukupno Grad Tuzla na početku 2017-te godine je kreditno bio zadužen sa 9.870.000 maraka, tokom 17-te godine otplaćen dug u iznosu od milion i 78, na kraju godine zaduženje je iznosilo 7.722.725 maraka. Kreditno se Grad zadužio na osnovu odluka Gradskog vijeća za finansiranje projekata komunalne infrastrukture.

Što se tiče garancija i jemstava možda je interesantno reći da ove godine ističe kredit koji je Grad Tuzla bio garant Vodovodu i kanalizaciji za finansiranje postrojenja pitke vode znači završava se otplata ovog kredita u avgustu mjesecu ove godine.

Prošle godine je završena otplata kredita za opremanje Javnog preduzeća Radio-televizija 7 i ostala je znači data garancija Vodovodu za novi kredit KFV od ove Razvojne banke Njemačke i za Komunalac od Svjetske banke koji koristi kredit. Komunalac uredno izmiruje svoj kredit tako da nije bilo potrebe za aktiviranjem garancije.

I evo na kraju finansijski rezultat, već sam ga obrazložila, u rebalansu Budžeta, pa mislim da nema potrebe da ponavljam. Tekuća rezerva Budžeta, to je pozicija u Budžetu koja po Zakonu i po Odluci o izvršavanju Budžeta raspolaže Gradonačelnik.

U Budžetu je bilo prošle godine planirano 100.000 maraka, a tokom godine je potrošeno 33.638 maraka, riješeno 12 zahtjeva. Svaka odluka objavljena u Službenom glasniku, a u izvještaju imate navedeno kome je dato i za koje namjene i koji iznos.

Što se tiče e) **IZVJEŠTAJA O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE** ove budžetske godine, to je znači zakonska obaveza da se Gradsko vijeće tromjesečno izvještava o izvršenju Budžeta od ukupno 55.643.000 planiranih sredstava u prva tri mjeseca prikupljeno 13.375.000.

Ono što nije dobro je da je u odnosu na prošlu godinu, da su prihodi manji skoro za milion ipo. Evidentan pad prihoda imamo kod Termoelektrane u prva tri mjeseca do ne znam da li će se to do kraja godine, ta visina znači naknade je vezana za proizvodnju električne energije i u odnosu na isti period prošle godine po ovom osnovu je uplaćeno manje sredstava. Kako će se kretati do kraja godine, vidjet ćemo.

I takođe imamo manje prihoda u fondu za komunalnu infrastrukturu a tu se radi o onom zemljištu koji smo prošle godine prodali u prvom tromjesečju, koje je postiglo visoku cijenu, što nije bio slučaj u prva tri mjeseca ove godine sa licitacijama koje su se obavile u tom periodu.

Trošenje sredstava vrši se u skladu sa Budžetom. U prva tri mjeseca se uvijek najmanje troše sredstva obzirom da se vrše pripreme za, da se mora uraditi plan nabavki, raspisivati tenderi i u tom smislu znači će vjerovatno realizacija, ne vjerovatno, nego sigurno se pojačati u narednom periodu.

I evo da ne bi više oduzimala vrijeme, ukoliko bude pitanja, stojim na raspolaganju.

ALEKSANDAR VUJADINOVIĆ

U redu. Hvala lijepo gospođi Suadi Isaković, šefu Službe za budžet i finansije na ovom iscrpnom izvještaju.

Gradonačelnik Grada Tuzla gospodin Jasmin Imamović se želio isto obratiti vijećnicima, pa evo izvolite.

JASMIN IMAMOVIĆ – Gradonačelnik Grada Tuzla

Uz sve ovo što je kolegica Suada kazala, da ne ponavljam, osim da samo neke stvari podvučem. Dakle, došlo je do povećanja prihoda u prošloj godini države po raznim osnovama i plus do presuda. Mi nismo mogli znati koliko će prihod biti povećan do konca trećega mjeseca. To je razlog, jedan od osnovnih razloga planiranja rebalansa u aprilu mjesecu jer su nam javili da bi se ovo moglo dogoditi, ali ne uolikoj mjeri.

Presude isto. Nikad se ne zna kako će sud presuditi i to su ugodna iznenađenja. Zatim, prošle godine je bilo dosta ugovora sklopljenih, veoma dugo traju tenderske procedure, pa su mnogi ugovore, sa mnogim izvođačima smo ugovore sklopili kad su izvođači već ušli u zimu.

Ne obavljaju poslove, ne mogu ispostaviti fakture, ne možemo im platiti dok nam ne ispostavi dokaze o obavljenom poslu, tako da je realizacija tih ugovora sklopljenih up rošloj godini počela zapravo tek sa ovim toplim danima aprilskim.

I vi ćete vidjeti u izvještaju šestomjesečnom kako teče ta realizacija. A ima ugovora gdje izvošači pobijedili su, recimo ugovori za projektovanje, kao najpovoljniji, a onda kasne s projektom, šta sad radiš, poništavaš ugovor, ponovo gubiš vrijeme, raspisuješ tender. Ili urade projekat ali revizija ima osnovane je li primjedbe na taj projekat.

Ima negdje i kašnjenja. Došlo je do velikih kadrovskih promjena u službama. Otišao je veliki broj ljudi u penziju, vidjeli ste 100 ima manje uposlenih. U toku je prijem i popuna važnih pozicija u državnoj službi, ali to je konkurs kojeg provodi federalni, zapravo kao ispostava federalne, kantonalna Agencija i to je nešto, moramo reći, što se čeka jako dugo.

Jako dugo, po pola godine. Ima ovdje, ja bih rekao i lijepih vijesti. Realizacija je u toku. Ljudi vide neki projekat, pa se ne završava u toku zime, pa onda kažu aha izborna godina, sad će to biti veliko otvorenje, velika svečanost. Samo da vam kažem da neće biti nikakvog svečanog otvorenja mosta na Zlokovcu.

Mi smo njega mogli realizirati mnogo prije da nismo čekali USAID. Osim što ćemo sa finansijerima iz USAID-a obići objekat da se vidi da je završeno.

Zatim lijepa je vjesta što će biti dosta ulaganja u komunalnu infrastrukturu. To je dobro. Neki dugogodišnji problemi, evo zajedno sa Kantom, naše je veliko učešće u Centar za autizam, zajedno sa Kantom, ni jedan grad nije dao Vladi Kantona i ovoj bivšoj ni u ovoj sadašnjoj, svejedno je, jer je tema Centar za autizam.

Dalje, škola na Sjenjaku. Japanci nam napravili Opštini, sopstvenu školu, nikako nema sale, evo ta se sala diže. To radimo isto zajedno sa Vladom Kantona. Vi ste ranije donosili odluke za

mjesnu zajednicu, ima zaista skućen prostor Sjenjak. Evo ovaj puta imamo priliku i taj problem riješiti, a ono što je za mene najpozitivnija vijest obdanište.

Ja moram biti iskren pa kazati da sam iznenađen bio izvještajem Javne ustanove Obdaništa kad sam vidio da ima djece blizu 100 na čekanju. Da me zovu ljudi da urgiraju, možemo li mi kako da dijete u obdanište.

Ja sam mislio da je to kao u školama, na žalost jel deficit djece. Tako da je jedna dobra vijest da mi sad Budžetom utvrdimo da se pravi jedno novo obdanište.

Mene je malo zavaralo kad je Dom penzionera, ona kuća u Kuli reko da mu se ne isplati, a u stvari to je bio drugi razlog, odnosno obdanište da se preda Domu penzionera, u tom dijelu nema zglave djece i to je stara kuća gdje bi trebalo brdo para uložiti da se onao bnovi, neadekvatna za djecu i ostalo. Tako da je to meni drago, da nakon dugo vremena gradimo obdanište.

Sve ovo, što je opširno govorila kolegica Suada, ja zaista ne bih ponavljao, osim što bih predložio da prihvatite prijedlog izmjene i dopune Budžeta, prijedlog rebalansa Budžeta koji je pred vama, kao i ostale dokumente koji se odnose na budžet i finansije na ovoj sjednici. Hvala vam.

ALEKSANDAR VUJADINOVIĆ

Hvala gradonačelniku Jasminu Imamoviću. Ima li potrebe da se pročitaju izvještaji komisija? Nema.

Otvaram raspravu klubova vijećnika. Mirnes Ajanović, BOSS. Izvolite.

MIRNES AJANOVIĆ

Hvala predsjedavajući i zahvaljujem obrađivačima na iscrpnom obrazloženju i načelniku, odnosno gradonačelniku što nije bio opširan, zato što je zaista šef Službe izrazito opširno obrazložila sve.

I evo gradonačelnik je prihvatio da rad sjednice, kako neki nazivaju, bude efikasan. Što se mene tiče, nisam imao ništa protiv da bude i šire obrazloženje, ali ovo što je od gradonačelnika rečeno je za mene dopunilo ono što bih ja pitao predlagača.

Dakle, dobro su se sinhronizovali. Kako kaže gradonačelnik sinergija je evidentna.

Imamo situaciju suficita, uvijek mi u javnosti suficit gledamo kao nešto što jezarađeno ili ostvareno više. Ovaj suficit je u stvari nerealizovani poslovi u protekloj godini. Uz obrazloženje iz kojih razloga je došlo do nerealizacije tih poslova.

Imamo dakle osnovni fond 4,5 miliona, komunalnu infrastrukturu 4,5 miliona. Neutrošena kreditna sredstva 500.000. Suficit fonda od sredstava ostvarenih radom Termoelektrane Tuzla milion i 500. Neutrošena kreditna sredstva 300. Nekakav evo još mali suficit od 7.800 za socijalno stanovanje. Znam da ljudima fali tog pokrivanja stanovanja, ali eto.

Nisam baš, izgleda možda nisam dobro čuo, od kud ovaj suficit ovoliki za rad Teroelektrane milion i 500. Dobro, nisu uradili u Batvi, nisu uradili u naseljima gdje je to trebalo, vjerovatno je to razlog ali okolnost ekstremnog zagađenja grada, a vidjeli smo kako je to rezultiralo 3. januara događanjem, gotovo možemo reći, naroda, ovaj put građana Tuzle gdje zamalo nije došlo do protesta pokazuje da ova sredstva su morala biti utrošena. Bez ikakvog opravdanja ili bilo čega. Ali tu smo gdje smo. Vjerujem da je sve što se događalo 3. januara ove godine, pa i sa današnjom tačkom dnevnog reda gdje smo Vijećem, mi Kolegijem u stvari, putem Kolegija i Vijeća zatražili informaciju o realizaciji, došli u stanje da se ovo više neće događati.

Ovamo u obrazloženju, govorim sad redom kako ide, dakle o a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE. Ovo je prva stvar koja je interesantna, govori se evo da sada imamo više sredstava za toplifikaciju grada i citiram. Napominjemo da predloženi iznos predstavlja 110% od ukupno očekivanog prihoda u Budžetu od Elektroprivrede BiH. Nema tu 110%. Mi od Elektroprivrede dobijamo to što dobijamo u iznosu koliko dobijamo, pa je to 100%. Ne možemo dobiti 110%. Koliko god dobijemo od njih opet će biti 100%. Ovdje mi trebamo da imamo ovu okolnost našeg davanja sredstava, što je evo pozitivno, dakle iz budžeta Grada Tuzla, koja nisu sredstva Elektroprivrede Bosne i Hercegovine kako bi omogućili građanima da dočekaju narednu zimu u manjem ekstremnom otrovnom okruženju kakvo je bilo do sada.

Dakle, ovdje se ne radi samo o mjesnim zajednicama koje su direktno izložene, posebno njih treba tretirati, one imaju nekakav evo možemo reći tzv. specijalni status i današnja jedna odluka o oslobađanju plaćanja angažovanog kapaciteta ili slično ide u svrhe realizacije tog tzv. specijalnog statusa. Mada bi više volio da nema te tzv. ali svejedno, ali bilo bi dobro da oni imaju specijalni status, a mi svi ostali u gradu tzv. specijalni status jer to zaista zahtijeva svaki građanin i svih nas, uključujući i gradonačelnika i Gradsku upravu.

Rebalans je opravdano predstavljati Vijeću. Smatram da bilo kakva sredstva koja dođu, izvinjavam se, ova klima je ispočetka bilo dosta hladno, malo sam intervenisao, a evo dalo je odmah rezultat. Rebalans treba prezentirati Vijeću kad god ima osnova i potrebe. Ne dakle, samo po suficitu ili dobijanju sredstava nego i raspodjeli sredstava unutar službi, kako se ne bi desilo da na određenoj službi postoje sredstva koja se nisu trošila ili utrošila da na određenim mjestima fali.

Meni je zadovoljstvo da mogu reći da sam bio saučesnik u realizaciji, kada govorimo o izvršenju Budžeta za 2017. godinu brojnih kapitalnih izdataka uključujući i ceste, rasvjetu, brojnim mjesnim zajednicama gdje sam lično išao, hodao. Od jedne do druge mjesne zajednice i evidentirao stubove gdje nema recimo rasvjetnog mjesta, pa onda u saradnji sa Službom za komunalne poslove zahtijevao da se to postavi i riješi. Kanalizacija, voda ili slično. Neki su za mnom hodali i dijelili svoje vizit kartice da se glasa za njih. a ja nigdje nisam podijelio niti jednu jedinu vizit karticu.

Na žalost ima i takvih ljudi, a kasnije se hvale da su dobili nešto više glasova, par desetina glasova više.

Ali eto kako su radili, ono politički podmuklo, OK. Njima na teret, oni se već odmah pokazuju i zacrvene, vidi se odmah ko je, ne treba ni predstavljati. Jeste. Pogledajte crvenilo na licu pa će vam biti jasno.

(ALEKSANDAR VUJADINOVIĆ – Hajmo držite se molim vas tačke Dnevnog reda.) Držim se. Ja govorim o rasvjeti ko kapitalnim. Ništa ja nisam izašao ni dijela iz ovog što govorim.

(ALEKSANDAR VUJADINOVIĆ – U redu. Hvala.) Eto držite se i vi mog prava da ja imam pravo to prezentirati kako ja smatram da treba u okviru tačke Dnevnog reda.

Imamo još nekoliko okolnosti evo recimo iz ovog dijela d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE navodi se i URODIOL TK – Udruženje roditelja onesposobljene djece. To nisu čak ni djeca s posebnim potrebama. To su djeca koja su nesposobna. Ima tamo nekoliko desetina njih neki pomažu roditelji koji takođe imaju probleme i ovdje je dato hiljadu maraka.

Predlažem jedan od zaključak. Pošto se nalaze u teškim finansijskim problemima. Oni nemaju ni problem riješen smještaja. Oni se nalaze sada u baraci koja je ostala okrnjena od svih onih baraka pored Trga slobode. Oni imaju već jednu, dvije presude jer nisu plaćali, nisu mogli plaćati stanarinu. Grad ih tuži. Bukvalno ih Grad ubija. Pored toga što su svakako onesposobljeni Gradska uprava ihubija, a i mikao Grad. Zato što moraju postupati po zakonu i utuživati neplaćena sredstva.

Dajte zaključak predlažem da se za ovo udruženje izbudžeta, ako je potrebno rebalansom ili neakvim drugim načinom, preraspodjelom iz ovih sredstava tekuće rezerve iz sredstava Službe za društvene djelatnosti itd. kako god hoćete, odvoje adekvatna potrebna sredstva za normalno, bar minimalno funkcionisanje tog Udruženja. Moram reći taj termin, grehota je prema toj djeci i tim ljudima da žive u agoniji i pod prijetnjom izbacivanja svega i svačega i da nemaju struje, niti vode, niti bilo šta. bukvalno su sami od sebe su u teškom stanju, još mi im pravimo teret.

Dakle, da se iz tih sredstava obezbijedi, iz ovih, bilo kakvih, kako god hoćete, sredstva za normalno funkcionisanje da mogu plaćati režije i da mogu funkcionisati, kupovati bar osnovno, hranu, ako nose od kuće hranu i grozno je šta im se događa.

Drugo, odvojiti sredstva za Civilnu zaštitu, za interventne mjere. Evo u subotu je bila ona teška kiša i mjesna zajednica Donja Obodnica, Avdibašići, naselje Repusovac to je ovim putem prolaze kamioni, vozila, Repuševac, pardon i kad dođe do zastoja to je alternativni put, ima izlaz prema Breškama, Lipnici.

Evo ovdje su slike, teško je pokazati kako pričamo naopako. Sad ja Gradonačelniku pokazujem, evo da vidi slike, hvala vam načelnice što ste se okrenuli.

Put je potpuno razrovan. Razrovan, uništen. Zovu mene u nedelju zvali su Službu za civilne poslove niko se ne javlja, nema dežurnog. Ne mogu proći putem razrovan od vode. Kanalizacija, potok se izlio, ugroženi su bunari. U potpunoj su opasnosti i da se evo odmah sad delegiram, odmah obavijesti civilna zaštita neka ode na lice mjesta.

Neka nađe način u saradnji sa Službom za komunalne poslove neka rješavaju ovaj problem, a da se evo gradonačelnika pozivam i zaključak jedan, obezbijede interventna sredstva za civilnu zaštitu i obavezno prisustvo dežurnog lica na telefonu.

Ja nisam znao kome ću se javiti, mogao sam samo zvati gradonačelnika, a već je bilo kasno, zvali su me sinoć kasno, čovjeka zvati u pola deset naveče. Nisu znali kome će i sjetili se eto mene. A obzirom da je Vijeće, evo imamo sada situaciju da dakle postoje sredstva za dežurnu osobu, da postoje sredstva za interventne, dakle ove aktivnosti, gdje god treba da bude kod njih ili u Službiza komunalneposlove i da se to rješava.

(ALEKSANDAR VUJADINOVIĆ – Privodite samo diskusiju kraju, molim vas.) Mislim da imam predugo još, vi recite kad je kraj. (ALEKSANDAR VUJADINOVIĆ – Minuta još.) Dobro.

Ja ću glasati za sve osim za izvještaj o izvršenju Budžeta za 2017. godinu Jer sam Tužilaštvu Federacije podnio krivičnu prijavu iz razloga što je u prošlom prijedlogu Budžeta na stranama 6. i 7. u obrazloženju prijedloga naveden, citiram član 6. Zakona o izdvajanju sredstava iz Termoelektrane i da je pored ostalih svih alineja i za finansiranje projekata za lokalni ekonomski razvoj evidentirana i alineja finansiranje kulture.

Tada zaista nisam provjeravao zakon, glasao sam za Budžet, glasao sam i za ovaj Budžet za ovu godinu jer je moja dužnost da glasam za Budžet. Nikada nisam učestvovao u izradi budžeta niti formiranju bilo šta ili bilo kakve stavke ili bilo kakve marke, ali moja dužnost je da glasam, kao vijećnik, jer je predlaganje Budžeta u nadležnosti Gradonačelnika, ali ovdje je dodata alineja koja nije postojala.

Mi smo na osnovu toga i ja sam glasao za to 365.951,39 KM protuzakonito usmjerili.

I ja iz ovih razloga ne mogu glasati za izvještaj o izvršenju Budžeta za 2017. godinu. Ovdje imam dakle dokumentaciju koja je dostavljena Tužilaštvu u vezi ovih okolnosti. Ne bi sada u detalje išao. Nadam se, evo mogu postaviti pitanje. Nadam se, evo mogu postaviti pitanje, nadam se i konstatovati da u ovim dužim elaboriranjima i u ovim materijalima koji su zaista obimni, evo trebalo nam je više dana da ih izčitamo, nema ovakvih i sličnih situacija.

I mi kao vijećnici odgovaramo za zakonitost rada Gradskog vijeća. Dakle, nemamo imunitet i ne bi želio da se ja nađem u situaciji, kao što sam tada glasao za Budžet. A tek smo za budžet u 2018. godini saznali, kada smo vršili pritisak, kao opozicija, da nema u tom budžetu ove alineje finansiranje kulture, kada je gradonačelnik na narednoj sjednici, prilikom nacрта, smo to upozorili, a prilikom prijedloga povukao sa te pozicije na drugu poziciju ova sredstva za finansiranje kulture. Hvala.

ALEKSANDAR VUJADINOVIĆ

U redu. Hvala lijepo. Slijedeći se javio za riječ Nedžad Malikić, Tuzlanska alternativa. Izvolite.

NEDŽAD MALIKIĆ – vijećnik Tuzlanske alternative

Hvala predsjedavajući. Evo ispred Kluba Tuzlanske alternative, prije svega želim da pozdravim vas sve prisutne i želim istaći nekoliko stvari kad je u pitanju Budžet Grada, odnosno rebalans Budžeta. Naravno kao jako bitan dokument ovoga grada i na kraju krajeva kad su u pitanju i novac, oko njih se sve i vrti tako da jednostavno jako bitna tačka dnevnog reda.

Iz tog razloga sam i na Kolegiju i predložio upravo to da vijećnička pitanja prebacimo na zadnju tačku dnevnog reda kako bi svu energiju i pažnju usmjerili upravo na ovu tačku.

Kada je u pitanju rebalans budžeta koji imamo danas na razmatranju. Jako je dobro kada raspravljamo, kada imamo višak sredstava onda je puno lakše diskutovati i raspoređivati itd. za razliku od deficita kada imamo manja sredstva i kada na neki način se mora umanjivati, a toj eonda malo teže.

Jako je dobro ovo što nam je Suada Pomoćnik Gradonačelnika za finansije, manje više sve to nas je podrobno informisala, obrazložila i jako je dobro što ta sredstva idu za komunalnu infrastrukturu. Jakko je dobro što smo, kada su u pitanju javna preduzeća i javne ustanove povećali određena sredstva, kako za higijenu grada, zimsko održavanje, zelene površine itd. itd. ono što je nadležan grad, jako je bitno da se to na vrijeme odvoje sredstva i jednostavno na neki način prije svakog i donošenja budžeta zatražiti od javnih preduzeća, javnih ustanova itd. itd. da nam uvijek dostave informaciju kolika su neophodna ta neka minimalna sredstva kako bi mogli oni odgovoriti zadatku.

Ne smije se desiti da dođemo u situaciju da se neka naselja kose tek u osmom mjesecu ili u sedmom, nego da planiramo više sredstava i da oni na vrijeme znaju kako i na koji način odgovoriti.

Vidimo da je svake godine, kada je u pitanju održavanje zelenih površina, sve bolje i bolje i to moramo i uvijek pogošavati kada je u pitanju takođe higijena grada moramo naše ulice na vrijeme i čistiti i prati, bez obzira evo bile su kiše i ovdje uvijek poslije svake kiše ili sušnog perioda naše ulice se moraju prati, kiša iznese sve na ulicu a kad je suša tada bude jednostavno se isprljaju ulice.

Kad je u pitanju zimsko održavanje puteva u zadnjih desetak godina izgrađeno je na stotine kilometara puta, ono što god se uradi mora se na kraju krajeva i održavati i to je dobro.

Kada su u pitanju javne ustanove, evo vidimo dobro je da smo počeli napokon kupovati i prostore za naše obdanište. Kupujemo prostor za mjesnu zajednicu, a isto tako moramo planirati, imamo dosta naših mjesnih zajednica gdje su potrebna i ulaganja kako bi se i ona stavila u punu funkciju.

Ono što je jako bitno, a to se može viditi iz ovog rebalansa, da kada, evo svi su komunalni projekti tu nama na stoju, svi smo vidili, svi su projekti jako bitni. Ono što bi želio na neki način da skrenem kao, kao neki od problema, a to je evo kada mi donesemo i budžet i kada za neke projekte obezbijedimo sredstva, jednostavno ne dolazi do njihove realizacije. A s druge strane ne dobijemo ni pravi odgovor zašto nešto nije realizirano.

Mi smo u 2017. godini izdvojili sredstva kako bi na neki način pokušali riješiti saobraćajni problem na tri raskrsnice. To samo navodim jedan kao jedan primjer, gdje smo i određena finansijska sredstva izdvojili, međutim do toga nije nikada došlo i evo vidimo sad da ni u ovoj godini neće od toga biti ništa. Mislim da moramo povesti računa za projekte za koje dignemo ruku,

obezbjedimo sredstva. Ja sam svjestan da projekte 100% sve ne možemo uraditi, ali na kraju krajeva možemo li bar dobiti obrazloženje konkretno za ovaj dio problema, a vjerovatno da ima još tih projekata koji nisu realizirani, samo jedno obrazloženje zbog čega se to nije uradilo.

Ja znam kad je u pitanju javna nabavka, tenderi da je to procedura da dosta puta se jednostavno desi da i propadnu projekti, da jednostavno budu poništeni iz više razloga ali evo ne bi sad o tome, ali ako ništa barem možemo dobiti obrazloženje.

Takođe jako je bitna činjenica da svi oni projekti, evo sad imamo hvala bogu sredstava, da svi oni projekti, a to su uveli problema prije građani gdje su dali svoj novac, odnosno gdje su sufinansirali projekat da tu moramo odgovoriti zadatku i da imamo predviđena sredstva da svi ti projekti budu realizirani u toku godine.

Znači za sva ona sredstva gdje su građani skupili određeni dio sredstava, da grad ima sredstva i da te projekte se mogu realizirati. Jer ondje gdje građani daju sredstva znači tu su jako zainteresirani i bitno him je da se to i završi.

U prošloj godini smo mi takođe, mislim takođe da je bio rebalans, izdvojili određena finansijska sredstva za škole, osnovne škole na području grada Tuzla. To su bila sredstva od 10.000 maraka. Sada mi je drago vidim na toj poziciji imamo 30.000 maraka gdje su to iskoristile naše škole, opravdale, predpostavljam ta sredstva koja su dobili, sada imaju 30.000 na raspolaganju.

Bitno je istaći da Grad Tuzla nije u nadležnosti da izdvaja sredstva kad su u pitanju, ali evo, izdvojili smo 30.000 maraka, izdvojili smo određena finansijska sredstva za izgradnju fiskulturne sale. Bez obzira čija je nadležnost, to su naša djeca i moramo se potruditi da imaju bolje uslove.

Ono što bi želio da bude jedan od zaključaka, kad su u pitanju konkretno ova sredstva, da se sve škole na području grada Tuzle, prošle godine su dobijali jednokratna sredstva sve škole, samo da se ovaj put uzme mogućnost da škole koje dobiju sredstva da se njihove područje škole tretiraju kao centralne, jer ipak su to dva objekta, tako da bi na neki način bila to raspodjela tih sredstava pravičnija.

Znači da se centralne i područne škole tretiraju kao jedna, tako da jednostavno budu na neki način pravično raspoređene. Imamo takođe, što je jako bitno, kapitalni izdaci za rekonstrukciju i investiciono održavanje gradskih poslovnih prostora. Na raspolaganju 80.000 maraka.

Ja predpostavljam da su to sredstva koja su planirana za rekonstrukciju objekta koje koristi Udruženje 25. maj jer evo već par godina se iznalazi rješenje, oni već imaju projekat. Da se napravi jedna spomen soba, kako bi svi oni koji dođu u grad, a ne znaju ono što se desilo 95. godine 25. maja na jednom mjestu mogu dobiti punu informaciju vidjeti te strahote koje su se tada desile.

Ono za što mislim da bi, ako bi bilo naravno rebalansa, ja se nadam da će ga biti još jedan u ovoj godini da se planiraju sredstva.

Mi smo naime od Elektroprivrede još davno dobili zemljište za groblje i mezarje, ali moramo našem javnom preduzeću pomoći, barem u prvoj fazi pa da bude jedan od zaključaka da se planiraju sredstva za prvu fazu izgradnje mezarja i groblja kako bi se akutni problem ovoga grada riješio.

Znači mi jednostavno imamo problem jer sve je manje mjesta za ukop ljudi koji umru, jednostavno da se napravi gopre prva faza, a kako bi se na neki način stvorili preduslovi da se to može gore i realizirati.

Što se tiče, imalo bi se što šta još reći. Ono što sam rekao na početku jako je bitno kad se dobro obrazloži, jednostavno i ne treba puno.

Ono su odprilike neki zaključci koje mislim da bi trebali biti i podržani. A što se tiče Kluba vijećnika Tuzlanske alternative, mi ćemo znači glasati i za a), b), c), d) i e) u cjelosti. Hvala.

ALEKSANDAR VUJADINOVIĆ

U redu. Hvala lijepo. Sabahudin Imamović, SDA. Izvolite.

SABAHUDIN IMAMOVIĆ - vijećnik Stranke demokratske akcije

Imati danas budžetsku stabilnost, još govoriti o suficitu, mislim da je privilegija. Dakle, kao građanina ovoga grada i vijenika raduje me da imamo višak sredstava, da možemo realizovati određene projekte. Naravno kao opozicija imamo pravo da budemo sumnjičavi da imamo stalnu praksu da se neki projekti ne realizuju u neizbornim godinama ali se zato obimno i ekspresno realizuju u izbornim godinama.

Ali nama, kao konstruktivnoj opoziciji, je bitno da se realizuju projekti i da se olakša život građana.

Da gradonačelnik i ova vlast sluša glas opozicije, govori činjenica da je uloženo u određena, u određene oblasti više nego što se ulagalo ranije, dakle, prije svega u toplifikaciju. Mislim da treba još više ulagati za rekonstrukciju puteva jer to je jedan od ozbiljnih problema grada Tuzla i kanalizacije i vodosnabdijevanja.

Moram podsjetiti da Tuzla nema niti jedan kolektor. Oni, prema mojim informacijama koštaju oko 25.000.000 maraka. Ali mislim da ovoliki grad i koji želi da usvoji ekološke standarde da se treba ozbiljno razmišljati o tome.

Opoziciji nije dozvoljeno da, niti na simboličan način, učestvuje u kreiranju budžetaza 2018. godinu tako da iako nam je drago da imamo budžetsku stabilnost i suficit, mi ne možemo podržati, prepuštamo većini koja je kreirala ovaj budžet da naravno uživa u uspjehu i da preuzme odgovornost.

Dakle, mada ponavljam, raduje nas što će se izdvojiti više sredstava za Oblast komunalne infrastrukture, s tim da se tu otvara jedno pitanje, da li ova Služba za komunalne poslove, ovako organizovana, može potrošiti ovoliki novac? Dakle, ja sam nezvanično ovdje iznosio mišljenje da nekada sam tražio da se Služba za komunalne poslove, kadrovski ojača, ali mislim da to definitivno ne bi donijelo nikakav rezultat i ubijeđen sam da treba firmirati još jednu službu koja bi se isključivo bavila izgradnjom. Dakle, komunalnom infrastrukturom, a ne drugom vrstom administriranja, taksistima, baštama itd.

Dakle, služba koja bi se isključivo bavila izgradnjom. koja bi bila u stanju da potroši ovaj novac koji mi ovdje obezbijedimo.

Mislim da treba razmišljati u tom pravcu.

Ovdje se koristi jedan termin, nabavka poslovnog prostora, ja ne znam kakvi su to standardi. Za mene je priličniji termin ovo za ovu mjesnu zajednicu Sjenjak, obezbjeđenje valjda prostora za Mjesnu zajednicu Sjenjak.

Nabavka mi je nekako neprimjerena za nekretninu i nije mi rečeno, hoće li se kupiti neki poslovni prostor ili ćemo graditi mjesnu zajednicu.

I 350.000 maraka je ogroman iznos. Ja ne znam šta se planiralo tamo u Službi za komunalne poslove, kakva će to biti, je li predviđeno kino u sklopu mjesne zajednice?

Da Gradonačelnik i ova vlast slušaju opoziciju govori i činjenica, odnosno d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE.

Dakle, u prethodnim godinama Gradonačelnik je trošio oko 250.000 maraka iz ovih sredstava koji su namijenjeni samo dakle za hitne intervencije. Ja sam izračunao da je naš gradonačelnik trošio svaki radni dan hiljadu maraka. Naravno ne za lične potrebe nego po svom nahođenju. Velika sredstva su korištena za

socijalno ugrožene kategorije, liječenje, socijalne pomoći, mada mi u Budžetu imamo stavku za socijalno ugrožene.

Vidim da se to promijenilo, prije svega sredstva su, koja su planirana, puno su manja i gradonačelnik je bio izuzetno štedljiv i ja mu čestitam na tome. Dakle, utrošeno je samo 33% od ukupno planiranih sredstava.

Tako da od svih ovih odluka, izvještaja, ja mislim da bi naš Klub mogao podržati

d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE, a u pogledu ostalih odluka bit ćemo suzdržani, samo iz jednog prostog razloga što nam se ne dozvoljava da učestvujemo u kreiranju budžeta. Hvala.

ALEKSANDAR VUJADINOVIĆ

U redu. Hvala lijepo. Slijedeća za riječ se javila Azra Gazibegović, Klub SDP-a. Izvolite.

AZRA GAZIBEGOVIĆ - vijećnik Socijaldemokratske partije

Poštovani predsjedavajući, zamjeniče predsjedavajućeg, poštovane kolege i kolegice vijećnici i vijećnice, mediji i gosti, sve vas srdačno pozdravljam.

Kada je u pitanju a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018. GODINE Klub vijećnika i vijećnica SDP-a će svakako podržati ovu odluku, s obzirom da evo smatramo da je do rebalansa došlo zbog toga što su budžetska sredstva realno planirana.

Ja se zaista ne mogu sjetiti da je do sad dolazilo do izmjena i dopuna Budžeta Grada Tuzla zbog deficita što mi je posebno drago.

Dakle sredstva su u ranijem periodu od strane službi Grada Tuzla, Gradske uprave realno planirana i što možemo evo da vidimo da se i poštuju zaključci Gradskog vijeća Tuzla a tome u prilog jel govori zaključak Gradskog vijeća Tuzla od 23. 1. 2018. godine kada je zadužena Gradska uprava da rebalansom Budžeta Grada Tuzla planira sredstva za toplifikaciju.

To evo mi imamo na današnjem dnevnom redu. Do povećanja sredstava najviše je došlo kada je u pitanju komunalna infrastruktura i to je u uvodnom izlaganju rečeno i od strane obrađivača i od strane predlagača materijala.

Najviše dakle sredstava odnosi se na toplifikaciju, na izgradnju i rekonstrukciju puteva, za rekonstrukciju Stadiona Tušanj, za izgradnju trotoara, za izgradnju mostova, održavanje javne rasvjete, regulaciju nereguliranih riječnih vodotoka, rješavanje poslovnog prostora za Mjesnu zajednicu Sjenjak. Što evo i sami znamo da je to zaista problem koji je prisutan dugi niz godina i za koji problem su postojale inicijative, vijećnička pitanja ranijih godina i evo zaista mi je drago da na današnjoj sjednici Gradskog vijeća, kada je u pitanju rebalans budžeta, imamo upravo prijedlog za rješavanje jednog ovakvog problem i da sredstva za nabavku poslovnog prostora, ili kako god to bilo definisano, bitno je dakle da se prostor Mjesne zajednice Sjenjak riješi.

Zaista mi je drago da je svoje mjesto u ovom rebalansu našlo i povećanje sredstava za održavanje i uređenje igrališta. S obzirom da smo mi u ranijim periodima imali zaista mnogo zahtjeva građana i građanki kada su u pitanju igrališta i da su oštećena od strane građana koji su evo namjerno, ili nenamjerno, ali uglavnom su oštetili igrališta i zaista mi je drago da u ovom rebalansu, mi imamo povećanje tih sredstava za više od duplo i da će se i ovi problemi u narednom periodu riješiti.

Mi ćemo dakle ovu odluku podržati iz razloga kojeg sam maloprije rekla.

Kada je u pitanju b) ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU takođe ćemo ovu odluku podržati, kao i izvještaje pod c) i d).

A nešto više o d) IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE kao i o e) IZVJEŠTAJU O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE će me dopuniti predsjednik Kluba Alen Kapidžić. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio Elvir Kasumović, SBB. Izvolite.

ELVIR KASUMOVIĆ – vijećnik Saveza za bolju budućnost

Zahvaljujem se predsjedavajući, koristim priliku da pozdravim sve građane grada Tuzle i sve one koji će putem portala ili radio televizije pratiti ovu današnju sjednicu. Koristim priliku da pozdravim sve prisutne u sali.

Što se tiče kluba vijećnika Saveza za bolju budućnost mi ćemo podržati od ponuđenog dnevnog reda tačke pod a), b) i d).

c) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE takođe ne možemo prihvatiti iz razloga što, kao što reče moj predhodnik Sabahudin, nije nam se dozvolilo da i mi učestvujemo u kreiranju Budžeta, kao ni ovog do e) IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE.

Kada kažem da ćemo prihvatiti a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE, odnosno rebalans Budžeta (b) ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU) raduje nas činjenica da se u svemu ovome našli Amandmani Saveza za bolju budućnost. Znači, iako ova administracija, na čelu sa gradonačelnikom nije na početku prepoznala šta to građani žele, a prepoznao je Klub vijećnika Saveza za bolju budućnost, evo vidimo sada se to ponovo dalo na rebalans, odnosno na prihvaćanje.

Za nas je to izuzetno prihvatljivo, bez obzira što se desilo pod pritiskom javnosti, pod pritiskom građana, nije bitno na koji način se donijelo, ali evo bitno je da se sredstva ulažu u onom iznosu i za one namjene za koje i jesu zakonski određene.

Žao nam je jednostavno što i prije par godina nije se ovako nešto desilo jer bi daleko veći broj mjesnih zajednica bio sada snabdjeven toplotnom energijom i ne bi imali ovo zagađenje koje nam se dešava na području grada.

Takođe ova odluka o izmjenama i dopunama Odluke o izvršenju Budžeta Grada Tuzle za 2018. godinu raduje nas što će se u svemu tome naći ova sredstva koja su takođe u Amandmanima Saveza za bolju budućnost data, a u prvom mahu nisu prihvaćena i prepoznata od Gradonačelnika, odnosno Službe koja je predložila Budžet za 2018. godinu.

Nadamo se da će i izvršna vlast u budućem periodu, prije kreiranja Budžeta sjesti sa svim klubovima i naći razumijevanja da prepoznaju stvarne probleme građana grada Tuzle, a ne samo one koji jednostavno da li lično ili neka uža grupa ljudi želi da se upotrijebi u one svrhe i namjene jer su ovo sredstva svih građana grada Tuzle, a ne samo probranih ljudi.

Mislim da će moje kolege iz Kluba isto tako uzeti učešća u daljoj vijećničkoj raspravi. Što se tiče Kluba Saveza za bolju budućnost, ja sam iznjeo naš stav. Hvala.

ALEKSANDAR VUJADINOVIĆ

U redu. Hvala lijepo. Replika Erna Delić. Izvolite.

ERNA DELIĆ - vijećnik Socijaldemokratske partije

Zahvaljujem predsjedavajući, evo i ja ću pozdraviti sve prisutne obzirom da se prvi put javljam.

Zbog javnosti, obzirom da se sjednice naše i snimaju i prenose ja bi samo da naglasim da Klub Saveza za bolju budućnost nije apsolutno bio prisutan prilikom usvajanja Budžeta, prošle godine, nisu bili prisutni prilikom glasanja, odnosno izjašnjavanja o njihovim Amandmanima. Prema tome, ne vidim razloga zašto moj kolega ovako govori i nastupa. Samo radi javnosti da ne bude da nekog obmanjujemo.

Evo ja ću samo, za kraj, čast jednom izuzetku kolegici Lejli koja je bila do kraja na toj sjednici. hvala.

ALEKSANDAR VUJADINOVIĆ

U redu. Hvala lijepo. Replika Elvir Kasumović. Izvolite.

ELVIR KASUMOVIĆ

To što je neko imao već ranije preuzete, obaveza, i nije ih mogao, a sjednica je trajala duže od planiranog ne možete nama prilagati da nešto nismo ili jesmo ako nismo bili prisutni.

O razlozima ne možemo raspravljati. Razlozi su mogli biti privatne ili neke druge prirode. Prema tome, na samoj, na samom početku i svemu je rečeno da naši Amandmani neće biti prihvaćeni. Ali, i to što nismo bili prisutni govori da jednostavno da nam se, ovako kreiran Budžet, nije svidio kao ni građanima grada Tuzle i evo raduje nas sad što je on ispravljen. Ta nepravda koja se desila prema vijećnicima Saveza za bolju budućnost što se na ovaj način ispravila. Hvala.

ALEKSANDAR VUJADINOVIĆ

U redu. Hvala lijepo. Replika jednom o istom. OK. Azra Gazibegović, replika. Izvolite.

AZRA GAZIBEGOVIĆ

Ja ću replicirati gospodinu Kasumoviću u dijelu, kada je rekao, stvarni problemi građana da se nisu obuhvatili ovim Budžetom, odnosno rekao je poslije da je ispravljena nepravda prema Klubu Saveza za bolju budućnost.

Gospodine Kasumoviću, Gradsko vijeće Greda Tuzla, predvođeno većinom SDP-a, Tuzlanske alternative i drugih koji su članovi parlamentarne većina prethodnih saziva i ovog saziva Gradskog vijeća itekako vodili računa o stvarnim problemima građana. Ono što govori u prilog tome jeste da u svakom budžetu mi imamo da izdvajamo iz Budžeta najviše dijelom za komunalnu infrastrukturu, a ovim izmjenama i dopunama znači samo se povećavaju sredstva u odnosu na predložena sredstva u decembru mjesecu kada smo usvajali prijedlog Budžeta.

Prema tome, dakle, mi ne zapostavljamo ni jedan segment ni kada je u pitanju komunalna infrastruktura, ni kada su u pitanju društvene djelatnosti, ni kada su u pitanju javne ustanove i javna preduzeća, dakle, društvena djelatnost kultura, sport, apsolutno sve to je obuhvaćeno našim budžetom, Budžetom Grada Tuzla za svaku godinu, za svaku prethodnu godinu i evo sada imamo tu sreću da smo iz razloga koje su naveli i predlagач i obrađivač ovog materijala, da je došlo do

povećanja prihoda navedite mi jednu lokalnu zajednicu koja je, zbog suficita imala izmjene i dopune budžeta u svojoj lokalnoj zajednici. A mi to imamo svake godine. Hvala.

ALEKSANDAR VUJADINOVIĆ

U redu. Hvala lijepo. Izvolite. Ne možete replicirati više po jednom pitanju. Može znači samo jednom da se replicira po istom pitanju.

A drugi govornik. Izvolite, hoće li biti ista diskusija po istom. (MIRNES AJANOVIĆ - Poslovnička intervencija predsjedavajući.)

Poslovnička intervencija Mirnes Ajanović. Izvolite.

MIRNES AJANOVIĆ

Shodno Poslovniku jeste definisana replika istom licu. Ali ovdje radi se o drugom licu i smatram da. (ALEKSANDAR VUJADINOVIĆ – Po istoj tački Dnevnog reda. Po istom pitanju.) Izvinjavam se nisam samo završio. Jer došli bi onda u situaciju koja bi bila apsurdna da jedno lice se javi za bilo kakav svoj stav, a onda ostalih deset protiv njega, a onda da on ne može replicirati više nikome.

ALEKSANDAR VUJADINOVIĆ

U redu. Elvir Kasumović, replika vijećnici Gazibegović. Izvolite.

ELVIR KASUMOVIĆ

Zahvaljujem. Pa to da je dobro planiralo pokazalo se evo već nakon tri mjeseca. Osnovno četiri mjeseca da nije dobro planirano i da to nije da to nisu bile stvarne želje građana grada Tuzle.

Mislim da je trebalo malo više poslušati javnost, odnosno građane i evo zbog toga smo i dobili ovaj rebalans naime, mislim, ovo je činjenica jedna o ovome svemu što ja pričam.

O tome dalje kako i šta ne želim ja da kažem, neka kažu svi građani grada kažu po tom pitanju.

ALEKSANDAR VUJADINOVIĆ

U redu. Hvala lijepo. Replika. Alen Kapidžić, SDP. Izvolite. Gospodine Kasumoviću smao da isključite mikrofona. Hvala.

ALEN KAPIDŽIĆ - vijećnik Socijaldemokratske partije

Pa dobro ovdje je bilo puno diskusije i od strane kolega iz SDP-a i svih ostalih koji su se javljali za riječ. Pošto se prvi put javljam ja vas sve srdačno pozdravljam. Da ne bih ponovo navodio ovo, a evo stalno se diskutuje o tome da ovo nisu želje građana svih građana grada Tuzle, nego kao probranih ljudi, ja vas molim da nas ne svrstavate u to, jer mi itekako vodimo računa o građanima grada Tuzle i to svih. A naravno tome u prilog govori, hajde da kažemo neke kritike od strane opozicije koje su upućene prema parlamentarnoj većini, pa kažu da mi ne vodimo računa o ravnomjernom razvoju svih mjesnih zajednica, a evo ako pogledate ovaj izvještaj o izvršenju

Budžeta za 2017. godinu pa ćete tamo vidjeti da je za održavanje, rekonstrukciju, izgradnju novih lokalnih puteva i trotoara u 2017-toj godini utrošena su određena sredstva.

Zatim za izgradnju i rekonstrukciju, održavanje javne rasvjete. Izgradnju vodovodne i kanalizacione mreže itd. Znači da su realizovani određeni projekti, a većina kako hajde da kažemo u ovim gradskim, većina projekata je urađena upravo realizovana u prigradskim mjesnim zajednicama.

Znači, ova kritika o obezbjeđenja nabavka prostora, što je govorio kolega Sabahudin, ja mislim da ovo nema, mislim da ne predstavlja nikakav problem da se to i zove nabavka prostora jer je u stvari predviđena nabavka prostora, a ne obezbjeđenje. Obezbjeđenje može biti i rekonstrukcija određenog, određenog prostora, ili iznajmljivanje prostora, plaćanje rente itd. a da parlamentarna većina opet što se tiče tih nekakavih zaključaka kaže poštuju li ili ne poštuju zaključke, stalno se provodi ta diskusija da mi ne poštujemo svoje zaključke.

Ja sam na jednom od vijeća čak u prošloj godini izlazio i govorio, mislim čak kad je bio prošli budžet, da smo mi svoje zaključke, kao parlamentarna većina vodimo računa o njima i da ih naravno izvršavamo jel i tako smo i prilikom tog usvajanja Budžeta i bila riječ o toplifikaciji.

Ono što smo rekli i prije Budžeta, usvojili smo i ta sredstva u visini koja smo rekli da ćemo izdvojiti. Izdvojili smo sredstva naravno i sad prije usvajanja ovog Budžeta i rebalansa Budžeta smo rekli da će biti ova sredstva u visini koja su ovdje prikazana. Znači to je. Hvala.

ALEKSANDAR VUJADINOVIĆ

U redu. Hvala lijepo. Elvir Bijedić, je li tako, replika.

ELVIR BIJEDIĆ - vijećnik Socijaldemokratske partije

Ja vas sve srdačno pozdravljam obzirom da se prvi put javljam, pa samo replika kolegi Kasumoviću. Dakle, ovdje se radi o povećanju sredstava dakle, pričamo o rebalansu , dakle, govorimo o povećanju sredstava na način da 5,8 miliona ako ste slušali gospođuSuadu Isaković odlazi na toplifikaciju.

I htio bih samo da naglasim jednu stvar kad smo kod toga koliko se sluša, oko toga koliko se sluša opozicija, koliko su to želje jednih ili drugih reču samo da smo mi ovdje prije par sjednica imali jednu tačku dnevnog reda koja se ticala Stadiona Tušanj. Konkretnije dakle proglašenja javnog dobra Stadiona Tušanj iz razloga dakle što je tu trebalo da se postavi stanica, odnosno podstanica za toplifikaciju Batve i to nam je bilo onda da kažemo od vrlo bitnog interesa gdje je Klub SDP-a dakle nije podržao tu tačku dnevnog reda. Ja sad ne znam u kom pravcu možemo govoriti.

A realno, to su stvarni problemi građana, dakle jedna vrlo bitna stavka i vrlo bitna tačka dnevnog reda. Hvala.

ALEKSANDAR VUJADINOVIĆ

Elvir Kasumović, ja predpostavljam replika. Kome?

ELVIR KASUMOVIĆ

Da. Mom cijenjenom kolegi Bijediću. Imenjaku. Poznato nam je da ova sredstva i u kojem iznosu idu u toplifikaciju grada. Ja ću vas podsjetiti da je to bio naš prvi Amandman. Naime, mi smo

tražili da ta sredstva idu u 100% iznosu, ali evo zadovoljni smo i sa 85%. Mislim izuzetno zadovoljni.

Što se tiče Stadiona Tušanj, ja tu neću puno ništa govoriti najbolje je da pitate navijače i sve ostale pa će vam oni reći koliko su zadovoljni sa Stadionom Tušanj.

ALEKSANDAR VUJADINOVIĆ

U redu. Hvala. Slijedeća se za riječ javila Amela Čehajić, DF. Izvolite.

AMELA ČEHAJIĆ – vijećnik Demokratske fronte

Sve vas srdačno pozdravljam. Želim istaći da je pozitivno što je Budžet u suficitu i što su najvećim dijelom izdvojena sredstva za komunalnu infrastrukturu, zatim za rekonstrukciju i izgradnju puteva, kao i toplifikaciju.

Takođe za mene je pohvalno što će se ovim rebalansom konačno riješiti pitanje prostorija mjesne zajednice koja već duže vrijeme radi u neuslovnim prostorijama.

Takođe želim istaći da izmjenom i dopunom odluke o izvršenju B za 2018. godinu takođe je izdvojeno 80.000 KM za Centar za autizam što pokazuje da Grad Tuzla i dalje nastavlja da pomaže izgradnju ovog centra i u nadi da će se što prije sa radom jer ja znam koliko je toj djeci i tim roditeljima stalo da ovaj centar počne sa radom.

Takođe bi podržala i prijedlog kolege Ajanovića da Grad, koliko je u mogućnosti, pomogne rad Udruženja URODIOL. Hvala.

ALEKSANDAR VUJADINOVIĆ

U redu. Hvala lijepo. Slijedei se za riječ javio Edim Kadić, samostalni vijećnik. Izvolite. Poslovnička Nedžad Jusić. Izvolite.

NEDŽAD JUSIĆ – nezavisni vijećnik iz reda nacionalnih manjina

U članu 22. je ostavljena mogućnost da vijećnik iz reda nacionalnih manjina formira klub i da može ispred kluba da govori. A javio sam se. (ALEKSANDAR VUJADINOVIĆ – Dobro u redu. Hvala lijepo. Prima se sugestija. Znači evo Nedžad Jusić. Izvolite. Potom Ivica Kovačević, pa Edim Kadić. Hvala. Izvolite Nedžade.)

OK. Hvala. Pozdrav svima. Kada je riječ o a) ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE i mene kao vijećnika ispred reda nacionalnih manjina interesuje kompletan Budžet, normalno kao i svi građani grada Tuzle, ali u nekim segmentima sam se ja bazirao na pripadnike nacionalnih manjina jer to mi je na krajeva i obaveza u skladu sa Zakonom o zaštiti prava pripadnika nacionalnih manjina gdje kaže da izabranik ispred reda nacionalnih manjina je dužan i obavezan štiti interese i prava svih nacionalnih manjina, ne samo one nacionalne manjine iz koje dolazi i zbog toga i želim se osvrnuti na pomenuti Budžet.

Želim da se zahvalim i Gradonačelniku i svima onima koji su učestvovali u prijedlogu ovog Budžeta jer ima itekako dobrog pomaka kada su u pitanju nacionalne manjine. Znači u samom prijedlogu je, u prvobitnom prijedlogu Budžeta a koji smo usvojili za 2018. godinu bila su finansijska sredstva za implementaciju Akcionog plana za Rome u vrijednosti od 40.000 maraka, za druge nacionalne manjine 12.000 maraka, a evo u ovom budžetu u rebalansu budžeta imamo, imamo finansijska sredstva za grant za

jevrejsku općinu Tuzla u iznosu od 4,5 hiljade maraka što znači da ovo Vijeće gleda i razmišlja na kraju krajeva za sve nacionalne manjine u gradu Tuzla i s ovim Budžetom će sigurno i oni imati, Udruženje Jevreja u gradu Tuzla mogućnost da efikasnije djeluje i da sprovodi svoje aktivnosti.

Ja ću podržati kompletno sve ove dokumente pod ovom tačkom Dnevnog reda i na kraju krajeva bit će moja podrška. Hvala.

ALEKSANDAR VUJADINOVIĆ

U redu. Hvala lijepo. Izvinjavam se još jednom gospodinu Jusiću. Ivica Kovačević, HDZ BiH. Izvolite.

IVICA KOVAČEVIĆ – vijećnik Hrvatske demokratske zajednice

Cijenjeni predsjedavajući, zamjeniče predsjedavajućeg, srdačan pozdrav, kolegice i kolege vijećnici također, predstavnici izvršne vlasti na čelu sa gradonačelnikom, srdačan pozdrav u ime Kluba HDZ-a Bosne i Hercegovine evo budući da se prvi put javljam.

Kada je u pitanju Klub vijećnika HDZ-a Bosne i Hercegovine, za razliku, evo u proteklih nekoliko godina i mi ćemo kao Klub, neke od ovih stavki, odluka, izvješća podržati.

Ono što smo mi naglašavali u proteklim godinama je, uvijek su bila nekako dva razloga glavna zbog kojih neke stvari nismo podržavali, zbog kojih smo bili suzdržani po pitanju proračuna, a to je dakle nemogućnost sudjelovanja kod kreiranja samog dokumenta. Pod broj jedan.

A pod broj dva ono čime smo posebice bili gospođa Mijatović i ja nezadovoljni to je način utroška sredstava dobivenih od Termoelektrane Tuzla jer znamo da su u proteklim godinama ta sredstva trošena i za otplate kredita itd. itd. a ne na ono što smo smatrali evo nekako daleko prioritetnijim i što je svakako od većeg značaja barem evo prema našoj procjeni za ovaj grad i za ljude koji žive u gradu Tuzli.

Ove godine, odnosno ovim rebalansom vidimo neke promjene i po jednom i po drugom pitanju. Dakle, često smo znači reći za govornicom gospođa Mijatović i ja, da se kroz taj proračun pokaže barem malo više osjećaja i nekako vidim u ovom rebalansu da toga ima. I to je dakle jedan od razloga zašto ćemo i mi, kao Klub, podržati rebalans Proračuna.

Također, naravno evo ne moram već ni spominjati gospođa Isaković u svom izlaganju i evo kolege su to već također više puta podržale, dakle i način kako se troše i ova sredstva od dobivena od Termoelektrane Tuzla također ove godine smo daleko daleko zadovoljniji.

Iako smo sada možda otišli u neku drugu krajnost, ali evo o tome smo razgovarali na sjednicama Kolegija, ne bi ponovo otvarao tu temu. Dakle, stajalište Kluba HDZ-a Bosne i Hercegovine da ćemo podržati sve ono što se tiče dakle 2018. godine, dok ćemo po ovom izvješću o izvršenju Budžeta za proteklu godinu ostati, kao Klub, suzdržani. Hvala lijepo.

ALEKSANDAR VUJADINOVIĆ

Hvala lijepo. Edim Kadić, samostalni vijećnik. Izvolite.

EDIM KADIĆ

Evo ja prvo da vas sve pozdravim jer nisam prvi put kad sam govorio to uradio.

Prvo, veoma mi je drago da imamo suficit Budžeta i da danas raspravljamo o tome. 2001. bio sam član Gradske uprave, imali smo Budžet 19.000.000.

Danas je on 68.000.000 i posebno mi je drago da ćemo u mnogim mjesnim zajednicama riješiti neke stvari koje su možda nekad trebala još davno da bude. Odnosi se i na vodui na kanalizaciju, rasvjetu, toplifikaciju i sve ostalo, jer koliko samj a razumio, najveći dio sredstava od 7,5 miliona ide za te namjene.

Pored toga, drago mi je da konačno rješavamo i problem obdaništa. Zaista je to gorući problem i mi u istočnom dijelu grada nismo već dugo smo i raspravljali i kad smo raspravljali o izvještaju o radu Javne ustanove Naše dijete smo spominjali, jedan od zaključaka je bio da se iznađe mogućnost da se taj problem riješi.

I to je jako dobro. Dobro je i ovo da se konačno riješe prostorije mjesne zajednice Sjenjak, kao i koliko sam upoznat da će se u toku ove godine početi i rješavati problem DVD Partizana.

To su stvarno sve dobre vijesti. Pored toga želio bih da postavim ovdje pitanje gradonačelniku da li možemo mi da utičemo da se ubrza izgradnja istočne tribine? Mi smo tu svjedoci da je to bilo počelo da se gradi odjednom se stalo. Da se dobije informacija šta je problem? Možemo li mi uticati da riješimo taj problem, jer mi, ako bog da, od jeseni ćemo imati dva prvoligaša. Tako da nam je potreban dobar stadion i treba ovde isto da se istakne da je Tuzla grad koji daje najviše za Fudbalski klub od svih gradova u Bosni i Hercegovini.

Tako da to je dobro i treba pomoći Klubu jer Klub je bio zaista u velikim problemima, u velikim minusima i mislimda smo na dobrom putu, na dobrom putu da u idućoj godini ako bog da, slavi Sloboda 100 godina da to bude i bolji rezultat.

Spomenut sam tamo vezano za glasanje. Jeste, išao sam po mjesnim zajednicama i jeste, lobirao sam za BOSS, lobirao sam i za Mirnesa Ajanovića i umjesto da dobijem neku zahvalu ja ovdje se prozivam. Mislim da treba matematika je egzaktna nauka, vidjeti zašto je dobivao hiljadu glasova manje. (ALEKSANDAR VUJADINOVIĆ – U redu. Molim vas držite se samo znači tačke.)

Pa eto vezana je za to i ja sam hodo da i ja istaknem po mjesnim zajednicama.

ALEKSANDAR VUJADINOVIĆ

U redu. Molim vas samo držite se. OK. Replika Mirnes Ajanović.

MIRNES AJANOVIĆ

Ja evo moram reći. Nije tačno da je lobirao za Mirnesa Ajanovića. Edim Kadić je bio zadužen za izbornu kampanju Lokalnih izbora u gradu Tuzla.

Ja nisam učestvovao u tome. Ni jednu svoju vizit karticu, ni jedan plakat, nisam imao. Edim Kadić je postavljao liste preko 60, 70% su na listi Edima Kadića ljudi. Edim Kadić je postavljao biračke odbore ljude, jer sam kasnije dobio informaciju da je od njih tražio da se glasa samo za njega.

Dokazi na izbornim rezultatima tamo gdje su postavljeni na listi ljudi koji su bili prijatelji Edima Kadića, samo on i Edim Kadić imaju rezultat, mene nema nigdje.

Dakle, evidentno, neistinito govori da je lobirao za mene. Ja jesam išao po svakoj mjesnoj zajednici. Obišao, gledao stanje i intervenisao u Službi za komunalne poslove. Kemal Kurević to može potvrditi.

Ja ne znam da je Edim Kadić obišao i jednu mjesnu zajednicu na taj način, ali jeste išao za mnom i u svakom mjesnoj zajednici davao svoje vizit kartice i govorio nama u BOSS-u da je dao 20.000 maraka za kampanju lično svojih sredstava.

Što je protivzakonito. On je to morao prijaviti Centralnoj izbornoj komisiji. Mi tu informaciju nismo imali. Mogu samo zamisliti koliko je bilo takvih kartica i bilo čega.

Dakle, ovo govorim i razloga što su izrečene neistine da je radio bilo šta za mene, odnosno otvoreno kažem podmuklo je prevario i mene i sve ostale. Radio je samo i isključivo za sebe i lobirao da se smije glasati samo za njega.

Da ne ulazim u to da je od uposlenika u Javnoj zdravstvenoj ustanovi tražio takođe na isti način da se mora izjasniti glasanjem isključivo za njega.

Ljugi su dolazili u BOSS i govorili kako im je nudio povlastice ili bilo šta, zapošljavanje ili bilo svašta nešto jer se pozivao na aktuelnu vlast zakonodavnu vlast kako bi mogao ostvariti sebi privilegije. Ovo je, je na žalost, s moje strane bilo iznuđeno moram reći na način kako je to rekao Edim Kadić.

ALEKSANDAR VUJADINOVIĆ

U redu. Hvala. Replika Edim Kadić.

EDIM KADIĆ

Pa evo radi istine, samo da kažem 2012-te Edim Kadić nije radio u Gradskim apotekama i postao je vijećnik sa trećeg mjesta. To je znači moj rezultat 16-te nešto bolji nego 2012. i ovo što gospodin Ajanović priča, radi javnosti, to je sve laž.

Još jedna od njegovih laži. Prema tome, on treba sebe da pita zašto je dobio hiljadu glasova manje i kad je trebalo da budu izbori 15, 20 dana bio je negdje na odmoru. Svaka čast odmaro. To je. Ali kao predsjednik stranke ne može okrivljivati nekoga. Ništa Edim Kadić nije mogao niti je Edim Kadić mogao staviti bilo kakav (nerazgovjetno izgovorena riječ op.a.). Prema tome, radi istine samo.

ALEKSANDAR VUJADINOVIĆ

U redu. Hvala lijepo. S obzirom da je iscrpljena rasprava vijećnika. Zaključujem raspravu klubova vijećnika. Gradonačelnik Jasmin Imamović se javio da. (MIRNES AJANOVIĆ – Poslovnička intervencija.) Poslovnička intervencija Mirnes Ajanović.

MIRNES AJANOVIĆ

Samo radi jasnog stenograma predsjedavajući. Kažete zaključujete raspravu klubova vijećnika. Edim Kadić, po kojem osnovu se javio? Onda je on zloupotrijebio pravo javljajućise u okviru rasprave klubova vijećnika.

Molim vas da to definišete i da se izjasnite o tome. Je li imao pravo u okviru rasprave klubova vijećnika? Molim vas izjasnite se.

Ja smatram da je došlo do poslovničke povrede.

ALEKSANDAR VUJADINOVIĆ

U redu. Dobro onda znači predhodno je bila otvorena rasprava klubova vijećnika, krenuli smo sa raspravom vijećnika, ja nisam zaključio raspravu klubova vijećnika, moja greška, hvala na sugestiji.

Gradonačelnik Jasmin Imamović se javio znači da da vjerovatno neka pojašnjenja nakon rasprave klubova vijećnika. Eto.

JASMIN IMAMOVIĆ – Gradonačelnik Grada Tuzla

Volio bi da nakon diskusija klubova vijećnika probam otkloniti eventualno neke nejasnoće iz tih diskusija kako se ne bi dalje nastavilo to i u diskusijama vijećnika. Eto to je moj razlog što ja evo predlažem da samo kratko kažem.

Šta god čovjek odluči danas, evo lično nešto privatno, svoju odluku donosi teško mu je znati hoće li se u budućnosti mijenjati okolnosti i da li je ta odluka ispravna.

Tako da se mi u našim biografijama radujemo za neke odluke koje smo donijeli a kajemo zbog nekih drugih odluka. Tako da je teško planirati sve, cijelu godinu pogoditi, jer Budžet je plan i meni je drago da je to vidljivo iz diskusija svih predstavnika klubova.

Nije lako uskladiti sve potrebe, dakle, govorili su vijećnici, klubovi je li o nekim potrebama. Daleko je više potreba nego novca. i ja želim samo da napomenem, u cijeloj Evropi iz PDV-a najmanje prime gradovi i opštine Federacije. Najmanje 8,5%. Ali trenutno da znate vijećnici, mi ne primimo ni 8 nego 4,5%. Zašto?

Jer se Federacija zadužila za administraciju Federacije i Kantona, a na vraćanje tog duga kod MMF-a obavezali i opštine.

Mi smo opštine Federacije, gradovi i opštine Federacije tužili njih za povrat tih sredstava. Nama se čude kolege iz Republike Srpske, a kamo li iz Hrvatske, Srbije, Slovenije i nekih evropskih zemalja.

Evropski je prosjek negdje između 30 i 45%. U Republici Srpskoj prime tri puta više 24,5% zato što nemaju kantone.

I želim da se to zna, ovo je Vijeće najstarijeg grada u državi i trećeg Grada u državi. Znamo šta je naš najveći problem.

Jer da se recimo pristupi racionalizaciji Federacije mi bi imali minimalno tri puta više para po osnovu PDV-a.

I lakše bi bilo neke opravdane inicijative bilo kojeg vijećnika realizirati sa više para. Ja bih volio da se organizujemo i uvijek budemo jedinstveni potpuno oko nekih nama zajedničkih problema.

Neka politike, ali kad su u pitanju zajednički problemi. Evo govorimo o aerozagađenju. Ponavljam, a takva je informacija od ovoga Vijeća prihvaćena. Dakle, mi smo najviše iz Budžeta uložili u toplifikaciju u centralno dakle grijanje od bilo kojeg grada u Bosni i Hercegovini.

I dalje imamo problem. Evo sad smo se odlučili, evo ovim rebalansom da uložimo i ranije vašim zaključcima još više, pa da budemo ubjedljivi prvaci u BiH.

Ako toplificiramo svako ložište individualno mi smo riješili 4% problema aerozagađenja u Tuzli. Jer 96% problema je u Termoelektrani zbog ogromne količine uglja kojeg spali i u velikim poslovnim ili prevelikim stambenim objektima koji neće da se priključi na centralno grijanje, a može.

Dakle, smatram, da imamo puno pravo zahtijevati što prije uređaj za odsumporavanje na Termoelektrani i druge ekološke mjere od federalnog ekološkog inspektora vezano za probleme u mjesnoj zajednici Bukinju, sa onim bivšim fabrikama, vezano za šljačište i ostalo.

Da imamo to puno pravo mi tražiti. Kada smo mi od sebe izdvojili ovoliko, tražimo uređaj za odsumporavanje. A veliki će problem biti ukoliko ne bude uređaja za odsumporavanje na Termoelektrani. Može Evropska energetska zajednica zabraniti joj rad.

Šta da radimo onda i sa rudnicima i sa svim? Dakle, moramo ih upozoriti da požure. to je glavni dio problema i opet neće biti riješeni problemi, naići ćemo onda na automobile i na činjenicu da od 365 dana mi čak 112 nemamo vjetra.

Dakle, ovi momci koji su napravljeni na fejbuku kampanju, prohodali itd. evo šta ćemo sad. Zašto bolan ne tražite da država i federacija ugrade filtere na Termoelektranu za odsumporavanje?

Zašto ne tražite da Kanton donese zakon da će kazniti onoga ko loži motorna ulja. i bogati se. Jeftino mu i otrova druge, samo ne zna da otrova i sebe. Samo to. Hoćemo to i to nam je problem jer nemamo ekološku inspekciju.

Molim vas ja nisam povukao iz prijedloga finansiranje kulture jer smatram da kultura nije dio kvaliteta života. Dakle, postoje, ja ne znam jesmo li mi slali tu informaciju. Mi ćemo vam poslati tu informaciju. Svakome vijećniku. Dakle, postoje pravilnici, pravila Evropske unije šta je to, koji su elementi kvaliteta života. Ima ih 22. 22. U tih 22 svakako su i kultura i sport i obrazovanje i zdravstvo, nije samo ekologija jedini elemenat kvaliteta života.

Mi naravno smatramo da je kultura jedan pa ja bi rekao da bez kulture nema ni života ni budućnosti, ni države nema bez kulture. Ni države nema bez kulture. Dakle, to je jedan bitan elemenat kvaliteta života, pa evo vi koji imate malu djecu, ili su djeca porasla, sjetite se koliko ste vi iz porodičnog budžeta izdvojili para da vam se dijete bavi nekom umjetnošću, da se bavi kulturom, da se bavi sportom i da bude što bolje obrazovano.

E tako bi i mi kao jedna velika porodica, po mom mišljenju, trebalo da funkcionišemo.

Mi to nismo stavili u prijedlog budžeta jer nećemo svađu, nećemo polarizaciju što ćemo to stavljati ako ne moramo to stavljati? Jer jedni misle ovako kao što su govorili dvojica kolega, vaših kolega vijećnika, a mojih kolega pravnika. A drugi misle drugačije.

Što će nam ako ne moramo. Mi hoćemo da izbjegnemo svako neslaganje kad god to nama nije neophodno.

Ali samo da znate da je to bio osnovni razlog. Kompromis u Vijeću. Ovo mi se i meni stalno kolega prezimenjače u glavi muči, može li ova komunalna sustići ovako organizovana kako jeste. Evo sad smo krenuli na popunu pozicija. Može li stići da realizuje ove projekte gradnje?

Da se poveća broj izvršilaca, da li da bude odvojena služba, da li da bude odjeljenje poveliko, jako za izgradnju evo mi imamo već ovdje prvu ovu odluku o reorganizaciji administracije. Vjerovatno ćemo to raditi u kontinuitetu. Ja mislim već prva naredna tačka.

Stalno se potrebe mijenjaju i stalno postoji potreba reorganizacije unutar administracije. Pa ovo ja samo hoću da imate i za narednu tačku razumijevanje.

Ja vam se zahvaljujem na učešću, zahvaljujem se klubovima, a naravno želim čuti i diskusije vijećnika i ako tamo nešto izađem, onda slušam. Moram i ovo da konstatujem, mnogo je udobnije kad ne morate izlaziti, kad sjedite tu, kad je pred vama radni sto i mikrofoni itd. nego ono što smo imali prije.

Evo danas ne bi mogli imati sjednicu ovdje nego ne znam gdje bi dobili u Privrednoj komori, jer Skupština Kantona zasjeda tako da mislim da je jako važno da Grad mora imati zgradu parlamenta. Mora imati salu parlamenta, jako je važno zbog poštovanja principa demokratije. Ne možemo biti podstanari u sali parlamenta i mislim da je to jedan važan potez kojega smo uradili,

nakon što smo imali u radničkom univerzitetu ovdje preko puta tu salu neadekvatnu, nakon što smo imali u staroj zgradi, pa zgrada pala pa propala jedan onako fini amfiteatar za Vijeće.

Evo sad mislim da imamo jedno primjereno mjesto, primjereno poštovanju, dakle Gradskome vijeću, ovako važnoga grada kao što je Tuzla. Hvala vam na pažnji.

ALEKSANDAR VUJADINOVIĆ

U redu. Hvala. S obzirom da smo znači greškom već započeli raspravu vijećnika. Slijedeća se za riječ javila Merima Softić Sprečić. Izvolite.

MERIMA SOFTIĆ SPREČIĆ – vijećnik Socijaldemokratske partije

Hvala vam. Poštovani predsjedavajući. Pozdravljam gradonačelnika, vas zamjenika, predstavnike stručnih službi, vijećnike i vijećnice, predstavnike medija jer evo prvi put se javljam za riječ.

Moji predstavnici klubova su rekli dosta toga. Vidjeli smo kod obrađivača materijala da se radi o zaista velikim i bitnim stvarima, što se tiče rebalansa Budžeta, ali evo ja ću odgovoriti sa stajališta onog sa kojeg najviše znam, a to je sa sportskog.

Zaista me raduje činjenica da je obično rebalansom Budžeta sa svih nivoa vlasti sredstva budu za sport ili umanjena ili ne budu opšte planirana znači ni za kakvo uvećanje.

Zato zaista me raduje činjenica da danas možemo da govorimo o mnogo više sredstava nego što smo to mogli da govorimo kad smo donosili sam Budžet.

Drago mi je što imamo i vidimo koliko su određena na određenim pozicijama vezano za sport i na onim pozicijama na koje su odgovorne za razvoj sporta u našem gradu za promociju sporta, za sportske igre, na igralištima, koliko su se te pozicije povećale.

Svi smo svjedoci da smo mi u svojim raspravama mnogo puta donosili određene zaključke ili da smo svojim diskusijama uticali na to i govorili koji su to problemi koji tište sport a na koji način grad koji nije u izvornoj nadležnosti može pomoći.

I zato mi je drago što danas na brojnim pozicijama vezano za sport imamo velika obećanja. Znači to nisu mala obećanja obzirom na jednu lokalnu sredinu.

Želim da to naglasim i da podebljam. Mnogo smo pričali o rekonstrukciji, o održavanju dječijih igrališta i na toj poziciji umjesto predviđenih 50.000 imamo dodatnih 55.000 što znači 110.000 maraka za rekonstrukciju i izgradnju ili dječijih igrališta.

Zatim za izgradnju sportskih terena umjesto predviđenih 80 imamo 114.000 maraka. Vidjeli smo da za, na stadionu Tušanj na toj poziciji sa oko milion predloženih sredstava imamo 1.600.000 KM.

Želim zaista da svoju zahvalnost izrazim jer po mojim saznanjima, čula sam da i Vlada Kantona želi da učestvuje u izgradnji tartan staze, toliko pominjane na ovom Vijeću, toliko bitne za sve sportiste u ovom gradu. Znači ne koriste sportsku stazu na stadionu Tušanj samo fudbaleri ili atletičari to koriste mnogi gradovi, pardon, mnogi klubovi kako bi iskoristili, koji koriste stadion za baznu spremu svojih sportaša.

Tako znači na poziciji izgradnje sportskih terena vidjeli smo da je Grad predvidio sredstva za obnovu i izgradnju tartan staze, a i evo molila bi, obzirom da se radi o saznanju da Vlada TK će učestvovati svojim sredstvima volila bi da mi evo kao Vijeće iz ove diskusije donesemo jedan zaključak, a to je da Vlada i u svom da predvidi i planira izdvajanje sredstava za izgradnju tartan staze, zajedno znači sa sredstvima grada. Ako sam dobro formulisala i ako to tako može da ide.

Ima još mnogo pozicija o kojima bi mogla da govorim, zaista evo neću da uzimam više vremena jer bit će vjerovatno mnogo vijećnika koji će se javiti, ali želim da kažem da sam kao sportista trenutno zadovoljna na koji način smo planirali izdvajanje sredstava na određene pozicije.

Naravno, mnogo je mnogo je problema i mnogo je sportskih manifestacija projekata klubova koji bi imali realne svoje, realna potraživanja, ali na koja grad vjerovatno ne može na neki način odgovoriti, ali ovo su zaista sredstva kojima evo trenutno možemo biti pozitivni. Moram spomenuti i rekonsrukciju i izgradnju svlačionica u Mejdanu po evropskim standardima. Sjećate se da smo i o tome jako puno razgovarali. Drago mi je što je na toj poziciji, imamo povećanje sredstava i ova izgradnja i rekonstrukcija se, evo trenutno dešava.

Tako da evo nadam se da ćemo i u budućnosti nastaviti, prije svega ostvarivati prihod, pronalaziti načine kako ćemo imati prihod i onda biti zadovoljni zato što ćemo imati povećanje sredstava i na ovim stavkama. Toliko od mene.

ALEKSANDAR VUJADINOVIĆ

U redu. Hvala lijepo. Slijedeća se za riječ javila Lejla Osmančević, SBB. Izvolite. Nisam vidio zaista, izvinjavam se. Lejla Osmančević, pa.

LEJLA OSMANČEVIĆ - vijećnik Saveza za bolju budućnost

Ja vas sve srdačno pozdravljam s obzirom da se prvi put javljam danas za riječ izelim nam što kaže, puno uspjeha u radu, jer smo još uvijek na prvoj tački Dnevnog reda.

Ja ću danas svoju diskusiju objediniti diskusijom koju sam planirala pod tačkom četiri. Pravilnik o unutrašnjoj organizaciji gradskih organa uprave i 14. to je izvještaj o radu inspeksijskih službi i zaista ću se truditi da budem kratka i jasna. Da ovaj zaključak koji smo planirali i usvojimo.

Izčitavajući materijal i prema Pravilniku o unutrašnjoj organizaciji gradskih organa uprave i stručnih službi Grada Tuzle u okviru Službe civilne zaštite postoji Odjeljenje za nadzor, održavanje i upravljanje zajedničkim dijelovima zgrada.

A prema uvidu u ranije korišteni materijal, izvještaj o izvršenju Budžeta Grada Tuzle za 2017. nije bilo planiranih sredstava za ove namjene u dijelu Budžeta ove službe, odnosno ovog dijela a koji se bavi finansiranjem nužnih popravki na zajedničkim dijelovima i uređaja zgrada.

Prema Zakonu o korištenju i upravljanju zajedničkih dijelova i uređaja zgrada to su Službene novine TK 14. iz 2015. godine tačno na strani 1601. definisano je da je obaveza grada i općine, da se bavi održavanjem i upravljanjem zajedničkim dijelovima i uređajima stambenih i stambeno-poslovnih zgrada, međusobnim odnosima etažnih vlasnika, upravljanje zgradom, te n aknadom za održavanje i upravljanje zajedničkim dijelovima.

Tu je naznačeno da je održavanje zajedničkih dijelova i uređaja zgrade i upravljanje zgradom javni interes, a prema članu 36. ovog Zakona propisano je da Grad Tuzla i općine na području TK su dužne da u svojim budžetima, svake godine planiraju sredstva za finansiranje ili sufinansiranje nužnih popravki na zajedničkim dijelovima i uređajima zgrade u skladu sa mogućnostima.

Sredstva iz stava 1. ovog člana koriste se u slučaju kada se ocijeni da su oštećenja takva da mogu ugroziti život, zdravlje, imovinu građana.

U ovome znači ulogu ima urbanističko-građevinska inspekcija i mi ćemo imati pod tačkom 14. njihov izvještaj.

S obzirom da je sve nekako zakonski jasno definisano i uprakovano dobro bi bilo i to složiti u realizaciju, a sve u interesu građana.

Pitanje je prvo vezano za obrađivača to je imam samo jednu dilemu i na osnovu odgovora, a mogu ga i kasnije dobiti, vezan je i moj zaključak na kraju. Da li se u dijelu a) ODLUKE O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018 GODINE na stranici 31. u tabeli dio koji se odnosi za izdatke za tekuće održavanje 41.000 odnosi na sredstva za ove namjene? Ako ne, Klub vijećnika Saveza za bolju budućnost predlaže da Gradsko vijeće usvoji slijedeći zaključak.

Gradsko vijeće Tuzla traži od Gradonačelnika i Službe za budžet i finansije da razmotre mogućnost da se prilikom prvog narednog rebalansa Budžeta Grada Tuzla obezbijede dodatna sredstva za finansiranje i sufinansiranje nužnih troškova na zajedničkim dijelovima i uređajima zgrada, a u skladu sa članom 36. Zakona o korištenju, upravljanju i održavanju zajedničkih dijelova i uređaja u zgradi (“Službene novine Tuzlanskog kantona”, broj 14/2015.) prvenstveno za popravke vanjskih fasada, ali i servisiranje dizala za prevoz putnika i tereta u zgradama u kojima bi, zbog dotrajalosti istih moglo doći do ugrožavanja života, zdravlja i imovine građana.

Ja ću samo na kraju napomenuti da sam, kao vijećnik, u ovom svom mandatu od godinu ipo dana i većina nas vijećnika se kroz vijećnička pitanja i inicijative uglavnom bavila problematikom prigradskih mjesnih zajednica i zaista su njihovi problem veliki i vrijedni pažnje.

Međutim, mi stanovnici centralnog dijela grada, stanovnici stambenih prostora, naročito višespratnica zaslužuju našu pažnju i našu pozornost. Hvala.

ALEKSANDAR VUJADINOVIĆ

U redu. Hvala lijepo. Hidajeta Jarčević, samostalni vijećnik. Izvolite.

HIDAJETA JARČEVIĆ – samostalni vijećnik

Evo obzirom da se i ja javljam prvi puta, želim pozdraviti sve prisutne. Lijepo je danas ovdje pričati, ono što rekoše prethodnici, ko imamo para suficit je. Naravno ja ću većinu od ovih tačaka isto podržati ali imam onako neke nedorečenosti, pa bih voljela da mi se možda malo i pojasni.

Evo vezano za rebalans. Mnogo toga lijepoga je ovde ponuđeno, prethodnici su već sve kazali i zaista čestitke za obrađivače materijala.

Međutim, ovdje, kada se radi o toplifikaciji projekat toplifikacije individualnih stambenih objekata u naselju Skojevska, ulica Slavka Mičića i Strajka Mitrovića, mjesna zajednica Brčanska Malta.

Prema mojim saznanjima, odnosno malo se mogu nadovezati na neka vijećnička pitanja, pitanje bi glasilo šta je, šta su bili kriteriji da se izuzmu samo ove dvije ulice, a imamo Dedino brdo koje to je znači ulica koja je, prije svega, putna infrastruktura je jako uništena i prethodnim poplavama.

Imamo potpisnike te ulice. Dedino brdo koji su se obraćali i predstavnicima u Mjesnoj zajednici za toplifikaciju, a nisu uvršeni ovdje. Dakle, vezano za toplifikaciju. Da li postoji način, mogućnost da se i Dedino brdo uvrsti ako već idemo sa ove dvije ulice jer je to eto tako komšiluk to uvaženi gradonačelnik zna. Tu živimo.

A kada je u pitanju cestovna infrastruktura ponovo Dedino brdo. Imam ovdjeko deset sanacija puteva u ostalim mjesnim zajednicama.

Put u toj ulici nije saniran zadnjih deset godina. Ništa nije urađeno, malo je pokrpan, ali odgovorno tvrdim da mještani sami rade.

Ponešto rade, ali više su izgubili volju za tim. Pa možemo li nešto učiniti da se evo ovdje možda uradi nešto i po pitanju te ulice. I naravno podržala bih kolegu Mirnesa Ajanovića. U

medijima je jasno kakvo je stanje u Obodnici nakon ovih ovih poplava ova dva dana, pa da se neka sredstva preusmjere, da se nešto učini i po pitanju te blokade u mjesnoj zajednici Obodnica? Zahvaljujem.

ALEKSANDAR VUJADINOVIĆ

U redu. Hvala lijepo. Slijedeća se za riječ javila Nataša Perić, SDP. Izvolite.

NATAŠA PERIĆ - vijećnik Socijaldemokratske partije

Dobar dan svima. Što se tiče rebalansa Budžeta, smatram da je on dosta dobro isplaniran i da su sredstva baš onako kako treba raspoređena. Ja ću se posebno osvrnuti, obzirom da dolazim iz te branše na Javnu ustanovu Centar za kulturu Tuzla. U rubrici plaće, možemo vidjeti da su plaće povećane sa 420.000 na 464.700 a ovo se odnosi na problem dvije zaposlenice Doma mladih koji traje preko 20 godina. Dakle, usvajanjem ovog rebalansa biće riješen problem ove dvije zaposlenice. A u svajanjem, tim usvajanjem sklopit će se ugovor sa njima na neodređeno vrijeme, naravno čim se uskladi sistematizacija i smatram da je Grad u ovom smislu, u ovom pogledu pokazao jedan sluh i interesovanje da se problem koji ove zaposlenice godinama imaju riješi tako da one rade do sticanja uslova za penziju. Naravno znamo da je ovaj problem i na sudu, ja mislim da se on sad trenutno nalazi na federalnom Sudu, ali to je nešto drugo, bitno je da one budu obezbijeđene do znači njihovog radnog kraja, njihovog radnog djelovanja. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio Mirnes Ajanović, BOSS. Izvolite.

MIRNES AJANOVIĆ

Hvala predsjedavajući, govorimo o rebalansu i gradonačelnik se hvalio da su ostvarili nekakve dobre, pozitivne rezultate, lijepe. Postavio bi jedno pitanje gradonačelniku i Službi, pa ću obrazložiti to.

Da li mi možemo tražiti da u služaju da javne ustanove, javna preduzeća ostvaruju ekstra profit da i taj ekstra profit ide u punjenje Budžeta Grada Tuzla? Jer su to naše javne ustanove, pogotovo što smo mi finansirali te brojne javne ustanove izdvajanjem sredstava iz Budžeta.

Dakle, da se donese odluka i zaključak da u situacijama ekstra profita dio sredstava ide u punjenje budžeta kako bi mi iz tih sredstava mogli poboljšati način rada svih ostalih segmenata u gradu Tuzla.

Ovdje imamo jednu situaciju, jednu javnu ustanovu koja ima promet oko sedam, osam miliona maraka godišnje.

To su JZU, Javna zdravstvena ustanova Gradske apoteke Tuzla i evo ja vas podsjećam kolege da vidite samo okolnosti, da se ne dese i zloupotrebe, na strani 15 izvještaja o radu za 2016. godinu, navedeno je da je prometovano od prodaje robe, dakle samo od prodaje robe, dakle lijekova 6.399.049 teško nam je raspravljati ovome. A rabat je bio 621.388.

Dakle rabat je bio negdje oko 9%. Mi imamo izjavu, evo stenogram ovo sve su dokumenti, evo kolega može koji sjedi pored mene pratiti, da su sve dokumenti, a i vi predsjedavajući gledajte.

Stenogram 22. decembra 14-ta sjednica Gradsko vijeća 17-te godine, strana 106. vijećnik Edim Kadić kaže.

Od te veledrogerije smo dobili 570.000 rabata, ovo je citat, 570.000 za promet od 2.640.000. 8% ako dobijete vi ste genije, a mi smo i dobili 15% od njih i plus nam je čovjek renoviro apoteke.

Da ne bi bilo zabune da je ovo rečeno, na strani 109. izjava ista citiram Edim Kadić. To su naša dugovanja ti što govoriš prema MGM 800.000 maraka. Sa MGM smo uradili, sad sam ja reko, 2.600.000 gdje su nam ljudi dali 570.000 rabata, to je 40%, pa nemoj iznositi što znači nije tačno, nisi dobro pročitao, to su naša dugovanja i čovjek nam je još plus renovirao šest apoteka.

Ako uzmemo informaciju Edima Kadića, dva puta izrečenu, dakle tačnu da je za dva miliona i 600 maraka dobijeno rabata 570.000,

570.000 maraka kada izbijemo iz šest miliona 300, dva miliona i 400 mi dobijemo tri miliona i 700. Kada izbijemo iz 620.000 rabat od 570.000 dobijemo 51.000 rabata.

Dakle, Edim Kadić priznaje, kao vijećnik, kao komercijalni direktor Gradskih apoteka Tuzla da je prometovao sa MGM dva miliona i 600 i dobio rabata 570.000, a da je za rabat, odnosno prometovanje od 3.759.019 dobio samo 51.000 rabata, odnosno dobile apoteke, dakle samo 1,4%.

Ja sam dobio informaciju, evo od jedne firme (nerazgovjetno izgovorena riječ op.a.) od jedne privatne apoteke kako je poslovanje po rabatima evo 13%, 15%, 18%. Ovo je apoteka koja posluje samo sa 400.000 maraka godišnje za razliku od Gradskih apoteka šest ipo miliona.

Oni su za 400.000 dobili u prosjeku rabata oko 11%. Gradske apoteke koje imaju šest ipo miliona moraju imati rabat 15% kako je to Edim Kadić sam rekao, gdje je razlika rabata u odnosu na ovo prijavljeno, da ne ulazimo u ovo da su za tri miliona i 700 dobili samo 1,4%. Gdje je ta razlika?

Gdje je razlika u dijelu dakle u rabatu do 15% po Edimu Kadiću, to odprilike izlazi, evo kada uzmemo obje 959.000 maraka kada bi računali 319.000 maraka je u stvari fali rabat po ovom proračunu kada izbijete iz 959, 630, odnosno 9 miliona 539 ovo je vrlo komplikovano i kad se računa, ali odprilike 319.000 maraka po ovom izvještaju fali rabata.

Ako računamo kada je Edim Kadić počeo da radi kao komercijalni direktor, a da tada nisu više primjenjivali zakon o javnim nabavkama što je po zakonu obavezna, po Pravilniku su obavezni, po dopisu Agencije za državnu službu ako sračunamo 319.000 puta četiri godine to je oko milion i 300 fali rabata, to je sve moglo ići u Budžet Grada Tuzla.

Drugo, bojim se. (ALEKSANDAR VUJADINOVIĆ – Samo privodite kraju, molim vas.)

Evo privodim kraju, ja mislim da pet minuta nije prošlo, gledao sam. Edim Kadić je nama na Vijeću govorio kako on nema nikakve veze sa nabavkom lijekova. Ovdje je akt, evo ga, ovo je šifra zanimanja pomoćnik direktora za komercijalne poslove.

Opis poslova Edim Kadić dakle, planira, organizuje, kontroliše postupak nabavke, skladištenja i distribucije lijekova, koordinira rad komisije za nabavku, ja sam razgovarao sa određenim ljudima u Gradskoj upravi, ne smije niko prići komisiji, a kamo li da koordinira.

Dalje, nadzire i kontroliše provođenje zakona, propisa i upravnih akata. (ALEKSANDAR VUJADINOVIĆ – Molim vas, isteklo vam je vrijeme.)

Već sam vam danas prezentirao akte po kojima Edim Kadić naređuje od kojih veledrogerija se mora kupiti i da ljudi odgovaraju ako ne kupe od te veledrogerije.

Dakle, mi imamo situaciju da je moguće oštećenje Budžeta Grada Tuzla ovde za višemilionski iznos koji je moguće otišao u džep Edima Kadića koji govori da nema mjesta za orahe u njegovim džepovima.

Pa ne može ni biti ako su puni maraka ili miliona maraka. (ALEKSANDAR VUJADINOVIĆ – U redu.)

Dakle, postoje ovdje okolnosti gdje Grad Tuzla može imati punjenje iz Gradskih apoteka sa promjenom menadžmenta, direktorice i Edima Kadića, milionske iznose dodate u Budžetu Grada Tuzla, umjesto da ti milionski iznosi idu u privatne svrhe pod sumnjama (ALEKSANDAR VUJADINOVIĆ – Dobro.) po kojima sam ja prijavio sve ovo Tužilaštvu Kantona i svjedočio prije nekoliko dana.

A koliko znam bio je na saslušanju Edim Kadić, bila je Finansijska policija i vidjet ćemo kako će se sve to završiti.

ALEKSANDAR VUJADINOVIĆ

U redu. Hvala. Replika Edim Kadić.

EDIM KADIĆ

Ja molim ovo Vijeće da izrekne mjeru sankcija gospodinu Ajanoviću zbog laži koje radi godinama.

Gospodin Ajanović je tri godine ovdje govorio kako su Gradske apoteke uništene, kako Gradske apoteke, evo ja sam ovdje donjeo prijedlog mjera šta sam predložio, da je dolaskom Edima Kadića u Gradske apoteke uveden internet, da 12 pravosnažnih presuda, zatvorene apoteke i to je činjenica i to je defakto i vi to sve znate ovde i imaju slike, imaju podaci itd.

Ajanović je prije godinu dana pokrenuo podnjego krivičnu prijavu itd. Zašto dozvoljava ovo Vijeće da se govori o tome? Zašto se vrši pritisak na načelnika, na Slađana Ilića, na Nikšića, na Tužilaštvo itd.?

Je li to može jedan advokat da radi? Ako je prijavio i ovo? Sve što je rekao je laž. Sve što je rekao je laž.

Znači dolaskom Edima Kadića i direktorice rabati koji nisu postojali ni godišnji, ni kvartalni, ni akcijski, su povećani od 250 do 300.000. i gospodin Ajanović, ja sam postavio danas vijećničko pitanje Službi da ne bi bilo Gradskim apotekama, da se dostave podaci ovom Vijeću kolike su nabavke bile koliki su rabati bili 2012-te, 13-te, 14-te, 15-te, 16-te?

Uostalom ako je to prijavljeno, zašto mi ovdje, zašto mi ovo trpimo? Zašto se dozvoljava u okviru Budžeta da se spominje? Ovo je treći put da se spominju Gradske apoteke.

Gospodine Ajanoviću pripremi puno para trebat će ti puno para za tvoju odbranu jer ovo što govoriš ovo su laž notorna laž. I Edim Kadić nije bio na saslušanju. Edim Kadić nije odgovorno lice i nikada ni u jednoj gradskoj apoteci nikada nisu rađene javne nabavke za lijekove. Nikada ni u jednoj. A nikada ni u Gradskim apotekama i to je tačno.

ALEKSANDAR VUJADINOVIĆ

U redu. Hvala lijepo. Replika Mirnes Ajanović.

MIRNES AJANOVIĆ

Evo kaže Edim Kadić ja lažem i kaže Edim Kadić nije odgovorno lice evo i danas, ja vam čitam šifru zanimanja 12.33.03 evo ga ovjeren pečat Gradske apoteke Tuzla. Opis poslova planira, organizuje, kontroliše postupak nabavke, skladištenje i distribucije lijekova, koordinira rad Komisije za nabavku, nadzire i kontroliše provođenje zakona, propisa, upravnih akata. Šta sam slagao?

Citiram sa stenograma 22. decembra 14-te sjednice Gradsko vijeća strane 106. i 110. izjave Edima Kadića mi smo i dobili 15% od njih iz te veledrogerije smo dobili 570.000 rabata za promet od 2 miliona i 600.

Šta sam slagao? Je li to Edim Kadić danas kaže da je on nas slagao i tada i po ovom osnovu kada nas i danas obmanjuje i kaže da nije odgovorno lice a dostavljam vam dokaz. Još jednom dižem dokaz opis poslova sa ovjerenim pečatom.

Šta sam slagao kada pogledamo da je od 6.390.000 rabat samo 620.000 a 15% treba da bude rabat?

Šta sam slagao kada pogledate kada bi trebalo 15% po izjavi Edima Kadića sa decembarske sjednice da bude rabat to je 959.000 treba da bude.

319.000 maraka je razlike po rabatu. Gdje je nestao rabat? Smatram da to treba da bude u Budžetu Grada Tuzle kao višak prihoda Javne zdravstvene ustanove koju smo mi više puta finansirali.

Ja, ništa od ovoga što sam izgovorio, nisam slagao. Edim Kadić demantovao osim da je laž neistina, paušalno. Ni jedan svoj stav koji je sam izgovorio, niti argument koji sam pročitao i prezentiram dokumente, evo dižem ih predsjedavajući ponovo.

Edim Kadić nije demantovao. i ja ću i dalje kao građanin, kao vijećnik tražiti od pravosudnih organa da se farmaceutska mafija zaustavi.

Više miliona maraka, po mom mišljenju, po prijavi koju sam dostavio, završilo u džepovima ljudi koji su odgovorni u Javnoj zdravstvenoj ustanovi Gradske apoteke Tuzla.

Oni su sa 7.000.000 maraka godišnje ili šest ipo od 18 do 20 veledrogeraša, veledrogerija, tako da kažemo, izvinjavam se, birali od koga će kupiti lijekove. Zamislite okolnost da za to postoji Zakon o javnim nabavkama.

Zato je Evropska unija rekla, nema ulaska Bosni i Hercegovini pristupi nikakve razgovore ako ne bude javno provodila odnosno kontinuirano Zakon o javnim nabavkama.

Situacija gdje sad imamo da on može odlučivati po dopisima i naređuje od koje će se kupiti, određivati od 18 veledrogerija od koga će kupiti lijekove za šest ipo miliona maraka godišnje to je strašno, omogućava, po mom mišljenju i ljudi sa kojima sam razgovarao iz apoteka raznih drugih, da uzima sebi u džep minimalno 10%, to je 600, oko 600.000 maraka. Sumnju izražavam.

Ja izražavam sumnju na okolnost, dakle govorim. (MIRNES AJANOVIĆ - Predsjedavajući možete li ga opomenuti, govori, ovo je povreda Poslovnika.

(ALEKSANDAR VUJADINOVIĆ – Molim vas pustite ga da završi. Molim vas.)

Predsjedavajući ovo je povreda člana 75. (ALEKSANDAR VUJADINOVIĆ – Opomenut je gospodin Edim Kadić. Nastavite imate još 15 sekundi.)

Hvala vam predsjedavajući. Dakle ništa nisam rekao iz onoga što ja smatram, niti mislim. Nego sam prezentirao činjenično stanje iz izvještaja o radu. Izjave Edima Kadića i ostalu dokumentaciju iz Javne zdravstvene ustanove Gradske apoteke. Hvala vam predsjedavajući.

ALEKSANDAR VUJADINOVIĆ

U redu. Slijedeća se za riječ javila Erna Delić. Izvolite.

ERNA DELIĆ - vijećnik Socijaldemokratske partije

Zahvaljujem predsjedavajući. Htjela sam da podcrtam nešto što se nalazi u okviru Službe za

komunalne poslove, izgradnju i poslove mjesnih zajednica, izdaci sa posebnog računa Grada Tuzla. Vezano je za izdatke za tekuće održavanje urbanog mobilijara.

Klub vijećnika SDP-a je u kontinuitetu pa evo i na današnjoj sjednici smo spremili jednu vijećničku inicijativu. Bila je klubska ali obzirom da je danas došlo do određenih promjena naša inicijativa se nalazi pod vijećničkim pitanjima i inicijativama.

Vezano je za redovno održavanje dječijih igrališta i naravno kontinuirano ulaganje u izgradnju novih.

To je izuzetno, izuzetno osjetljiva kategorija. Kategorija na koju moramo obratiti posebnu pažnju. I evo kao što vidimo i ovdje na ovom ekonomskom kodu dakle ova sredstva su uduplana gotovo za pedeset i više od pedeset posto.

To je ono što sam htjela da podcrtam obzirom da se nalazi u ovoj odluci a nismo posebno o tome razgovarali. I evo ja sam pomno i posmatrala i slušala izlaganje kolegice Lejle vezano za ovaj, za ovu stavku za održavanje zajedničkih dijelova i uređaja u zgradi, u zgradama.

To je naravno isto tako jedan od posebnih dijelova na koje moramo obratiti pažnju, ali evo s obzirom da smo spominjali i taj Zakon koji tretira tu oblast mislim da preduzeća koja, odnosno i koja imaju ingerenciju, firme koje imaju ingerenciju da se brinu o upravljanju zajedničkih dijelova, dijelovima i uređajima u zgradama su odabrane putem poziva koji raspisuje Civilna služba i to je koliko sam upoznata u skladu sa zakonom i na taj način se vrši sanacija tih dijelova o kojima ste vi govorili.

Mislim da možda se radi o nekim posebnim slučajevima. Vjerujem da je to slučaj i kod vas, zato ste možda to i spominjali, ali ovo samo govorim čisto iz mog iskustva dosadašnjeg, da sve što se tiče zajedničkih dijelova i uređaja radi isključivo upravitelj tog ulaza, da ga tako nazovem, obzirom da on jedini ima ingerenciju da upravlja zajedničkim računom a zajednički račun se puni onoliko koliko etažni vlasnici ispunjavaju svoje zakonske obaveze. Hvala.

ALEKSANDAR VUJADINOVIĆ

U redu. Hvala. Aljedeća se za riječ javila Rejhana Dervišević, SDP. Izvolite.

REJHANA DERVIŠEVIĆ – vijećnik Socijaldemokratske partije

Hvala predsjedavajući. Sve vas srdačno pozdravljam. Vrlo kratko. Dakle moje mišljenje je da je pred nama u stvari jedan i da ponovim jedan realno planirani Budžet jer u prilog tome takođe po mom mišljenju je i naravno ova odluka o izmjenama i dopunama Budžeta Grada kojom se predlaže ukupno povećanje.

Dakle da ponovim, povećanje sredstava u Budžetu za finansiranje javnih rashoda u iznosu od tih nekih skoro 12.000.000.

Ono što želim u stvari istaći u okviru ovoga jeste da s obzirom na rasprave koje su vođene i oko aerozagađenja i potreba mjesnih zajednica Šićki Brod i Bukinje, jeste da se ovim rebalansom u stvari predlažu, znači na osnovu povećanja ukupna sredstva za toplifikaciju u iznosu od skoro 6.000.000 maraka.

Od čega dakle ovdje su kao što možete vidjeti i ova sredstva za nabavku mjerno-regulacionih stanica u mjesnim zajednicama Bukinje i Šićki Brod koja su u vrijednosti od skoro milion maraka. Konvertibilnih maraka. Oprostite. Ono što je takođe. Da. Malo smo se svi umorili.

Ono što takođe želim istaći i zašto govorim da je realno planirani, zato što se očekivalo da se odprilike oko 85% prihoda dobivenog od rada Termoelektrane uplati za svrhu toplifikacije, no ovim rebalansom vidimo da je taj iznos i premašen. Hvala vam.

ALEKSANDAR VUJADINOVIĆ

Hvala. Sljedeća se javila Jasminka Mijatović, HDZ BiH. Izvolite.

JASMINKA MIJATOVIĆ – vijećnik Hrvatske demokratske zajednice

Hvala gospodine predsjedavajući. Pozdravljam sve kolege, sve nazočne, obzirom da se prvi put javljam i neću ponavljati ono što su kolege rekle a što zajedno mislim svi podržavamo kako bi ovaj Proračun bio u funkciji svih građana Grada Tuzle i kako bi ono o čemu je najveći problem ovih naših građana i samog Grada Tuzla bilo realizirano ja mislim zasad skoro najvećim Proračunom koji smo imali do sada.

Ovaj put ću se osvrnuti i podržati izlaganja čini mi se danas svih kolegica koje su se javljale i dobile od vas riječ na način da su sve konkretni prijedlozi i ono što su kolegice već istakle nešto što je prevashodno važno i prioritetno za Grad Tuzla.

Kolegica Jarčević je pomenula evo elementarnu nepogodu u Mjesnoj zajednici Obodnica, što je takođe veoma važno. Ja ću u tom kontekstu podcrtati ukoliko bude neki od prijedloga zaključaka glede Mjesne zajednice Obodnica i rješavanje tog problema, da se dopuni sa Mjesnom zajednicom Gornja Lipnica, hvala, naseljeno mjesto Tisovac, jer je identična situacija se pojavila i u Mjesnoj zajednici Gornja Lipnica.

A sve nas ću podsjetiti na izlaganje kolege Mensura Alića na prošloj sjednici Vijeća, kada smo imali osvrst na elementarne nepogode i sve ono što je Grad Tuzla uložio u proteklom periodu, sve ono što treba uložiti i na činjenicu da ne čekamo elementarne nepogode nego da radimo mnogo toga na prevenciji kako bi šteta prilikom tih elementarnih nepogoda koje se ne mogu izbjeći bila što manja i svedena na minimum.

Ono što takođe podržavam i podcrtavam je ukoliko je riječ u Proračunu u ovome što je kolegica Perić govorila da se konačno riješi status, radno-pravni status za dvije uposlenice Doma mladih, odnosno u Mjesnoj zajednici Husino, a čini mi se da je odluka još ovog Vijeća iz, ja ću sad kazat 2005. godine, ali to mi nekako kroz sjećanje ostalo da je još tad donesena odluka da će se na adekvatan način taj status riješiti i podržavam vaše izlaganje i radujem se ukoliko će to biti riješeno u narednom periodu.

Toliko. Znači neću ponavljati. Podržala sam izlaganje svih kolegica danas većinom, to sam nekako poslušala, isprika za kašnjenje, pa u tom kontekstu i sve ono što je rekao predsjednik Kovačević će biti od strane HDZ-a Bosne i Hercegovine danas podržano. Hvala

ALEKSANDAR VUJADINOVIĆ

OK. Gospodin Sinan Alić, Tuzlanska alternativa. Izvolte. O Mensur Alić. O pardon. O sorry. Sorry. Izvinjavam se. Izvinjavam se. Izvinjavam se. Sorry. Sorry. OK. Pardon. Pardon Mensure. OK. U redu.

MENSUR ALIĆ – vijećnik Tuzlanske alternative

Dobro je. Sad sam. Sad sam predsjednik udruženja. Sad sam predsjednik udruženja. Hvala.

Ma ne evo ja ću kratko samo da, da pozdravim sve i danas sam ovdje na prvoj tačci, iz zdravstvenih razloga dalje, dalje neću moći učestvovati u Vijeću, ali ovo danas što sam čuo iz izlaganja svih i predsjednika klubova i vijećnika i vijećnica, tako da mi je drago da sam jedan od učesnika ovog kreiranja rebalansa Budžeta, da smo uradili pravu stvar i da smo napravili ono upravo što su i htjeli i klubovi i opozicija i pozicija danas da, konačno su dali jednu, jednu dobru ocjenu i procjenu da samo pravu stvar napravili kad je u pitanju rebalans Budžeta.

A vi znate kad imate viška novca u kući kad dođe iznenada onda se obradujete pa to lagano rasporedite i što je važno da smo vodili računa o zaključcima prilikom usvajanja Budžeta za 2018. godinu i to je bila jedna, voditelj jedna kako napraviti rebalans Budžeta. Hvala lijepo.

ALEKSANDAR VUJADINOVIĆ

U redu. Hvala lijepo gospodinu Mensuru Aliću. Izvinjavam se još jednom. Trebo sam uočiti razliku makar po pitanju frizure. Šalim se. Šalim se. Neće se naljutiti sad Sinan. Je li. OK. Dobro.

Sljedeći se javio za riječ Alen Kapidžić, SDP. Izvolite.

ALEN KAPIDŽIĆ

Eh hvala predsjedavajući. Pa ništa ja hoću samo evo da se nadovežem na diskusiju kolegice Merime, da kažem da je u potpunosti podržavam i evo i naravno iz ovog izvještaja o izvršenju Budžeta za 2017. godinu je vidljivo recimo da je Grad Tuzla izdvojio 1.747.500 konvertibilnih maraka, što je 3,71% ukupnih rashoda Budžeta. Kad gledate u odnosu na druge, na druge koliko izdvajaju ovo je daleko više je li.

Ali ono prevashodno ono radi čega sam se javio je što smo svi konstatovali evo ovdje, kako pozicija tako i opozicija, da su ova sredstva za toplifikaciju koja su izdvojena u skladu sa zaključcima koje smo mi donijeli.

Shodno tome, ja tražim da mi se da informacija o stanju Projekta odsumporavanja Termoelektrane, naravno od Termoelektrane, pa ako se, da to bude zaključak, da nam se, ne mora do sljedećeg Vijeća ali evo do Vijeća, Gradskog vijeća u junu koje će biti, da nam se svima dostavi ta informacija da vidimo.

Jer evo mi smo imali situaciju kad smo a sjećate se svi prilikom usvajanja prošlog Budžeta ili rebalansa, nisam siguran, ali je došao dopis takođe od Termoelektrane kojim oni izražavaju svoje mišljenje gdje bi se trebala ta sredstva usmjeriti, što je naravno njihovo pravo, ali evo sad mi shodno tome ja tražim informaciju jer je tad rečeno i obećano da taj Projekat ide da vidimo dokle je došao taj Projekat što se tiče odsumporavanja.

Ja mislim da je to prioritet da se uradi ovdje za građane, kako bi građani Tuzle imali pozitivne, pozitivne efekte je li. Eto toliko.

ALEKSANDAR VUJADINOVIĆ

U redu. Hvala. Elvir Bijedić, SDP. Izvolte.

ELVIR BIJEDIĆ – vijećnik Socijaldemokratske partije

Zahvaljujem predsjedavajući. Pa mislim zaista izražavam zadovoljstvo kao vijećnik raspodjelom sredstava u ovom rebalansu kao što je rekao kolega Mensur Alić. Dakle ponovit ću samo Gradonačelnikove riječi, dakle apsolutni smo definitivno rekorderi po i to je nevjerovatno zadovoljstvo, po toplifikaciji. Dakle nisam siguran da li ijedan grad u državi izdvaja ovakva sredstva.

Ali ono što me posebno raduje uz dakle ovu toplifikaciju, je dakle ta jedna pokazana senzibiliranost da tako kažem ljudi koji su kreirali dakle Budžet, odnosno rebalans Budžeta, dakle da su pokazali tako jednu osjetljivost prema populaciji mladih, odnosno populaciji djece.

Dakle Gradonačelnik je govorio o izgradnji fiskulturne sale u Osnovnoj školi Sjenjak, popularnijoj kao Japanska škola, pazite imamo izgadnju i obdaništa. Dakle Grad gradi obdanište iz razloga zato što imamo manjak prostora u odnosu na broj prijavljene djece.

Dakle ja moram da istaknem kao roditelj zadovoljstvo dakle u jednoj globalnoj situaciji i migraciji stanovništva mi gradimo obdanište. Dakle ono što posebno a nismo se toga dotakli kroz diskusiju, me raduje dakle i ovim rebalansom je obezbjeđen grant 30.000 maraka, tekući grant osnovnim školama na području grada.

Kolegica Merima je govorila o rekonstrukciji svlačionica, odnosno rekonstrukciji Mejdana. Rebalansom je predviđeno dodatnih 40.000 maraka i s te strane sam izuzetno zadovoljan i sretan iz razloga što su svakako svaki fening je bitan.

Imali smo nedavno posjetu čelnih ljudi Fibe. Naime, ne znam koliko ste upoznati, mislim da je krajem šestog mjeseca Košarkaška reprezentacija Bosne i Hercegovine ovdje dočekuje bivšeg Evropskog prvaka Reprezentaciju Francuske i mislim da bez ove rekonstrukcije Mejdana ne bismo sasvim sigurno ispoštovali te stroge, stroge kriterije Fibe.

Dakle još jedan spektakl koji nas očekuje dakle upravo zahvajući ovim sredstvima koja smo obezbijedili i prethodno a evo i sad u ovom rebalansu Budžeta.

Dakle kažem ističem zadovoljstvo i evo nadam se da ćemo na ovakvom fonu i narednih i rebalansa i narednih budžeta djelovati. Zahvaljujem.

ALEKSANDAR VUJADINOVIĆ

U redu. Hvala. Da li se još neko javlja za riječ? Ukoliko se ne javlja, znači zaključujem raspravu vijećnika.

Pa stavljam na izjašnjavanje pod a) odluku o izmjenama i dopunama Budžeta Grada Tuzla za period od 01. 01. do 31. 12. 2018. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

26 vijećnika je glasalo za, niko nije bio protiv i 5 vijećnika je bilo suzdržano, te konstatujem da je ODLUKA O IZMJENAMA I DOPUNAMA BUDŽETA GRADA TUZLA ZA PERIOD OD 01. 01. DO 31. 12. 2018. GODINE, usvojena većinom glasova.

Sada stavljam na izjašnjenje pod b) odluku o izmjenama i dopunama Odluke o Izvršavanju Budžeta Grada Tuzla za 2018. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

26 vijećnika je glasalo za, niko nije bio protiv i 5 vijećnika je bilo suzdržano, te konstatujem da je ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLA ZA 2018. GODINU, usvojena većinom glasova.

Sada stavljam na izjašnjavanje pod c) izvještaj o Izvršenju Budžeta Grada Tuzla za period 01. 01. - 31. 12. 2017. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

18 vijećnika je glasalo za, niko nije bio protiv i 13 vijećnika je bilo suzdržano, te konstatujem da je IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 12. 2017. GODINE, usvojen većinom glasova.

Sada stavljam na izjašnjavanje podtačku d) izvještaj o korištenju sredstava tekuće rezerve za period 01. 01. - 31. 12. 2017. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

31 vijećnik je glasao za, niko nije bio protiv ni suzdržan, te konstatujem da je IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 01. 01. - 31. 12. 2017. GODINE, jednoglasno usvojen.

Sada stavljam na izjašnjavanje podtačku e), a to je izvještaj o Izvršenju Budžeta Grada Tuzla za period 01. 01. - 31. 03. 2018. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

20 vijećnika je glasalo za, niko nije bio protiv i 11 vijećnika je bilo suzdržano, te konstatujem da je IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 31. 03. 2018. GODINE, usvojen većinom glasova.

Prije nego što čujemo prijedloge znači zaključaka koji su proizašli iz rasprave da. Hoćete li vi da date neku primjedbu na zaključke? Evo izvolte. Gradonačelnik. A nisu pročitani. Nisu pročitani.

Ništa. Dajemo pauzu od deset minuta da Stručna služba može da uobliči ove zaključke. Kratka pauza od pet do deset minuta. Nakon toga ćemo malo veću pauzu napraviti. Eto molim vas da se ne razilazite.

Jeste. Posle Budžeta će biti malo duža pauza, pa vas molim da se ne razilazite. (Pauza.)

Dobro. Možemo nastaviti sa. Dobro. Molim vas eto zauzmite svoja mjesta.

Sada ću zamoliti sekretara Gradskog vijeća da nam pročita zaključke proistekle. O pardon. Sekretara državne službe. Hvala vam na. Koji mijenja sekretara znači Vijeća, da nam pročita zaključke proistekle iz rasprave, pa da se o njima izjasnimo.

ALMIR ŠUTA

Zahvaljujem predsjedavajući.

1. Gradsko vijeće smatra, da treba pružiti pomoć djeci sa posebnim potrebama, a naročito brigu o djeci o kojoj vodi računa Udruženje građana "URODIOL".

2. Gradsko vijeće traži, da se u skladu sa potrebama obezbijedi dovoljna količina sredstava za interventne situacije i pojača Operativni centar u Službi civilne zaštite za ažurnije zaprimanje poziva građana. Sve navedeno objaviti na web stranici Grad Tuzla, te poduzeti propagandne aktivnosti vezane za informisanje građana o broju telefona Operativnog centra.

3. Potrebno je sagledati zakonske i finansijske mogućnosti, da se obezbijede dodatna sredstva za finansiranje interventnih mjera u vrijeme prirodne nesreće. Sagledati zakonske i finansijske mogućnosti pružanja pomoći građanima Obodnice i Gornje Lipnice, koji su pogođeni zadnjim elementarnim nepogodama.

4. Gradsko vijeće Tuzla smatra, da u postupku donošenja Budžeta Grada Tuzla u narednom periodu, treba izvršiti konsultacije sa javnim komunalnim i drugim preduzećima, kako bi se na vrijeme obezbijedilo ostvarivanje javnih funkcija Grada Tuzla.

5. Očekuje se od nadležnih gradskih službi za upravu, da redovito informišu Gradsko vijeće Tuzla o sredstvima, koja građani uplaćuju na ime sufinansiranja komunalnih projekata u Gradu Tuzla.

6. Kada su u pitanju sredstva, koja se iz Budžeta Grada Tuzla se obezbjeđuju za pomoć osnovnim školama na području grada Tuzla, potrebno je voditi računa o ravnomjernoj raspodjeli sredstava na način da ne budu u nepovoljnijem položaju one osnovne škole, koje osim centralne imaju organizovane podružnice.

7. Gradsko vijeće Tuzla traži, da se ovim Rebalansom Budžeta finansira projektovanje Gradskog groblja, a budžetom za iduću godinu prva faza njegove izgradnje.

8. Traži se od Vlade i Skupštine Tuzlanskog kantona, da iznađu način i iz sredstava Budžeta Tuzlanskog kantona predvide dio sredstava za sufinansiranje tartan staze na Gradskom Stadionu "Tušanj", skupa sa Gradom Tuzla.

9. Traži se od Gradonačelnika i nadležnih gradskih službi za upravu (Službe za budžet i finansije i Službe civilne zaštite.), da u narednom rebalansu Budžeta Grada Tuzla, imajući u vidu odredbe člana 36. Zakona o korištenju, upravljanju i održavanju zajedničkih dijelova i uređaja u zgradi ("Službene novine Tuzlanskog kantona", broj 14/2015.) i drugih zakona i propisa, tamo gdje upravitelji i vlasnici zajedničkih dijelova i uređaja u zgradi nisu u mogućnosti finansirati nužne opravke kojima se otklanjaju kvarovi a koji ugrožavaju živote i zdravlje građana, obezbijede dodatna sredstva, kako bi se u skladu sa mogućnostima Budžeta Grada Tuzla se obezbijedilo sufinansiranje takvih nužnih popravki (Prvenstveno popravki na vanjskim fasadama, liftovima i drugih popravki na mjestima, gdje bi mogli biti ugroženi životi i zdravlje građana.).

10. Traži se od organa upravljanja i nadzora u javnim preduzećima i javnim ustanovama, da u skladu sa Zakonom o privrednim društvima ("Službene novine Federacije BiH", broj 81/15.) i Zakonom o ustanovama ("Službeni list RBiH", broj 6/92 i 13/94.) kod donošenja odluka o raspodjeli i utrošku viška prihoda nad rashodima u javnim preduzećima i javnim ustanovama, traže stav i mišljenje nadležnih organa Osnivača.

11. Gradsko vijeće Tuzla traži od Javnog preduzeća Elektroprivreda BiH-Podružnica Termoelektrana Tuzla, da najkasnije za junsku sjednicu Gradskog vijeća Tuzla, dostave informaciju dokle se došlo sa projektom odsumporavanja bloka šest Termoelektrane Tuzla.

ALEKSANDAR VUJADINOVIĆ

Dobro. Evo Nedžad Malikić, Tuzlanska alternativa. Vjerovatno neka dopuna ili komentar. Samo isključite mikrofona molim vas.

NEDŽAD MALIKIĆ

Vezano je, mislim da je treći zaključak, bilo je vezano za Donju Obodnicu i Gornju Lipnicu. Možda bi samo trebalo dodati, kao i sve ostale mjesne zajednice koje su pogođene.

Znači jer ja ovdje nisam, ja sam imao poziv iz Simin Hana i iz još nekih mjesnih zajednica, mislio sam da će tako i ići zaključak, i sve one ostale mjesne zajednice koje su pogođene poslednjom prirodnom nepogodom. Mislim. Ili budu pogođene.

Upravo to da. Jer ipak mislim da je puno više mjesnih zajednica gdje bi trebala da se izvrši intervencija povodom zadnjih nepogoda koje su bile. Hvala.

ALEKSANDAR VUJADINOVIĆ

Dobro. Hvala. Mirnes Ajanović.

MIRNES AJANOVIĆ

Ista stvar je bila za ovo ostale i eventualno naredne eventualno dakle mjesne zajednice koje budu na udaru elementarnih nepogoda.

I u ovom dijelu, mislim da je pet, gdje govorite o ovim finansijskim sredstvima, pa nabrojali ste javna komunalna i druga preduzeća, dodajte i javne ustanove. Jer je tako bilo rečeno.

Je li u pet? Ja mislim da je peti zaključak. Pet ili šest. Četiri, pet i šest. Jedno od toga. Piše javna. Govori se o finansiranju. (ALMIR ŠUTA – Javnim komunalnim preduz. Drugim preduzećima i javnim ustanovama.) I javnim ustanovama. Da.

Dakle da i njih ne izostavljamo jer i ona su naša. Hvala.

ALEKSANDAR VUJADINOVIĆ

Dobro. Hvala. U redu. Nema drugih sugestija.

Sada stavljam na izjašnjavanje zaključke koje je pročitao sekretar organa državne službe Grada Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

28 vijećnika je glasalo za, niko nije bio protiv ni suzdržan, te konstatujem da su jednoglasano usvojeni sljedeći zaključci:

1. Gradsko vijeće Tuzla smatra, da treba pružiti potrebnu pomoć djeci sa posebnim potrebama, a naročito za brigu o djeci o kojoj vodi računa Udruženje građana "URODIOL".

2. Gradsko vijeće traži, da se u skladu sa potrebama obezbijedi dovoljna količina sredstava za interventne situacije i pojača Operativni centar u Službi civilne zaštite za ažurnije zaprimanje poziva građana. Sve navedeno objaviti na web stranici Grad Tuzla, te poduzeti propagandne aktivnosti vezane za informisanje građana o broju telefona Operativnog centra.

3. Potrebno je sagledati zakonske i finansijske mogućnosti, da se obezbijede dodatna sredstva za finansiranje interventnih mjera u vrijeme prirodne nesreće. Sagledati zakonske i finansijske mogućnosti pružanja pomoći građanima Obodnice Donje, Gornje Lipnice i svih drugih mjesnih zajednica, koje su pogođeni elementarnim nepogodama.

4. Gradsko vijeće Tuzla smatra, da u postupku donošenja Budžeta Grada Tuzla u narednom periodu, treba izvršiti konsultacije sa javnim komunalnim i drugim preduzećima i javnim ustanovama, kako bi se na vrijeme obezbijedilo ostvarivanje javnih funkcija Grada Tuzla.

5. Očekuje se od nadležnih gradskih službi za upravu, da redovno informišu Gradsko vijeće Tuzla o sredstvima, koja građani uplaćuju na ime sufinansiranja komunalnih projekata u Gradu Tuzla.

6. Kada su u pitanju sredstva, koja se iz Budžeta Grada Tuzla, obezbjeđuju za pomoć osnovnim školama na području grada Tuzla, potrebno je voditi računa o ravnomjernoj raspodjeli sredstava na način da ne budu u nepovoljnijem položaju one osnovne škole, koje osim centralne škole imaju organizirane i podružnice.

7. Gradsko vijeće Tuzla traži, da se ovim Rebalansom Budžeta Grada Tuzla finansira projektovanje Gradskog groblja, a budžetom Grada Tuzla za narednu godinu finansira prva faza njegove izgradnje.

8. Traži se od Vlade i Skupštine Tuzlanskog kantona, da iznađu način i iz sredstava Budžeta Tuzlanskog kantona predvide dio sredstava namijenjen za sufinansiranje tartan staze na Gradskom Stadionu "Tušanj", skupa sa Gradom Tuzla.

9. Traži se od Gradonačelnika i nadležnih gradskih službi za upravu (Službe za budžet i finansije i Službe civilne zaštite.), da u narednom rebalansu Budžeta Grada Tuzla, a imajući u vidu odredbe člana 36. Zakona o korištenju, upravljanju i održavanju zajedničkih dijelova i uređaja u zgradi ("Službene novine Tuzlanskog kantona", broj 14/2015) i drugih zakona i propisa, tamo gdje upravitelji i vlasnici zajedničkih dijelova i uređaja u zgradi nisu u mogućnosti finansirati nužne opravke za otklanjanje kvarova, koji ugrožavaju živote i zdravlje građana, obezbijede dodatna sredstva, kako bi se u skladu sa mogućnostima Budžeta Grada Tuzla obezbijedilo sufinansiranje takvih nužnih popravki (Prvenstveno popravki na vanjskim fasadama, liftovima i drugih popravki na mjestima, gdje bi mogli biti ugroženi životi i zdravlje građana.).

10. Traži se od organa upravljanja i nadzora u javnim preduzećima i javnim ustanovama, da u skladu sa Zakonom o privrednim društvima ("Službene novine Federacije Bosne i Hercegovine", broj 81/15.) i Zakonom o ustanovama ("Službeni list RBiH", broj 6/92 i 13/94.) kod donošenja odluka o raspodjeli i utrošku višku prihoda na rashodima u javnim preduzećima i javnim ustanovama, traže stav i mišljenje nadležnih organa Osnivača.

11. Gradsko vijeće Tuzla traži od JP Elektroprivreda BiH-Podružnica Termoelektrana Tuzla, da najkasnije za junsku sjednicu Gradskog vijeća Tuzla, dostave informaciju dokle se došlo sa projektom odsumporavanja bloka šest Termoelektrana Tuzla.

Dajemo znači pauzu sada dvadeset i pet minuta. U dva sata, u dva sata da, četrnaest znači da počinjemo sa nastavkom sjednice. (Pauza.)

Dobro. Nastavljamo s radom sjednice.

Prelazimo na treću tačku dnevnog reda:

IMOVINSKO PRAVNE ODLUKE:

a) Odluka o utvrđivanju javnog interesa za izvođenje radova u svrhu rekonstrukcije i izmještanja ceste za naselje Mandići, broj: 01/07-31-2519/18

b) Odluka o dodjeli u zakup poslovne prostorije neposrednom pogodbom Turističkoj zajednici Grada Tuzla, broj: 01-23-2765-2018

c) Odluka o davanju saglasnosti na opterećenje prava građenja zasnovanog u poslovnoj zoni Kreka Sjever u Tuzli na nekretninama u vlasništvu Grada Tuzla

d) Odluka o prosječnoj konačnoj građevinskoj cijeni stambenog prostora iz predhodne godine

Predlagač je Gradonačelnik Grada Tuzla. Obrađivač je Služba za geodetske i imovinsko-pravne poslove.

A materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo i klubovi vijećnika.

Pitam prisutne, ima li potrebe da u skladu sa članom 68. Poslovnika Gradskog vijeća Tuzla predlagač ili obrađivač materijala daju uvodno izlaganje?

Ukoliko. Elvir Kasumović, SBB. Izvolte.

ELVIR KASUMOVIĆ

Imao bih potrebu samo da nam se po pitanju davanje saglasnosti Obrtničkoj radnji, je li pekari, za opterećenje na osnovu prava građenja davanja saglasnosti, da nam obrađivač pojasni šta u slučaju da ovaj privredni faktor ne vrati taj kredit, da li to znači da će se oduzeti ova parcela od strane. (ALEKSANDAR VUJADINOVIĆ – To je podtačka c. Je li?) Da. (ALEKSANDAR VUJADINOVIĆ – Dobro.) Mislim da je.

ALEKSANDAR VUJADINOVIĆ

OK. U redu. Hvala. Ništa. Evo Jasmina Šimleša. Izvolte pa ako možete odgovoriti na postavljeno pitanje.

JASMINA HASANEFENDIĆ - ŠIMLEŠA – pomoćnik Gradonačelnika za Službu za geodetske i imovinsko-pravne poslove

Dobar dan. Pozdravljam sve prisutne. Dakle predlog je odluka o davanju saglasnosti na opterećenje prava građenja zasnovanog u Poslovnoj zoni Kreka Sjever u Tuzli na nekretninama u vlasništvu Grada Tuzla.

Kao što je poznato Gradsko vijeće je usvojilo Odluku o opterećenju pravom građenja nekretnina u poslovnoj zoni Kreka Sjever na parcelama u vlasništvu Grada Tuzla.

Odabrano je pet najpovoljnijih ponuđača koji su dakle nakon donesene Odluke nositelji prava građenja. Ovom odlukom se daje saglasnost jednom od nositelju prava građenja, to je Obrtnička radnja Pekara Kabil, da može opteretiti pravo građenja zasnovanog u korist.

Dakle Obrtničke radnje Pekare Kabil sa dijelom od jedan kroz jedan, na parceli koja je upisana u poseban zemljišno-knjižni uložak prava građenja.

Dakle bitno je napomenuti da se ovime ne daje saglasnost na opterećenje zemljišta, dakle ne opterećuje se nikakvim pravom zemljište, nego se opterećava pravo građenja.

Pravo građenja u pravnom prometu je samostalna nekretnina koja se stiče dvostrukim i pravo građenje se stiče znači dvostruko upisom u zemljišno-knjižni uložak, novi dakle zemljišno-knjižni uložak se otvara sa pravom građenja i upis kao teret u C list nekretnine na kojoj je osnovano pravo građenja. Dakle ovdje se radi o opterećenju prava građenja a ne opterećenju zemljišta.

U slučaju evo u ovom koji ste vi naveli da se desi da Obrtnička radnja dakle opterećeno je samo njeno pravo građenja a to je, a to je znači objekat koji on bude sagradio na pravu građenja.

Dakle to je njegov objekat čiji je on vlasnik, opterećen, a ne zemljište.

ALEKSANDAR VUJADINOVIĆ

Dobro. Hvala. Zamolit ću vas evo sjedite tu pa ukoliko bude još pitanja. OK. E super. Hvala.

ELVIR KASUMOVIĆ

Da li to znači u slučaju nevraćanja sredstava da će neko doći i odnijeti zgradu sa te parcele a parcelu će nama ostaviti onako cijelu? Hvala.

JASMINA HASANEFENDIĆ – ŠIMLEŠA

Dakle. (ALEKSANDAR VUJADINOVIĆ – Samo isključite mikrofon.) Dakle nekretnine su u vlasništvu Grada Tuzla. Nekretnine će i dalje i uvijek biti u vlasništvu Grada Tuzla, dakle zemljište, a pravo građenja predstavlja tuđu zgradu izgrađenu dakle na, na našem zemljištu.

To znači praktično ukoliko, on daje hipoteku na svoju nekretninu, banka sutra može postati vlasnik njegove nekretnine koja je izgrađena na našem zemljištu.

ALEKSANDAR VUJADINOVIĆ

Ostanite samo malo molim vas. Možda. Izvolte. Kasumović. Samo Jaco.

ELVIR KASUMOVIĆ

Samo vas podsjećam da je nekretnina zemljište i sve ono što se gradi kao čvrsti objekat na toj parceli. To je nekretnina. To se smatra definicijom nekretnine.

JASMINA HASANEFENDIĆ – ŠIMLEŠA

Dakle pravo građenja u pravnom sistemu Bosne i Hercegovine uvedeno je stupanjem na snagu Zakona o stvarnim pravima. Pravo građenja predstavlja dakle, predstavlja u pravnom prometu posebno nekretninu i ono je izuzetak od pravila superficies sola cedit, dakle da nekretnina dijeli, odnosno da zgrada dijeli pravnu sudbinu zemljišta, odnosno izuzetak je od pravila da je sve ono što je trajno spojeno sa zemljištem dijeli sudbinu zemljišta.

Dakle to je poseban institut i kao takav evo. Osim toga članom 303., stav dva Zakona o stvarnim pravima, propisano je da se pravo građenja može opteretiti služnostima, stvarnim teretima, založnim pravima, zemljišnim dugom i na svaki drugi način koji nije, koji je u skladu sa zakonom i koji nije suprotan pravnoj prirodi tog prava.

S obzirom da u pravnom prometu predstavlja posebnu nekretninu koja je u stvari fikcija dakle zemljišta ono je se moglo opteretiti faktički i bez naše saglasnosti. Naravno kad smo radili Odluku da smo htjeli u tom smislu da se osiguramo i ugradili smo odredbu da je ipak nositelju prava građenja potrebna naša saglasnost za opeterećenje njegovog prava građenja.

ALEKSANDAR VUJADINOVIĆ

Dobro. U redu. S obzirom da smo već započeli sa raspravom klubova vijećnika, sljedeći se za riječ javio Nedžad Malikić, Tuzlanska alternativa. Izvolte.

NEDŽAD MALIKIĆ

Ja ću vrlo kratko. Obično. Ma kratko ću. Obično se ne javljamo znači kad je u pitanju imovinsko-pravne odluke, međutim evo mene je ponukalo da se javim vezano je za tačku, odnosno za a) podtačku, odluka o utvrđivanju javnog interesa za izvođenje radova u svrhu rekonstrukcije i izmjestanja ceste naselja Mandići.

Mislim drago mi je da se nešto dešava kad je u pitanju ovaj lokalitet. Imajući u vidu da smo još 2015., da to građani već dvadeset godina već traže rekonstrukciju, odnosno izgradnju nove putne infrastrukture kroz Rudnik soli i ovo je jedan ja mislim od tačaka koje treba završiti na način jer smo još i na ovom rebalansu ta sredstva povećali za 400.000, nekih 900.000 imamo maraka na raspolaganju i bilo bi mi jako drago da konačno i u ovoj godini taj projekat konačno i završim.

I ako će ova odluka i ova tačka doprinijeti tome jako sam sretan. Hvala.

ALEKSANDAR VUJADINOVIĆ

Hvala lijepo. Mirnes Ajanović, BOSS. Izvolite. Izvolite.

MIRNES AJANOVIĆ

Kolega Kasumović je ovo pitanje postavio vjerovatno radi boljeg pojašnjenja ostalim kolegama, pa naravno i kao pravnik ima obavezu da traži pojašnjenja.

Ovo što smo čuli od šefa Službe, eto jeste dakle objašnjenje o tome šta se može desiti ukoliko bi bilo šta pošlo negativno. Jeste Zakon o stvarnim pravima komplikovan Zakon. Advokatska komora Federacije Bosne i Hercegovine je organizovala i seminare o primjeni Zakona o stvarnim pravima, gdje su dolazila stručna lica koja su sama i sačinjavala taj Zakon i u višesatnim raspravama obrazlagala zašto su neke odredbe takve kakve jesu iako u Zakonu piše norma onaka kakva jeste.

Ovdje se radi o klasičnom Zakonu koji ima mogućnost raznog tumačenja, ili čak bolje rečeno nerazumijevanja samog Zakona kako ga primijeniti. I tek sudska praksa treba da ustanovi način primjene, istinske primjene tog Zakona, a onda opet kada imamo problem, govorilo smo to na prošloj sjednici, neujednačene sudske prakse uvijek će imati ovakav, ovakvu situaciju i ovakav problem kao što je to kolega Kasumović rekao.

Ovdje se radi o situaciji posebnoj što imamo dakle okolnost da se to dešava na prostoru Poslovne zone Kreka Sjever, gdje su svi objekti koje smo mi do sada dali na isti način faktički i dodijeljeni. Naše je zemljište, oni će graditi objekte.

Šta će biti kasnije s toga, ili neće, dali smo to pod izrazito višekratno jeftinim uslovima, možda par maraka po kvadratu ili slično, tako da po meni nakon ovog pojašnjenja evo kojeg je tražio kolega Kasumović i nakon obrazloženja, odnosno na obrazloženje naravno koje imamo, mislim da je ovo u okviru zakonskih normi, onako kako se taj Zakon može tumačiti i mislim da to možemo prihvatiti nakon svih ovih pojašnjenja i diskusija.

I zahvaljujem se kolegi Kasumoviću koji je inicirao dodatno pojašnjenje da se ne bi sutra recimo ili bilo kada u narednom periodu postavilo pitanje kako to Grad Tuzla daje ovakvu vrstu saglasnosti.

Ovdje imamo čak i u obrazloženju i Odluku o izboru najpovoljnijeg ponuđača i svašta nešto je prošlo, ali okolnosti primjene Zakona o stvarnim pravima zaista su specifične i mi pravnicima kada nađemo na ovakvu situaciju nekada ne možemo dati uvijek konkretan odgovor na svaku okolnost koja se može desiti ili pretpostaviti.

Ali evo mi kao vijećnici imamo mogućnost. Pitali smo, dobili odgovore koliko je mogao dati predlagač u obrazloženju osnove za donošenje ovakve odluke. Što se mene tiče mislim da se može usvojiti i da je u potpunosti zakonita.

ALEKSANDAR VUJADINOVIĆ

U redu. Hvala. Elvir Kasumović. Izvolte.

ELVIR KASUMOVIĆ

Pravo da vam kažem ja sam, odnosno sa svojim Klubom još smo u nedoumici po pitanju ovog.

Vidite nešto. U slučaju ne vraćanja kredita, bez obzira o kom, o kom drugom pravnom subjektu se radilo, ovdje se, ovdje mi dajemo svoju saglasnost na neki način i na parcelu.

Što se tiče ne može neko doći fizički zgrada koja je vezana za tlo ne može izvaditi iz tla i pomjeriti je na neku drugu parcelu. Mislim ne postoji ta mogućnost. Može se samo srušiti taj objekat.

Ako već onaj ko traži pravo da, da, od nas da se izjasnimo po pitanju opterećenja ako već on ima na to pravo ne znam zbog čega se sad od nas traži ako on već ima na to pravo. Odnosno ima pravo građenja. I ako se samo građenje opterećuje.

Ali građenje je uslov da se veže za tlo, odnosno za parcelu koja je u vlasništvu Grada. I koja po Zakonu o stvarnim pravima više nema mogućnosti prodaje nekretnine.

Prema tome u velikoj sam nedoumici. Vjerujte. Mislim ovo ne, ne prebacujem ovo Službi da je napravili neki propust, nego jednostavno iz neke pravne nedoumice imamo sad problem kažem ukoliko se desi ono nešto najgore. A svjesni smo problema na, na, na, inače na području čitave Bosne i Hercegovine da se stvari dešavaju, negativne stvari.

Imamo nedoumicu kako jednostavno da damo nekome saglasnost da se hipotekarno optereti građenje a ne može se vršiti građenje dok se ne, ne izvrši opterećenje parcele na kojoj se vrši građenje. Znači. To je malo sad kompleksno po ovom pitanju.

I bojim se da, da, da ovom odlukom ne da nećemo dati podršku ovom, ovom pravnom subjektu, nego jednostavno da nećemo napraviti određeni pravni propust po pitanju svega ovoga. E to je ono. Izvinjavam se.

ALEKSANDAR VUJADINOVIĆ

U redu. Hvala. Replika je li? Mirnes Ajanović, BOSS. Izvolte.

MIRNES AJANOVIĆ

Ne klasično da se suprostavljam stavu kolege Kasumoviću nego dopunjavam stav. Malo smo mi razgovarali o ovome.

Mislim da bi trebalo biti jedan zaključak, da se nalaže Službi da u saradnji sa Javnim pravobranilaštvom ako je potrebno, nađu mehanizme zaštite u slučaju bilo kakvih mogućnosti zloupotrebe prava ili slično. Dakle da Grad ne bude oštećen.

Eto to bi bilo nekako pomirujuće u ovom smislu da pored obrazloženja jer toga nema u obrazloženju, mislim da bi to trebalo stojati i u obrazloženju kao tako nešto da mi kao vijećnici

znamo. Da smo dobili to kao sastavni dio obrazloženja ne bi danas bilo ovog uopšte pitanja niti ovakve diskusije, polemike.

Ali treba napisati, evo i ovo mi kao zaključak, dakle prihvatamo, ali zaključak da se još poduzmu potrebne mjere, ne samo u ovom slučaju, nego u svim ovakvim slučajevima koji će biti naredni i da nam se u obrazloženju dostavlja i taj dio, segment dakle, šta u slučaju zloupotrebe Grad može uraditi a kako bi se zaštitio.

Da to ne moramo dobijati kao dodatno obrazloženje usmeno, nego da piše kao sastavni dio materijala gdje god imamo ovako donošenje odluke o pravu građenja.

ALEKSANDAR VUJADINOVIĆ

Dobro. Hvala. Evo neka Jasmina Šimleša još da pojašnjenja.

JASMINA HASANEFENDIĆ – ŠIMLEŠA

Evo ja ću pokušati dodatno obrazloženje čisto da bude, pokušam biti jasnija. Dakle pravo građenja je ograničeno stvarno pravo koje njegovom nositelju daje ovlaštenje da na tuđem zemljištu može izgraditi vlastitu zgradu. Dakle na tuđem zemljištu izgraditi zgradu koja je u njegovom vlasništvu.

Nositelj pravo građenja može tu zgradu prodati uz saglasnost dakle vlasnika zemljišta, može je prodati, članom 303. je regulisano da je može opteretiti, da pravo građenja se takođe može nasljeđivati, može biti predmetom i drugih ograničenih stvarnih prava.

Dakle onaj ko je nositelj prava građenja on je vlasnik zgrade na zemljištu koje je tuđe. I to je dakle odstupanje od dosadašnjeg principa da zgrada dijeli pravnu sudbinu zemljišta, odnosno od principa sjedinjenja zgrade i zemljišta. Ovo je novi institut.

I evo ovaj ja sam čak i ponosna na ovo Gradsko vijeće jer smo zaista prvi u državi i uspostavili, uspostavili pravo građenja. I naši notari, dakle tuzlanski notari su prvi koji su napravili ugovore o pravu građenja.

Evo ovo je prilika i da kažem, dakle možda sam zakasnila sa tim, ali evo prilika je da kažem da zaista nakon što smo, što je Gradsko vijeće usvojilo Odluku o uspostavljanju prava građenja ja sam i od drugih kolega iz drugih gradova primala pozive i zvali su me da im dostavimo svoju Odluku, pitali su me način, pitali su me evo da i oni prepisu od nas.

Dakle ja razumijem šta ste vi htjeli pitati kako da se mi osiguramo. Dakle status zemljišta se neće mijenjati. Banka ne može postati vlasnik zemljišta. Eventualno banka može postati vlasnik zgrade koja je na zemljištu, odnosno pravo građenja koje je, a pravo građenja odvaja nekretninu, odnosno zemljište od zgrade. Dakle to je pravni institut koji odvaja zemljište od zgrade.

Sutra da se ne daj bože desi takva stvar banka može postati vlasnikom te zgrade, onda će banka postati i nositelj pravom građenja i biti u obavezi umjesto dosadašnjeg nositelja pravo građenja da nama plaća naknadu za pravo građenja.

Isto tako banka može kada postane vlasnik te zgrade prodati trećem licu tu zgradu i to treće lice bit će obveznik plaćanja naknade za pravo građenja nama. Evo.

ALEKSANDAR VUJADINOVIĆ

Dobro. Mirnes Ajanović prvi se javio, BOSS. Izvolte. Replika vjerovatno ili neki.

MIRNES AJANOVIĆ

Replika u vezi vooga. (ALEKSANDAR VUJADINOVIĆ – Dobro.) To je u stvari po mom mišljenju ono što je tražio kolega Kasumović, odnosno Klub SBB-a, šta u situaciji kada se dese takve okolnosti šta Grad ima od toga, kako je Grad zaštićen, kako Grad može to zemljište na kraju uslovno rečeno koristiti i ne biti oštećen u slučaju zloupotrebe.

E to treba da, evo malo smo prvi koji radimo ali to treba da stoji i u obrazloženju kako je Grad zaštićen u svim tim okolnostima. Jer evo i ja kao vijećnik ja bih svakako glasao za ovo, ali smo razgovarali prije ove tačke kolega i ja i on je eto prvi postavio ovo pitanje, želimo da kada nas pita bilo ko od medija ili slično da imamo jasan odgovor, odnosno da smo mi inicirali na Vijeću jasno pitanje i tražili konkretno obrazloženje u ovakvoj situaciji šta ako se desi ovo ili ono, da bi zaštitili i samo ovo lice da ga sutra neko ne proziva dobio si nekakvo zemljište po nekakvim okolnostima ovakvim, onakvim, nepotrebno je da bilo ko, niti mi kao Gradsko vijeće, niti evo Pekara Kabil ima bilo kakvih problema.

Zato je to obrazloženje kada smo više puta govorili potrebnije nekada da bude malo šire u smisli da prvo nisu svi pravници, drugo postoje i pravnici u Vijeću koji to malo više čitaju, traže više informacija i treće da i oni koji nisu dakle učesnici u odlučivanju koji prate sjednice Vijeća ili direktno ovako u sali ili van sale, imaju tu potpunu informaciju o svemu što se odlučuje u okviru Gradskog vijeća da je u okviru zaštite interesa Grada Tuzla, a opet u interesu građana Tuzle koji traže od Vijeća poduzimanje evo i ovakvih mjera evo i donošenja ovakvih odluka. Hvala.

ALEKSANDAR VUJADINOVIĆ

OK. Hvala. Elvir Kasumović, SBB.

ELVIR KASUMOVIĆ

Ma želim jednostavno samo da se mi i kao Vijeće zaštitimo. Mi smo u prošlom mandatu donijeli Odluku gdje stupamo, odnosno gdje smo donijeli Odluku da se krene u pravljenje ove Poslovne zone Kreka Sjever. Znači Poslovne zone.

Na ovaj način dajemo mogućnost nekim drugim osobama da na osnovu ovoga sada što mi donosimo odluku od poslovnog, odnosno proizvodnog, proizvodne namjene dovedemo da se dole može formirati ne znam neki opet trgovački centar i tako dalje.

Namijenjeno, znači Odlukom je nemijenjeno poslovna zona da je. Znači mi smo donijeli Odluku da se radi o poslovnoj zoni. U slučaju nečega da banka uzme nekretninu, evo po izjavi gospođe Šimleše, banka ima pravo da za bilo koje namjene da kasnije usmjeri, usmjeri taj objekat. Znači ne možemo mi ograničiti. Razumijete o čemu se radi.

Prvi, prvi, prvo lice je dobilo namjenu proizvodnog, proizvodnu namjenu objekta, kroz ovaj slučaj promjenom vlasnika ne možemo uticati na to da ponovo bude proizvodna, odnosno poslovna zona. Može se u neke druge namjene iskoristiti objekat.

Eto to je, to je recimo jedna pravna nedoumica kod svega ovoga, što možemo od poslovne zone da, da, da se proizvode neka druga sasvim zona koju mi nismo željeli i nismo Odlukom donijeli.

ALEKSANDAR VUJADINOVIĆ

Dobro. Dobio sam sugestiju da sam prekršio Poslovnik i tačno, u pravu je. Nekoliko puta ste već replicirali. Evo sad još nek Jasmina kaže odgovor na ovo i poslije toga ide.

JASMINA HASANEFENDIĆ – ŠIMLEŠA

Evo i tu da otklonimo dilemu. Dakle nema mogućnost banka da kada postane vlasnik da mijenja namjenu. Dakle sadržaj prava građenja se ne može mijenjati bez saglasnosti vlasnika zemljišta. (ALEKSANDAR VUJADINOVIĆ – OK.)

Za promjenu namjene sadržaja potrebna je saglasnost vlasnika zemljišta.

ALEKSANDAR VUJADINOVIĆ

Dobro. Hvala. OK. Elvir Mahmuzić, SDP.

ELVIR MAHMUZIĆ – vijećnik Socijaldemokratske partije

Pa iskreno nismo se htjeli ni javljat. Ali evo ispred Kluba vijećnika SDP-a nama je sve jasno i mi smo razmatrali sve četiri ove odluke i smatramo da su one utemeljene i zasnovane na zakonu, pa i na Odluci koju je ovo Gradsko vijeće donijelo. Dakle nema nikakvih nedoumica.

A ono malo, nećemo ni ulaziti naravno u razumijevanje ove same odluke i shvatam potrebu da neko traži dodatno pojašnjenje u najboljoj namjeri kako bi se zaštitio interes samog Grada, ali s tim u vezi kad je u pitanju ova odluka o kojoj se razgovara, vi ste i u materijalu dobili prethodno u obrazloženju i mišljenju Gradskog pravobranilaštva koji je tu da štiti interese ovoga Grada.

Dakle prethodno je pribavljeno mišljenje Gradskog pravobranilaštva Tuzla na predlog ove odluke. U svom mišljenju broj: M7/18, od 09. 04. 2018. Gradsko pravobranilaštvo je analiziralo odredbe člana 298., stav 1. i člana 303., stav 2. Zakona o stvarnim pravima i odredbe člana 21., stav 1. Odluke o uvjetima i načinu opterećenja nekretnina u vlasništvu Grada Tuzla na lokalitetu Poslovne zone Kreka Sjever u Tuzli putem javnog nadmetanja, licitaciji, te navelo da se uspostavom založnog prava na pravu građenja, u korist ISP Banke, ne narušava imovina i imovinski interes Grad Tuzla, s obzirom da se založno pravo ne uspostavlja na zemljište čiji je vlasnik Grad Tuzla, nego na pravu građenja čiji je nosilac OR Pekara Kabil Tuzla.

U vezi sa navedenim, Gradsko pravobranilaštvo je mišljenja da se može pristupiti postupku donošenja ove odluke od strane Gradskog vijeća Grada Tuzla.

To je za Klub vijećnika SDP-a sasvim dovoljno i jasno da ne postoji narušavanje interesa. Evo čuli smo i odgovor na neka pitanja uvažene šefice Službe, koja je i sa stručne strane objasnila da tu ne postoje nikakve nedoumice kada je u pitanju stvari interes imovine Grada Tuzla, u ovom slučaju te predmetne cjeline. Hvala.

ALEKSANDAR VUJADINOVIĆ

Dobro. Poslovnička intervencija Mirnes Ajanović, BOSS. Izvolte.

MIRNES AJANOVIĆ

Predsjedavajući, smatram da se prekršili Poslovnik kad ste rekli da ste prekršili Poslovnik.

Zato što je sad uveden novi institut u okviru Poslovnika o radu Gradskog vijeća da mi u toku rasprave možemo tražiti odgovore na pitanja i da nam se može od strane predlagača odgovarati.

I upravo kolega Kasumović je postavio pitanja, pa ste i vi sami rekli ostanite da bi mogli odgovarati i u daljem odgovaranju, ili pitanju, ili preciziranju, mislim da to nije više replika nego u stvari diskusija vijećnika u odnosu na pravo koje ima kao vijećnik i da ste vi u potpunosti bili u skladu sa Poslovníkom u ovakvim okolnostima kada predlagač odgovara na postavljena pitanja vijećnika i vijećnik jednostavno još dopunjava i rješava tu situaciju jer to smo tek sada uveli. I mi se tek sada navikavamo na ovakav način rada koji je možemo reći vrlo pozitivan.

Jer ne moramo i ne dopuštamo da prođe po pola sata pa da se kasnije neko sjeti šta je bilo ili ne, nego direktno u raspravi sa postavljenim pitanjima od strane vijećnika koji ima pravo da ta pitanja postavlja, dobijamo direktne odgovore od predlagača, što daje evo vrlo brzo rezultat efikasan da možemo nastaviti dalje raditi i zauzimati stavove u odnosu na odgovore koje smo dobili. Hvala.

ALEKSANDAR VUJADINOVIĆ

Dobro. Hvala. Hvala na sugestiji. Pa eto ne znam. Morat ćemo se uhodati još malo bolje po tom pitanju. Dobro.

Ima li još neko ispred klubova vijećnika da bi se javio znači za raspravu? Ukoliko ne, zaključujem raspravu klubova vijećnika. Otvaram raspravu vijećnika. Niko se ne javlja. Zaključujem raspravu vijećnika.

Sada stavljam na izjašnjavanje predložena imovinsko pravne odluke i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da su jednoglasno usvojene sljedeće IMOVINSKO PRAVNE ODLUKE:

a) Odluka o utvrđivanju javnog interesa za izvođenje radova u svrhu rekonstrukcije i izmještanja ceste za naselje Mandići, broj: 01/07-31-2519/18

b) Odluka o dodjeli u zakup poslovne prostorije neposrednom pogodbom Turističkoj zajednici Grada Tuzla, broj: 01-23-2765-2018

c) Odluka o davanju saglasnosti na opterećenje prava građenja zasnovanog u poslovnoj zoni Kreka Sjever u Tuzli na nekretninama u vlasništvu Grada Tuzla

d) Odluka o prosječnoj konačnoj građevinskoj cijeni stambenog prostora iz predhodne godine.

Pozivam predstavnika Stručne službe znači da pročita zaključke proistekle iz diskusije. Neke smo već čuli obrazloženja. Ali evo da pročita pa ćemo.

ALMIR ŠUTA

Zahvaljujem predsjedavajući.

- Gradsko vijeće Tuzla, traži od Službe za geodetske i imovinsko-pravne poslove, da u suradnji sa Gradskom pravobranilaštvom Grada Tuzla, preduzme na zakonu zasnovane mjere radi zaštite imovinskih interesa Grada Tuzla u svim onim situacijama opterećenja građevinskog zemljišta u vlasništvu Grada Tuzla i zasnivanja stvarnih i ličnih tereta u korist nosioca prava građenja.

ALEKSANDAR VUJADINOVIĆ

Dobro. Eto to je taj zaključak koji smo čuli. Gospođa Šimleša nam je dala znači je li dokaz da su oni to već i obavili. Ali evo da se izjasnimo o tom zaključku pa nek vrijedi za ubuduće za ovakve slične situacije.

Sada stavljam na izjašnjavanje zaključak koji je pročitao sekretar organa državne službe i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da je jednoglasno usvojen sljedeći zaključak:

1. Gradsko vijeće Tuzla, traži od Službe za geodetske i imovinsko-pravne poslove, da u saradnji sa Gradskom pravobranilaštvom Grada Tuzla, preduzme na zakonu zasnovane mjere radi zaštite imovinskih interesa Grada Tuzla u svim situacijama opterećenja građevinskog zemljišta u vlasništvu Grada Tuzla i zasnivanja stvarnih i ličnih tereta od strane nosioca prava građenja.

Prelazimo na četvrtu tačku dnevnog reda:

DAVANJE SAGLASNOSTI NA PRAVILNIK O UNUTRAŠNJOJ ORGANIZACIJI GRADSKIH ORGANA UPRAVE I STRUČNIH SLUŽBI GRADA TUZLA

Predlagač je Gradonačelnik Grada Tuzla. Obrađivač Stručna služba za poslove Gradonačelnika. A materijal su razmatrali: Komisija za statutarna pitanja i propise i klubovi vijećnika.

Pitam prisutne, ima li potrebe znači da se u skladu sa članom 68. Poslovnika Gradskog vijeća pročita uvodni neki izvještaj od strane predlagača ili obrađivača materijala? Nema. Onda otvaram raspravu klubova vijećnika. Mirnes Ajanović, BOSS. Izvolite.

MIRNES AJANOVIĆ

Ovo je materijal koji je vrlo obiman. 142 strane. Radi se o pravilniku o unutrašnjoj organizaciji gradskih organa uprave i stručnih službi Grada Tuzla.

Mi smo nedavno, prije nekoliko mjeseci, usvojili sličan materijal koji je takođe bio isto ovako vrlo obiman i radilo se o opsežnoj reorganizaciji unutrašnjoj, dakle organizaciji Grada, gradskih organa Grada Tuzla. Gradskih organa grada uprave i gradske uprave.

Čuli smo danas Gradonačelnika kada smo raspravljali o rebalansu Budžeta da recimo oko 10.000.000 maraka imamo suficita a odnosno radi se o sredstvima iz prošle godine koja nisu utrošena, iz razloga između ostalog što je rekao da je bilo i tih brojnih izmjena u okviru organa gradske uprave, brojna lica su promijenila svoj status, evo vidili smo i po službama šefovi službi su mijenjani i da je to po Gradonačelniku jedan od razloga zašto sredstva nisu utrošena.

Evo sada opet imamo opsežne izmjene i ja bih predložio zaključak da, već smo mi nešto donijeli ispred Gradskog vijeća, da nas Gradonačelnik obavijesti, pa i sve vijećnike putem email-a o telefonima novoimenovanih, novoizabranih lica, pogotovo šefova službi i svih bitnijih službi, što i to pokazuje obavezu upoznavanja Vijeća sa svim izmjenama i dopunama, ali jedan od zaključaka predlažem, da tražimo da Gradonačelnik prilikom primjene pravilnika vodi računa o tome da

okolnost i vrijeme promjene primjene pravilnika, odnosno promjene radnih mjesta, ne rezultira time da opet dođemo u situaciju, ili ne moramo to govoriti opet ovo govorim uopšteno samo kratko nek se napravi jedan zaključak, dođemo u situaciju da određena sredstva ne možemo realizovati jer je došlo do višestrukih promjena i gdje nismo bili u mogućnosti da službe mogu funkcionisati kako treba.

Dakle da i Gradonačelnik vodi računa o tome. Bez obzira koliko smatrao da je potrebno izvršiti određene promjene u određenoj službi, odnosno organima gradske uprave Grada Tuzla, da to uskladi sa radom te i drugih službi ukoliko je potrebno a da se ne desi, kako se ne bi desilo da imamo situaciju nerealizovanja sredstava ili nerealizovanih sredstava, znači ne ispunjenje obaveza prema građanima koji su u toj budžetskoj godini očekivali realizaciju toga na način da imaju bolju komunalnu infrastrukturu ili bez obzira bilo šta drugo o čemu se radilo, društvenih djelatnosti do svih ostalih segmenata funkcionisanja gradske uprave, odnosno Grada Tuzla.

Na taj način će i Gradonačelnik biti direktno obavezan da primjenom pravilnika vodi računa i o tome a i mi opet dakle shodno zaključku kojeg smo imali malo da ga dopunimo u smislu da sve bitnije izmjene koje imamo a Gradonačelnik svakako po Zakonu o lokalnoj samoupravi, odnosno principima lokalne samouprave u Federaciji Bosni i Hercegovini je nadležan i dužan izvještavati Vijeće putem izvještaja, da nas Gradonačelnik izvijesti shodno ovakvim izmjenama koje su bitnije i za ono što procijeni da je Gradsko vijeće dužno da zna, da imamo informaciju kao vijećnici koje su izmjene izvršene, koja lica su postavljena na određena mjesta, kako bi mi kao Grad, odnosno u okviru Grada Tuzla kao Gradsko vijeće bili funkcionalniji i imali mogućnost efektivnijeg djelovanja i zaštiti interesa građana Grada Tuzle. Hvala.

ALEKSANDAR VUJADINOVIĆ

U redu. Hvala. Da li se još neko javlja za riječ ispred klubova vijećnika? Koliko ne, zaključujem raspravu klubova vijećnika. Otvaram raspravu vijećnika. Da li se neko javlja? Edim Kadić, nezavisni vijećnika. Izvolte. Samostalni. Pardon.

EDIM KADIĆ

Ja sam htjeo jedno pitanje ili konstataciju. Vama je poznato da mi imamo ogromnih problema sa aerozagađenjem, da smo držali vanredne sjednice, da imamo problema sa saobraćajem, uz saobraćaj Gradsko saobraćajno preduzeće, imamo još dosta toga da se toplificira, Termoelektrana stalni problem.

Mene zanima, nisam našao, možda, možda sam preskočio, u Službi za prostorno uređenje i zaštitu okoline da li postoje stručni saradnik za ekologiju? Da li imamo tog neko lice, ko je to lice, da nam može informisat, dat informaciju šta se dešava kad imamo one određene probleme sa zrakom i tako dalje.

Možda ima. Ja ne znam. Eto volio bi ako može neko da mi da. Ovo je znači više i pitanje i konstatacija i tako. Da li je on školovan za taj posao? I to je to.

ALEKSANDAR VUJADINOVIĆ

Dobro. Ima li neko da bi mogao dati odgovor na ovo? Eh Svjetlana Kakeš. Izvolte.

SVJETLANA KAKEŠ – rukovodilac Stručne službe za poslove Gradonačelnika

Dobar dana. Ja vas sve i na ovaj način pozdravljam. Iako smatram da ja nisam baš kompetentna da objašnjavam za svaku službu jer ima ovdje petsto i nešto izvršilaca i radnih mjesta, ali sam evo dok ste vi postavljali pitanje otvorila Službu za prostorno uređenje, Odjeljenje za prostorno planiranje, na stranici ja sad ne znam možda su drugačije stranice, kod mene je 58., 5.2, i imate tu čitavo Odjeljenje koje se zove za protorno planiranje, razvoj i zaštita okoline, radno mjesto 5.2.4. viši stručni saradnik za poslove zaštite okoline.

Naravno imaju i druga radna mjesta i u Službi za komunalne poslove imaju za poslove, pitanja saobraćaja, imaju stručni saradnici za pitanja geologije. (EDIM KADIĆ – Još jedno pitanje. Je li to radno mjesto popunjeno?) Ja vam to sad u ovom momentu ne mogu reći ali vam mogu odgovorit vrlo brzo.

ALEKSANDAR VUJADINOVIĆ

Dobro evo. Dobio sam neki podatak da nije. Znači ipak eto. Od predstavnika Službe. Izvolite. Replika Mirnes Ajanović.

MIRNES AJANOVIĆ

Pa iz samog naziva ove Službe vidi se da Služba ima nadležnosti i za ekologiju. Evo ovo vam je klasičan primjer kad vijećnik ne pročita materijal a nešto hoće da na Vijeću kaže iz okolnosti nepročitanog materijala. (ALEKSANDAR VUJADINOVIĆ – Dobro. Nemoj. Dobro.) Ovo upravo sada što smo čuli kako Edim Kadić se priprema za (ALEKSANDAR VUJADINOVIĆ – Dobro.) raspravu na Gradskom vijeću. Samostalni vijećnik.

ALEKSANDAR VUJADINOVIĆ

U redu. OK. Da li ima još neko znači od vijećnika ko bi diskutovao po ovoj tački dnevnog reda? Nema.

Sada stavljam na izjašnjavanje prijedlog da Gradsko vijeće Tuzla da saglasnost na pravilnik o unutrašnjoj organizaciji gradskih organa uprave i stručnih službi Grada Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da je jednoglasno
DATA SAGLASNOSTI NA PRAVILNIK O UNUTRAŠNJOJ ORGANIZACIJI GRADSKIH ORGANA UPRAVE I STRUČNIH SLUŽBI GRADA TUZLA.

Zamolit ćemo znači predstavnika Stručne službe da pročita zaključke proistekle iz rasprave.

ALMIR ŠUTA

Zahvaljujem predsjedavajući.

1. Traži se od Gradonačelnika Grada Tuzla, da prilikom primjene Pravilnika o unutrašnjoj organizaciji gradskih organa uprave i stručnih službi Grada Tuzla, vodi računa da eventualne kadrovske izmjene na pojedinim pozicijama unutar gradskih službi za upravu, stručnih i drugim službi ne utiču na realizaciju poslova i zadataka unutar gradskih službi za upravu.

2. Očekuje se od Gradonačelnika Grada Tuzla, da na adekvatan način izvijesti Gradsko vijeće i javnost o novim postavljnjima i kontaktima u gradskim službama za upravu, stručnim i drugim službama, kako bi građani znali kome se mogu obratiti u svakom momentu. Zahvaljujem.

ALEKSANDAR VUJADINOVIĆ

U redu. Hvala.

Sada stavljam na izjašnjavanje zaključke koje je pročitao sekretar organa državne službe i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Traži se od Gradonačelnika Grada Tuzla, da prilikom primjene Pravilnika o unutrašnjoj organizaciji gradskih organa uprave i stručnih službi Grada Tuzla, vodi računa da eventualne kadrovske izmjene na pojedinim pozicijama unutar gradskih službi za upravu, stručnih i drugim službi ne utiču na realizaciju poslova i zadataka unutar gradskih službi za upravu, stručnih i drugih službi.

2. Očekuje se od Gradonačelnika Grada Tuzla, da na adekvatan način izvijesti Gradsko vijeće Tuzla i javnost o novim postavljnjima i kontaktima u gradskim službama za upravu, stručnim i drugim službama, kako bi građani znali kome se mogu obratiti u svakom momentu.

Poslovničak je li tako intervencija. Miralem Softić. Izvolte.

MIRALEM SOFTIĆ – (vijećnik Stranke demokratske akcije)

Hvala predsjedavajući. Evo ja bi želio sve da vas pozdravim. A zatražio sam ovu poslovničku intervenciju kako bi upoznao prije svega vas, Gradsko vijeće i stručne službe, da od danas djelujem kao samostalni vijećnik.

ALEKSANDAR VUJADINOVIĆ

U redu. Hvala lijepo. OK. Evo ja ću zamoliti zamjenika predsjedavajućeg da nastavi sa vođenjem sjednice.

MIREL MIŠKOVIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Eh zahvaljujem.

Prelazimo na petu tačku dnevnog reda:

ODLUKA O IZMJENAMA I DOPUNAMA ODLUKE O KRITERIJIMA I USLOVIMA UTVRĐIVANJA NOVČANE NAKNADE KOJU PLAĆAJU NOVI KORISNICI TOPLOTNE ENERGIJE ZA ANGAŽOVANJE KAPACITETA SISTEMA DALJINSKOG ZAGRIJAVANJA ILI ZA POVEĆANJE ANGAŽOVANOSTI KAPACITETA GRIJANJA

Obavještavam vijećnike da je u vezi ove tačke dnevnog reda predlagatelj Gradonačelnik Grada Tuzla. Obrađivač su Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalna pitanja i pitanja mjesnih zajednica, te klubovi vijećnica, vijećnika.

Pitam prisutne, da li ima potrebe da predlagatelj ili obrađivač materijala daju uvodno izlaganje? Ako nema, pitam da li ima potrebe da se pročitaju izvještaji komisija? Ako nema, otvaram raspravu klubova vijećnika.

Za riječ se javio Mirnes Ajanović, Klub vijećnika BOSS-a.

MIRNES AJANOVIĆ

Hvala zamjeniče predsjedavajućeg koji ste u funkciji predsjedavajućeg. Ovo je dobra odluka. Na vrijeme se dakle ide sa primjenom za narednu sezonu, odnosno realizaciju priključenja mjesnih zajednica Šićki Brod, Bukinje i Husino na sistem daljinskog zagrijavanja. Kod njih je to već, ne može se zvati daljinsko nego direktno je uz Termoelektranu.

I ovo je, treba radi javnosti samo da se zna, odluka koja mijenja Odluku koja je bila prije nego što je donesen Zakon o Gradu Tuzla. Mi ovdje imamo situaciju da je tom Odlukom definisano plaćanje angažovanog kapaciteta grijanja svim korisnicima individualnih stambenih objekata i evo sada mi dakle vršimo izuzetak izuzev individualnih kolektivnih stambenih objekata na području mjesnih zajednica Šićki Brod, Bukinje i Husino, te evo radi na znanje javnosti realizacija onoga što smo mi uradili kao Gradsko vijeće u okviru obaveze ispunjenje uslova prema ove tri mjesne zajednice koje su direktno ugrožene radom Termoelektrane Tuzla, imaju taj takozvani specijalni status, realizacija toga ide dalje na zadovoljstvo svih nas i vjerovatno građana koji će imati priliku da čuju to kada i ukoliko budu gledali sjednicu Gradskog vijeća u reemitovanju. Hvala. Toliko.

MIREL MIŠKOVIĆ

Zahvaljujem. Ima li još neko ispred klubova vijećnika? Ako nema, zatvaram raspravu klubova vijećnika. Otvaram raspravu vijećnika. Javlja li se neko za riječ? Ako se ne javlja, zatvaram raspravu vijećnika.

I sada stavljam na izjašnjavanje odluku o izmjenama i dopunama Odluke o kriterijima i uslovima utvrđivanja novčane naknade koju plaćaju novi korisnici toplotne energije za angažovanje kapaciteta sistema daljinskog zagrijavanja ili za povećanje angažovanosti kapaciteta grijanja i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

22 vijećnika su glasala za, niko nije bio protiv ni suzdržan, te konstatujem da je ODLUKA O IZMJENAMA I DOPUNAMA ODLUKE O KRITERIJIMA I USLOVIMA UTVRĐIVANJA NOVČANE NAKNADE KOJU PLAĆAJU NOVI KORISNICI TOPLOTNE ENERGIJE ZA ANGAŽOVANJE KAPACITETA SISTEMA DALJINSKOG ZAGRIJAVANJA ILI ZA POVEĆANJE ANGAŽOVANOSTI KAPACITETA GRIJANJA, jednoglasno usvojena.

Da li je bilo samo? Pošto nije bilo nikakvih zaključaka, prelazimo na šestu tačku dnevnog reda.

Prelazimo na šestu tačku dnevnog reda:

ODLUKA O IZMJENAMA I DOPUNAMA ODLUKE O KOMUNALNOM REDU

Predlagač je Gradonačelnik Grada Tuzla. Obradivač je Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za komunalna pitanja i pitanja mjesnih zajednica i klubovi vijećnika.

Da li ima potrebe da se predlagač ili obradivač materijala daju uvodno izlaganje? Ako nema, da li ima potrebe da se pročitaju izvještaji komisija? Ne.

Otvaram raspravu klubova vijećnika. Za riječ se javio Mirnes Ajanović. Izvolte.

MIRNES AJANOVIĆ

Hvala predsjedavajući. Ovo je dobra odluka, iz razloga što je evidentno do sada bilo na terenu raznih zloupotreba javne površine. U odluci se definiše postavljanje reklamnih objekata, jumbo plakata, city light i sličnih drugih dakle objekata, koji imaju status objekta, na javnim površinama, izvođenje radova, bilo kakvih sadržaja, predmeta ili slično, mi ovdje sada to definišemo na način da je to u ovoj odluci vrlo konkretno i jasno definisano na, da bi izbjegli i utuženja, dakle sudske postupke koji traju više godina, sa druge strane kako se navodi umanjila bi se neravnopravnost prema svima onima koji postupaju savjesno i ispunjavaju svoje obaveze, odnosno uredno plaćaju sve što je potrebno Gradu Tuzla prilikom zauzimanja javnih površina.

Međutim, u ovoj odluci fali vrlo bitan segment. Mi smo to raspravljali nekoliko puta na Gradskom vijeću i upozoravali smo na preveliku noćnu, ne mogu reći ni osvjetljenost, preosvjetljenost ovih raznih reklamnih objekata.

Kao što je recimo bilo na raskrsnici kod Tuzlanke, gdje vozači koji su vozili gotovo da su bili zaslijepljeni tim jakim svjetlom i moglo se desiti da dođe i do tih vrlo teških posljedica, saobraćajnih udesa ili slično.

Evo recimo na raskrsnici kod Slane Banje imamo novu zgradu i preko puta su dva takva reklamna objekta. Jedan ima toliko jako noćno svjetlo da zgrada tokom cijelog perioda ako stojite minut ili dva na semaforu, mijenja boju. Trepereće je prejakom svjetlo.

Ja sam zabrinut, uslovno rečeno, iako nisam tu nit ću biti, ali za sudbinu tih građana koji će živjeti preko puta tog reklamnog objekta. Oni će ili dobiti razne ispade zbog tog stalnog treperenja i raznih tih svjetlosnih efekata, dakle zdravstvene ispade.

Pokazalo se da takvi efekti mogu dovesti do raznih oboljenja mlađih osoba, pogotovo do konvulzija, do epilepsije, gdje imate upozorenje na video igrama ili raznim filmovima ili eventualno spotovima. U mnogim zemljama su zabranjeni da se emitiraju takvi video spotovi ili slični materijali koji mogu izazvati takve konvulzije, epilepsije ili slično. Mi ovdje možemo imati tu vrstu problema.

I treba ovom odlukom, evo sada je kasno, dakle zaključak Gradskog vijeća, da se što prije definiše jasno u ovoj odluci koliko osvjetljenje u noćnim satima trebaju da imaju ti reklamni objekti.

Potpuno je normalno da tokom dana ono, ono, to osvjetljenje mora biti maksimalno jer se ne vidi. Ali mora postojati mehanizam koji može biti i automatski. To je sasvim normalno kao što na vozilima imate automatsko paljenje svjetala ili automatsko paljenje reklamnih tabli noću a preko dana ne rade, da se dakle svjetlost tih objekata u noćnim satima smanji. Čim dođe do sumraka svjetlost mora automatski biti prilagođavana noćnim uvjetima.

Da ne dođemo u stanje da ljudi niti sa roletnama ne mogu se zaštititi od tog bljeskanja raznih reklama i svega i svačega što rade tokom cijele noći. Dakle ovo se mora uraditi radi zaštite zdravlja građana, radi bezbjednosti u saobraćaju, gdje su ta osvjtljenja u noćnim satima zaista prevelika.

To ne dostaje u odluci i zatražio bih da što prije idemo u izmjenju ove odluke da i taj segment regulišemo na način da inspekcija u slučaju da ne poštuje se odluka koja će trebati biti donesena može poduzeti i potrebne sankcije mjere kako bi zaštitili i zdravlje građana a i bezbjednost učesnika u saobraćaju jer se svi ti reklamni panoi nalaze direktno pored ili saobraćajnica a već sada na samo možda pet ili deset metara udaljene su od stambenih objekata gdje ljudi imaju noćne more evidentno bukvalno niti mogu spavati zbog takvih svjetlosnih efekata. Eto toliko. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika? Rejhana Dervišević, Klub vijećnika SDP.

REJHANA DERVIŠEVIĆ

Hvala još jednom. Dakle ja takođe želim reći u ime vijećnica i vijećnika Kluba SDP-a, da je donošenjem, odnosno da je prijedlogom ove odluke da, kojim se prepisuje način postavljanja pojedinih tipova različitih reklamnih objekata, ono što je vrlo važno stvorit će se pravni osnov za postavljanje, za, pravni osnov za postavljanje reklamnih sadržaja na objekte koji se nalaze u dakle u vlasništvu našeg Grada.

Na taj način ono što je takođe bitno iz svega toga je, da će se stvaranje takvog pravnog osnova stvoriti uslovi za efikasniju naplatu javnih prihoda po ovom osnovu, dakle postavljanje ovih različitih reklamnih objekata, a imajući u vidu da će se na ovaj način smanjiti i potreba za pokretanje različitih postupaka pred sudskim organima, dakle koji se odnose na naplatu nenaplaćenih potraživanja i tako dalje jer će dobivanje odobrenja za postavljanje ovakvih plakata zaista trebati ispuniti po određenim kriterijumima.

U potpunosti se takođe i slažem sa prijedlogom prethodnog diskutanta, dakle a to je da se nadle, da se u nekom, na neku narednu sjednicu dostavi prijedlog dopune, ne znam da li ove odluke ili na mjestu gdje je to potrebno, dakle u skladu sa propisima koji važe u Evropskoj uniji, takođe i zemljama regiona, gdje je jasno propisana količina osvjtljenja, način osvjtljenja, dakle i reguliranje ovog pitanja. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika? Ako nema, zatvaram raspravu klubova vijećnika. Otvaram raspravu vijećnika. Javlja li se neko za riječ? Ne. Zatvaram raspravu vijećnika.

I sada stavljam na izjašnjavanje odluku o izmjenama i dopunama Odluke o komunalnom redu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

26 vijećnika je glasalo za, niko nije bio protiv ni suzdržan, te konstatujem da je ODLUKA O IZMJENAMA I DOPUNAMA ODLUKE O KOMUNALNOM REDU, jednoglasno usvojena.

Pozivam predstavnika Stručne službe Gradskog vijeća da pročita zaključke koji su proizašli iz rasprave.

ALMIR ŠUTA

Zahvaljujem predsjedavajući.

- Gradsko vijeće Tuzla, traži da se kod donošenja nove ili naredne izmjene Odluke o komunalnom redu sistemski i na adekvatan način riješi pitanje osvjetljenja na reklamnim panoima i natpisima, a u skladu sa propisima u Evropskoj uniji i zemljama regiona.

MIREL MIŠKOVIĆ

Zahvaljujem. Sada stavljam. Dopuna zaključka. Mirnes Ajanović. Izvolte. Molim zadnjeg diskutantna. Aha. Eh. Zahvaljujem.

MIRNES AJANOVIĆ

Samo da se ovo stavi, a posebno u noćnim satima, kako bi se zaštitilo zdravlje građana, neka stoji i u cilju bezbjednosti saobraćaja. Pored tih koje se odvija, pored tih reklamnih objekata. (ALMIR ŠUTA - Posebno u noćnim satima ka cilju zaštite zdravlja građana i bezbjednosti saobraćaja.) Da. Da. Zdravlju građana. Od konvulzija i.

Stavite neka stoji. Da se zna. Da ne bude to mi nešto izmišljamo. Od konvulzija i epilepsije i bezbjednost učesnika u saobraćaju zbog smanjene vidljivosti.

Pa da neće ljudi razumijeti kad stavimo, izvinjavam se, kad bi samo zdravlje reče kakve to veze vidi Vijeće nešto lupa kakvo zdravlje. Ali niko ne razmišlja o tim konvulzijama i epilepsijama koje gotovo atakuju na malu djecu. To je vrlo opasno.

I sama ta okolnost bljeskanja i u zatvorenoj sobi sa roletnama može rezultirati vrlo pogubnim posljedicama. Hvala.

MIREL MIŠKOVIĆ

Zahvaljujem. Sada stavljam na izjašnjavanje ovako dopunjen zaključak koji je pročitao sekretar organa državne službe i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

26 vijećnika je glasalo za, niko nije bio protiv ni suzdržan, te konstatujem da je jednoglasno usvojen sljedeći zaključak:

1. Gradsko vijeće Tuzla, traži da se kod donošenja nove ili naredne izmjene Odluke o komunalnom redu sistemski i na adekvatan način riješi pitanje osvjetljenja na reklamnim panoima i natpisima, a u skladu sa propisima u Evropskoj uniji i zemljama regiona, a posebno u noćnim satima, kako bi se zaštitilo zdravlje građana (Npr. mogućih konvulzija, epilepsije itd.) i zaštite učesnika u saobraćaju.

Prelazimo na sedmu tačku dnevnog reda:

ODLUKA O PRISTUPANJU IZRADI REGULACIONOG PLANA ZBR (zona budućeg razvoja) IRAC-JUG – I FAZA U TUZLI

Predlagač je Gradonačelnik Grada Tuzla. Obrađivači su: Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo, kao i klubovi vijećnika.

Ima li potrebe da obrađivač da uvodno izlaganje? Ako nema, ima li potrebe da se pročitaju izvještaji komisija? Ako nema, otvaram raspravu klubova vijećnika. Za riječ se javio Mirnes Ajanović, Klub vijećnika BOSS.

MIRNES AJANOVIĆ

Hvala predsjedavajući. Ja bih predložio zaključak u okviru ove tačke. Mi već imamo odluku Vijeća da se vijećnicima prilikom dostavljanja regulacionog plana, nacрта ili prijedloga, sada govorimo o pristupanju, dakle da definišemo i to kao obavezu prilikom izrade i pristupanja izrade regulacionog plana, dakle Vijeće je već odlučilo da se obavezno vijećnicima, pa čak i u koloru, posebno ako ne može vijećnicima bar klubovima vijećnika, dostavi izvještaj slikovni o imovinsko-pravnom statusu tih lokacija.

Dakle da znamo šta je to državno zemljište, odnosno gradsko zemljište i šta je privatno zemljište. To nam je omogućilo da recimo možemo saznati iako smo bili zakinuti za sve informacije u samom trenutku radi nedovoljnog materijala koji nije dostavljen po svim tačkama sadržaja, recimo za Regulacioni plan Stupine, evo kasnije se saznalo da je sa državnog zemljišta, odnosno gradskog zemljišta izmještena kula E po izmjeni samog tog Regulacionog plana na privatno zemljište, a pošto je kula F prodana za dva, dva i po miliona maraka, dakle moje mišljenje, nije mišljenje nego evo činjenično evidentno stanje, jeste da je Grad Tuzla oštećen za dva i po miliona maraka.

Sada nam treba još jedan segment. Pored ovog privatnog i društvenog, odnosno državnog i gradskog vlasništva, informacija o lokacijama koje su pod restitucijom. To je potpuno nedefinisano stanje jer ne postoji zakon o restituciji i da prilikom dostavljanja dakle ovih materijala i ovog i svih ostalih regulacionih planova, izmjena ili dopuna sasvim je nebitno, pored slike, skice gdje ćemo imati jasnu informaciju o, i to u koloru naravno jer drugačije je kad se piše ono, kad se crta rasterima raznoraznim to se u crno-bijelom ne vidi, gdje će bar klubovima, a što da ne nek se dostavi svim vijećnicima, nije to ništa puno 31 vijećnik, u koloru ta skica imovinsko-pravnog statusa koje treba da uključuje ukoliko naravno službe ili služba raspolaže sa tim informacijama i informacije o restituciji.

Jer tu još uvijek ne može se ništa graditi. Moramo radi obzira prema ljudima koji namjeravaju ulagati svoja sredstva, uvijek se radi o milionskim sredstvima. Evo recimo samo se za zemljište da dva i po miliona, koliko još treba dati za recimo jednu kulu od dvadesetak spratova ili desetak spratova zgradu, sasvim nebitno, radi se o milionskim iznosima, moraju biti upoznati investitori i o stanju i statusu tog zemljišta.

Jer ako mi ljude prevarimo i neko uđe u situaciju da nekome plaća nešto pod pričom da je to njegovo vlasništvo, njegovi su imali nekad, njegovi ili ko je već nije važno ko je imao to u posjedu, pa on obećava sve će to biti riješeno, ti ljudi će kasnije odustati od investiranja u zemljišta koja su potpuno legalna i legitimna i moguća za gradnju.

Mi u ovoj situaciji kada imamo zemljište pod restitucijom ne možemo dati odobrenje nit bi Grad dao odobrenje, građevinsku dakle dozvolu za građenje na takvom zemljištu bez dostavljanja

jasnog dokaza o vlasništvu nad tim prostorom, dakle bilo da se radi o državnom ili privatnom, ali kada mi kao vijećnici imamo to u sastavnom dijelu materijala i neko ko je zainteresovan kada čita materijal i gleda te slike i razmišlja da li bi bilo dobro postaviti tu zgradu ili ne, mora znati da slika koja se pravi zgrade ili objekta ili bilo čega, nema veze kakve namjene koja će biti za svrhe u tom regulacionom planu, da građani znaju da na tom zemljištu to u tom trenutku nije moguće graditi, ali da će biti moguće graditi ukoliko se donese zakon o restituciji, što i to omogućava svim investitorima da ili mogu pratiti i donošenje eventualnog zakona ili svoja sredstva usmjeriti tamo gdje mogu odmah dobiti građevinsku dozvolu, odnosno sva potrebna odobrenja, odnosno kupiti zemljište koje će rezultirati gradnjom objekta za koji su uložili i žele uložiti i zaraditi na kraju sredstva onako kako smatraju da trebaju posloovati. Hvala.

MIREL MIŠKOVIĆ

Zahvaljujem. Ispred Kluba vijećnika SDP-a Alen Kapidžić.

ALEN KAPIDŽIĆ

Pa mi smo o ovom što je, što je kolega Ajanović rekao već razgovarali i na Klubu. Na Kolegiju. Znači ali ovo je samo pod uslovom je li da Služba ima ove informacije. Ako sam dobro shvatio kolegu Ajanovića. Je li tako?

Znači samo pod uslovim da ovo ne predstavlja onda ograničavajući faktor da nema recimo ovih informacija da mi možemo onda. Eto to je to. Hvala.

MIREL MIŠKOVIĆ

Jasno. Jasno. Javlja li se još neko ispred klubova vijećnika? Elvir Kasumović, Klub vijećnika SBB-a.

ELVIR KASUMOVIĆ

U, na fotografiji koja je nama dostavljena ovdje, vidi se da ova površina obuhvata jednim dijelom i raskrsnicu kod Livinice.

Moram reći da je to sad najbolnija tačka raskrsnica kada, da kažem najbolnija tačka u Gradu Tuzla.

Navest ću jedan primjer da nekoliko naselja da bi ste došli svojoj kući možete samo pristupiti putem ove raskrsnice. I nikako drugo. Radi se o naseljima Crvene Njive, Mosnik, Mejdan, pa jednim dijelom i Brdo. Znači radi se o četiri naselja. A samo jedan prilazni put, izlaznih ima više, ali ako želite skrenuti iz naselja lijevo onda je to opet jedan jedini način.

Raskrsnica je samim tim opterećena. I preopterećena. Uzimajući u obzir da smo skoro donijeli isto ovako Odluku o pristupanju izradi Regulacionog plana u naselju Mosnik i evo sada ovog reg. Neko me blokirao.

Imajući u vidu da smo donijeli znači Odluku na prošloj sjednici o izgradnji novog naselja na području Mjesne zajednice Mosnik, što će još dodatno opteretiti ulazak-izlazak sa ove raskrsnice, imajući u vidu da sada donosimo odluku o izradi regulacionog plana zone budućeg razvoja Irac-Jug, moram da izrazim negodovanje u ime svih građana na području ove četiri mjesne zajednice, da mi

jednostavno ne možemo više tolerisati da se na ovaj način pristupa izradi regulacionog plana a da se ne rješavaju saobraćajne gužve.

U slučaju izlaska iz ovih naselja, potrebno vam je ponekad deset do petnaest minuta da dođete, da izađete samo na, na glavnu saobraćajnicu.

Napomenut ću da je u prošlom mandatu gradska uprava samoinicijativno blokirala jedan pristup. Tačnije kod lokacije bivše direkcije PTK-a, odnosno Šaćirovog mosta, samoinicijativno blokirala južnu magistralu i neovlašteno zatvorila iako nije nadležna za rad na južnoj magistrali, zato je nadležna Direkcija, mislim Kantonalna direkcija za puteve, samoinicijativno su zatvorili prilaz mještanima ovih naselja i dodatno se opterećuju sa prostornim planovima.

Ništa nemamo protiv toga da dobivamo nove sugrađane i pogotovo sugrađane na području naših mjesnih zajednica, ali nam regulišite raskrsnicu pod hitno.

I tražim, da u sklopu ove tačke uđe i zaključak, da se što hitnije pristupi izradi i regu, i, i, izradi plana za regulisanje saobraćaja na, na lokalitetu raskrsnice kod Livnice. Da se što prije znači izreguliše to.

Da li će se riješiti na način semafora ili kružnog toka to neka struka uzme u svoje ruke, ali želim da izrazim negodovanje jer vjerujte da svakim danom nezadovoljstvo građana ovih mjesnih zajednica se povećava po pitanju ovog.

Ukoliko nedobog neko i nekoga od ukućana ili ne znam želi da odveze u Hitnu pomoć i ovo, ono ne znaju ljudi da se radi o prioritetu, dovest ćemo u pitanje živote ljudi. Ne možete pristupiti saobraćajnici, ne možete pristupiti ni Hitnoj da idete u Dom zdravlja, ne znam UKC i tako dalje.

Krajnje je vrijeme da gradske vlasti ozbiljno shvate probleme ovih naselja i ove raskrsnice. Nadam se da će se nakon ovog izlaganja i ranijih inicijativa koje su podnesene na ovom Vijeću pristupiti što hitnije ovaj realizaciji ovoga. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika. Nedžad Jusić, nezavisni vijećnik ispred nacionalnih manjina.

NEDŽAD JUSIĆ

Hvala. Klub vijećnika nacionalnih manjina. (MIREL MIŠKOVIĆ - Klub vijećnika.) Samo sam se stjeo nadovezati ovo kolega Elvir što je rekao. Takođe podržavam ovu inicijativu, da još jednom pokušamo iznaći mogućnost i rješenje za raskrsnicu kod Livnice, kao što je kolega rekao.

Mislim da smo na nekoj od prošlih sjednica usvojili Inicijativu i da je to otišlo Službi za komunalne poslove i sad ne znamo dokle je sve to stiglo, ali ne bi bilo loše da ponovo još jednom uputimo inicijativu i normalno sve što je u nadležnosti i na kraju krajeva ukoliko je moguće Služba za komunalne poslove da pristupi izradi tog rješenja da to i uradi, pa ćemo vidjeti u narednom periodu ukoliko i ne može Služba, ukoliko nije u nadležnosti Službe za komunalne poslove uputiti ispred Vijeća i drugim nivoima vlasti, odnosno ministarstvima koji mogu dati saglasnost da se tu reguliše ta raskrsnica. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika? Ako nema, zaključujem raspravu klubova vijećnika. Otvaram raspravu vijećnika. Za riječ se javio Mirza Tupajić, SDA.

MIRZA TUPAJIĆ – vijećnik Stranke demokratske akcije

Pošto danas se prvi put javljam za riječ, prije svega srdačno bi sve poselamio i pozdravio sve prisutne.

Pa ja ću se nadovezat na ovaj hronični problem koji ima Grad Tuzla vezano za raskrnicu kod Livnice, koja je odnijela mnogo života u toku saobraćajnih nesreća koje su se desile prethodnih godina i mnogi su tu u tim saobraćajnim nesrećama i teško povređeni. Znači to je jedan ogroman problem.

Inicijativa je dva puta usvojena u ovom Gradskom vijeću. Isto tako ista ova Inicijativa je usvojena na, u Federalnom parlamentu. Ja bi samo zamolio, znači podržavam prethodne govornike, znači da se apeluje ponovo onim i znači gradskoj upravi, a i Federalnoj direkciji cesta da se napokon počne, znači svi su elementi ispunjeni za realizaciju i da se pronađu dostatna sredstva za finansiranje znači ovog projekta i da se naravno procijeni da li je to najbolje semafor, a ja mislim da je najbolje možda kružni tok i da se napokon riješi ovaj ogroman problem koji, ovaj ogromni problem naših saobraćajnica.

Isto tako evo pristupamo znači izradi ovog regulacionog plana. Vidjet ćemo šta će to biti, kako se, šta je se to planiralo. Slažem se sa kolegom Ajanovićem što je spomeno da se mi kao vijećnici moramo dobiti te sve potrebne informacije o vlasništvu parcela, zemljišta i tako dalje, da bismo znali odlučiti da li ćemo prihvatiti ovaj regulacioni plan kad bude znači u formi izrade ili nećemo.

Ali moram samo napomenuti da se ne desi kao što je dole u novom naselju na Ircu, Krečanska ulica. Ima dole nekoliko znači novih zgrada, nigdje zelene površine, nigdje parka. Da se napokon malo ozbiljnije krene sa pristupanjem ovih regulacionih planova, da se planira znači dječije igralište, park i tako dalje, znači malo više zelenih površina. Ako bude se planiralo znači ovdje stambeno, stambeno naselje. Hvala.

MIREL MIŠKOVIĆ

Zahvaljujem. Za riječ se javio još i Elvir Mahmuzić, SDP.

ELVIR MAHMUZIĆ

Ma samo dopuna mom uvaženom kolegi Mirzi Tupajiću. Dakle slažemo se i mi kao Klub SDP-a da bi se trebalo pristupiti realizaciji onog, one Inicijative koju je uputio i Klub zastupnika SDP-a u Federalnom parlamentu a kad je u pitanju rješenje problema saobraćaja na upravo onoj cjelini, na raskrnicu kod Livnice.

Dakle smo da, da podržimo i ovaj zaključak. Toliko.

MIREL MIŠKOVIĆ

Zahvaljujem. Pošto nema više prijavljenih vijećnika za raspravu, zaključujem raspravu vijećnika.

I sada stavljam na izjašnjavanje odluku o pristupanju izradi regulacionog plana ZBR (zona budućeg razvoja) Irac-Jug – I faza u Tuzli i pozivam vijećnike da aktiviraju uređaje za elektronsko

glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da je ODLUKA O PRISTUPANJU IZRADI REGULACIONOG PLANA ZBR (zona budućeg razvoja) IRAC-JUG – I FAZA U TUZLI, jednoglasno usvojena.

Sada pozivam predstavnika Stručne službe Gradskog vijeća, da pročita zaključke koji su proizašli iz rasprave.

ALMIR ŠUTA

Zahvaljujem dopredsjedavajući.

1. Gradsko vijeće Tuzla traži, da se prilikom razmatranja odluka o pristupanju regulacionog plana i drugih planskih dokumenata dostavi posebna karta u koloru, na kojoj će se prikazati struktura vlasništva na zemljištu, koje je predmet obuhvata planskog dokumenta, a ukoliko resorna služba raspolaže eventualno i sa informacijama o zemljištu, koje je predmet restitucije neophodno je vijećnicima dostaviti takvu vrstu informacije.

2. Gradsko vijeće Tuzla, traži od nadležnih Federalnih organa, da na lokalitetu raskrsnice kod "Livnice" na adekvatan način pristupi rješavanju problema saobraćaja.

Zahvaljujem.

MIREL MIŠKOVIĆ

Zahvaljujem. Sada stavljam na izjašnjavanje zaključke koje je pročitao sekretar organa državne službe i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Gradsko vijeće Tuzla traži, da se prilikom razmatranja odluka o pristupanju regulacionog plana, kao i odluka o pristupanju drugih planskih dokumenata dostavi posebna karta u koloru, na kojoj će se prikazati struktura vlasništva na zemljištu, koje je predmet obuhvata planskog dokumenta, a ukoliko resorna služba raspolaže eventualno sa informacijama o zemljištu, koje je predmet restitucije neophodno je vijećnicima i dostaviti takvu vrstu informacije.

2. Gradsko vijeće Tuzla, traži od nadležnih Federalnih organa, da na lokalitetu raskrsnice kod "Livnice" na adekvatan način pristupi rješavanju problema saobraćaja.

Prelazimo na osmu tačku dnevnog reda:

ODLUKA O IZMJENAMA I DOPUNAMA ODLUKE O OSNIVANJU GRADSKOG PRAVOBRANILAŠTVA TUZLA

Predlagač je Gradonačelnik Grada Tuzla. Obradivač je Gradsko pravobranilaštvo Grada Tuzla. Materijal su razmatrali: Komisija za statutarna pitanja i propise i klubovi vijećnika.

Pitam prisutne, da li ima potrebe da predlagač ili obradivač daju uvodno izlaganje? Ako nema, pitam da li ima potrebe da se pročitaju izvještaji komisija?

Ako nema, otvaram raspravu klubova vijećnika. Javlja li se neko za riječ? Ne javlja. Zatvaram raspravu klubova vijećnika. Otvaram raspravu vijećnika. Ako se niko ne javlja, zatvaram i raspravu vijećnika.

I sada stavljam na izjašnjavanje odluku o izmjenama i dopunama Odluke o osnivanju Gradskog pravobranilaštva Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da je ODLUKA O IZMJENAMA I DOPUNAMA ODLUKE O OSNIVANJU GRADSKOG PRAVOBRANILAŠTVA TUZLA, jednoglasno usvojena.

Prelazimo na devetu tačku dnevnog reda:

a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA (SA TEKSTOM JAVNOG OGLASA)

b) ODLUKA O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

c) RJEŠENJE O IMENOVANJU KOMISIJE ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

Predlagač je Gradonačelnik Grada Tuzla. Obrađivač je Služba za ekonomski razvoj i društvene djelatnosti.

A materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, kao i klubovi vijećnika.

Ima li potrebe da predlagač ili obrađivač daju uvodno izlaganje? Ako nema, pitam da li ima potrebe da se pročitaju izvještaji komisija?

Ako nema ni to, otvaram raspravu klubova vijećnika. Javlja li se neko za riječ? Niko. Zatvaram raspravu klubova vijećnika. Otvaram raspravu vijećnika. Javlja li se neko za riječ? Ako se ne javlja, zatvaram i raspravu vijećnika.

I sada stavljam na izjašnjavanje:

a) odluka o raspisivanju javnog oglasa za izbor i imenovanje člana Upravnog odbora Javne ustanove Centar za socijalni rad Tuzla, čiji je osnivač Grad Tuzla (Sa tekstom javnog oglasa.)

b) odluku o utvrđivanju posebnih uslova i kriterija za izbor i imenovanje člana Upravnog odbora Javne ustanove Centar za socijalni rad Tuzla, čiji je osnivač Grad Tuzla

c) rješenje o imenovanju komisije za izbor člana Upravnog odbora Javne ustanove Centar za socijalni rad Tuzla, čiji je osnivač Grad Tuzla

i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

26 vijećnika je glasalo za, niko nije bio protiv ni suzdržan, te konstatujem da su jednoglasno usvojene sljedeće odluke i Rješenje:

a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA (SA TEKSTOM JAVNOG OGLASA)

b) ODLUKA O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

c) RJEŠENJE O IMENOVANJU KOMISIJE ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA, ČIJI JE OSNIVAČ GRAD TUZLA

Prelazimo na desetu tačku dnevnog reda:

ODLUKA O IZMJENAMA I DOPUNAMA ODLUKE O OSNIVANJU JAVNOG PREDUZEĆA VETERINARSKA STANICA TUZLA

Predlagač je Gradonačelnik Grada Tuzla. Obrađivači su: Služba za ekonomski razvoj i društvene djelatnosti i Javno preduzeće Veterinarska stanica Tuzla.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, te klubovi vijećnika.

Pitam prisutne, da li ima potrebe za uvodnim izlaganjem predlagača i obrađivača materijala?

Ako nema, pitam da li ima potrebe da se pročitaju izvještaji komisija? Ako nema, otvaram raspravu klubova vijećnika. Za riječ se javila Merima Softić Sprečić, ispred Kluba SDP-a.

MERIMA SOFTIĆ SPREČIĆ

Evo ovako. Znači mi zasigurno možemo biti posnosni na rad i aktivnosti koje obavlja ova naša reprezentativna Ustanova, za koju sa sigurnošću možemo reći da je lider bosanskohercegovačkog veterinarstva.

Pa evo ovom odlukom koju danas imamo na dnevnom redu će se sada već Javno preduzeće Gradska veterinarska stanica d.o.o. Tuzla još više objasniti i na neki način približiti značaj i senzibilnost ustanove, a razlog za donošenje ove iste je usklađivanje osnivačkog akta Preduzeća sa novim zakonskim i podzakonskim aktima, kao i izmjene i dopune Zakona koji regulišu samo osnivanje i rad i djelatnost ovog Javnog preduzeća.

Pa evo shodno ovom navedenom i Klub Socijaldemokratske partije će podržati i glasati za ovu odluku.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Ako nema, zatvaram raspravu klubova vijećnika. Otvaram raspravu vijećnika. Javlja li se neko za riječ? Ako ne, zatvaram raspravu vijećnika.

I sada stavljam na izjašnjavanje odluku o izmjenama i dopunama Odluke o osnivanju Javnog preduzeća Veterinarska stanica Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da je ODLUKA O IZMJENAMA I DOPUNAMA ODLUKE O OSNIVANJU JAVNOG PREDUZEĆA VETERINARSKA STANICA TUZLA, jednoglasno usvojena.

Pitam predstavnika Stručne službe Gradskog vijeća, da li je bilo zaključaka? Nije. Pošto nije bilo zaključaka proizašlih iz rasprave, prelazimo na jedanaestu tačku dnevnog reda.

Prelazimo na jedanaestu tačku dnevnog reda:

IZVJEŠTAJ O RADU JAVNIH USTANOVA ČIJI JE OSNIVAČ GRAD TUZLA ZA 2017. GODINU:

- a) JZNU Dom zdravlja „Dr. Mustafa Šehović” Tuzla**
- b) JU Dom mladih Tuzla**
- c) JU Međunarodna galerija portreta Tuzla**
- d) JU Centar za kulturu Tuzla**

Predlagači su upravni odbori javnih ustanova. Obrađivači su direktori javnih ustanova.

Materijal su razmatrali: Komisija za ekonomske odnose, Komisija za poduzetništvo, Komisija za mlade, obrazovanje i sport, kao i klubovi vijećnika.

Pitam prisutne, da li ima potrebe da predlagač ili obrađivač daju uvodno izlaganje? Ako nema, pitam da li ima potrebe da se pročitaju izvještaji komisija? Ako nema, otvaram raspravu klubova vijećnika. Znači za riječ se prvi javili Klub vijećnika SDP. Prva se javila Nataša Perić. Izvolte.

NATAŠA PERIĆ

Ovako. Ja ću ispred Kluba vijećnika i vijećnica SDP-a se fokusirat na ustanove, ove tri ustanove kulture.

Što se tiče izvještaja o radu javnih ustanova Dom mladih Tuzla i Međunarodne galerije portreta koje su do 24. oktobra djelovale kao zasebne ustanove a nakon toga postale organizacione jedinice novoformirane Javne ustanove Centar za kulturu, evidentno je da su obje ustanove imale bogat programski sadržaj u sklopu svoje djelatnosti kao samostalne, a zatim nastavile u sklopu, sa svojim aktivnostima u sklopu Centra za kulturu.

U okviru svojih aktivnosti Dom mladih je kako možemo vidjeti u tabeli imao 36 programskih aktivnosti. Između ostalih radi se o različitim, različitom kulturno-umjetničkom sadržaju, gostovanjima drugih kulturnih organizacija, promocijama, radionicama, književnim tribinama, drugim riječima promocije kulture i javnog života Grada Tuzle.

Iako se Dom mladih susretao sa brojnim problemima a koji se odnose na njegove organizacione jedinice koje je on nadležan a tiču se infrastrukture, ova organ, sve organizacione jedinice koje su djelovale u okviru Doma mladih su radile uspješno i obavljale svoje aktivnosti.

Vidjeli smo danas prilikom usvajanja rebalansa Budžeta da su planirana i sredstva za uposlenje dvije radnice koje su imale problem još od hiljadudevetsto čini mi se druge godine i taj problem će sad biti riješen usvajanjem rebalansa.

Kad je u pitanju Međunarodna galerija portreta, radi se dakle o sedamdeset projekata, što, iz čega možemo zaključiti da je i ova Ustanova kulture imala bogat programski sadržaj koji je detaljno naveden u tabeli, od kojih možemo izdvojat da je međunarodna, izdvojit da je Međunarodna galerija

portreta gostovala u drugim državama sa svojim u hrv, mislim na Republiku Hrvatsku, gdje je u Rijeci predstavila jedan dio Titovih portreta iz fundusa Međunarodne galerije portreta. Dakle radi se od 86 djela istaknutih umjetnika.

Zatim ova Ustanova je i ugostila 50 umjetničkih djela bugarskih umjetnika, pod naziv, ugostila izložbu pod nazivom Savremena Bugarska umjetnost. Međunarodna galerija portreta je i osnivač Festivala ArTz, takođe je imala veliki broj aktivnosti prilikom održavanja ove značajne manifestacije, a posebno treba istaći da je u septembru Međunarodna galerija portreta održala promociju monografije i otvorila izložbu posvećenu prvoj bosanskohercegovačkoj slikarki Adeli Ber koja je živjela i radila u Tuzli i dala veliki doprinos u razvoju umjetnosti u našem gradu.

Galerija je bila i domaćin Cum Grano Salisa gdje su se vršile različite promocije knjiga. Zatim je ugostila izložbu Collegiuma Artisticum 2017.

I evo da dođem, kad je u pitanju Centar za kulturu koji je počeo zvanično sa radom 25. oktobra pa evo sve do 31. 12. 2017., treba istaći da je u ovom periodu jedna od najznačajnijih manifestacija bila posvećena 110 godina od rođenja jednog od najvećih akademskih slikara Bosne i Hercegovine Ismeta Mujezinovića. I u tri dana koliko je trajala manifestacija bila je predstavljena izložba njegovih djela, zatim dokumentarni film koji je govorio o njegovom životu, a otvorena je spomen soba u Ateljeu Ismet Mujezinović koja je mnogo bila posjećena ne samo prošle, krajem prošle godine već evo i ove godine.

Što se tiče ostalih aktivnosti koje je Centar za kulturu radio, obzirom da je naslijedio probleme koji su, koji se vežu za organizacione jedinice Doma mladih na nekoliko lokacija, oni su uspjeli da riješe problem grijanja u Gornjoj Tuzli, na Husini i Lipnici, dok rade na problemu rješavanja grijanja u Međunarodnoj galeriji portreta i Ateljeu Ismet Mujezinović.

I u eto tom, iz svega navedenog, Klub vijećnika i vijećnica SDP BiH će svakako podržati ovaj izvještaj. Hvala.

MIREL MIŠKOVIĆ

Zahvaljujem. Emir Hodžić. Pa on je još ispred Kluba SDP-a. Ovo četvrto Preduzeće ja mislim da komentariše. Poslovnička intervencija Mirza Tupajić.

MIRZA TUPAJIĆ

Ja bi samo zamolio predstavnike ovih javnih preduzeća da samo gore mi smo predvidili mjesta za direktore i za obrađivače materijala, (MIREL MIŠKOVIĆ – Ništa. Evo.) da samo znamo kome se obraćamo, ko je, (MIREL MIŠKOVIĆ – Pozivam ih. Dobro.) ko je tu, da li ima direktor, zamjenik i tako dalje. Da znamo kome pričamo.

MIREL MIŠKOVIĆ

Zahvaljujem. Pozivam predstavnike firmi i preduzeća, javnih ustanova, da. Evo ovdje. Izvolte. Imate. Dobar dan. Zahvaljujem. Riječ ima vijećnik Emir Hodžić, ispred Kluba SDP-a. Izvolte.

EMIR HODŽIĆ – vijećnik Socijaldemokratske partije

Hvala i pozdravljam sve prisutne. Ja bi samo nešto kratko rekao vezano o izvještaju Doma

zdravlja.

Naime vijećnici i vijećnice Kluba SDP-a će u cijelosti podržati ovaj izvještaj, jer je isti metodološki korektan, detaljan, transparentan i na kraju finansijski pozitivan. Toliko.

MIREL MIŠKOVIĆ

Zahvaljujem. Drugi za riječ su se javili Klub vijećnika SBB-a. Riječ ima Lejla Osmančević ispred Kluba. Izvolte.

LEJLA OSMANČEVIĆ

I ja ću kratko. Što se tiče izvještaja o radu i poslovanja Javne zdravstvene ustanove Dom zdravlja Tuzla nekako se očekuje od nas ljekara da, da prokomentarišemo i damo svoj doprinos u diskusiji.

Takođe mislim da je metodološki ovaj njihov izvještaj predvidivo dobro stručno urađen, jasno, koncizno. Tu su grafikoni i more podataka koji i nemedicinskom, nemedicinski obrazovanim ljudima vrlo jasno daje uvid o radu ove Ustanove.

Ja ću i kao što sam prošle godine rekla, naglasiti da je Dom zdravlja Tuzla na području Tuzlanskog kantona najveći Dom zdravlja i po kapacitetu prostornom i po broju pregleda. Napomenut ću da je s obzirom na ukupan broj ljekara od 189 i 360 medicinskih sestara i tehničara, oni su imali u prošloj godini preko tri i po miliona, miliona pregleda, što je za svaku pohvalu.

Spomenut ću s obzirom da nije kolega Emir Hodžić to rekao a eto i obrađivači nisu ništa spominjali radi javnosti, bi spomenula da je realizovano nekoliko važnih projekata. To je Program prevencije karcinoma dojke i grlića materice u žena. Uveden je i ono što je pohvalno od strane SBB-a spomenuti, uvedeno od strane Minsitarstva zdravstva TK-a u 2016. godini i Pilot program Porodične medicine privatna praksa.

Za mene kao pedijatra je posebno značajno, opet radi javnosti spomenuti, je izmjena radnog vremena. A prema Pravilniku o radnom vremenu u kome su naravno poštovali potrebe stanovništva ali i racionalno korištenje kadra, prostora i opreme.

Pa ću napomenuti da u drugoj smjeni radi i Dispanzer školske i predškolske medicine, naravno Služba hitne medicinske pomoći 24 sata i ono što je meni iz moje prakse bilo neki dan jako, jako važno i koristilo mi, a to je da Služba, Stomatološka služba radi, radi u drugoj smjeni do 19 sati, pa čak i vikendima, vikendima i praznikom.

Jedina moja sugestija naravno, a planirala sam to nekada i kroz vijećničko pitanje ili inicijativu provući, pored tih dobrih stvari pohvalnih imam sugestiju. Ona je vezana za prostor i broj zdravstvenih timova Porodične medicine na području gradskog jezgra grada, tačnije Mjesna zajednica Sjenjak, u kojoj gravitira oko 11.000 stanovnika a u ambulanti Sjenjak imamo samo dvije ordinacije i četiri, četiri tima. Za razliku od Mikrostanice u kojoj je taj odnos puno veći.

Međutim, pretpostavljam da, da je opravdanje za ovakav odnos vezan brojem opredijeljenog stanovništva da zdravstvenu zaštitu ostvaruje kod, kod izabranog ljekara. Eto toliko. Hvala vam.

MIREL MIŠKOVIĆ

Zahvaljujem. Ima li još neko ispred Kluba SBB-a? Nema. OK. Klub vijećnika SDA, vijećnik Sabahudin Imamović. Predsjednik Kluba.

SABAHUDIN IMAMOVIĆ

Što se tiče ovih izvještaja dakle imamo javne ustanove iz oblasti kulture i Javnu zdravstvenu ustanovu Dom zdravlja Mustafa Šehović Tuzla.

Što se tiče ovih javnih ustanova iz oblasti kulture poznato je da u državama koje su u tranziciji kao što je i naša da se u kulturu nedovoljno ulaže i ja se nadam da će to u budućnosti da će se to stanje popraviti.

Iako ovo nisu javne ustanove kojima je prevashodni cilj da ostvare finansijske efekte, drago mi je da postoji finansijska stabilnost ovih javnih ustanova osim Međunarodne galerije portreta ali čini mi se da su u izvještaju uspjeli objasniti da su na to uticale objektivne okolnosti.

Naročito mi je drago da je Dom zdravlja finansijski stabiliziran jer čini mi se da je u prethodnim godinama bio popriličan minus u finansijama. Tako da evo možemo konstatovati da danas, što bi moje kolege iz HDZ-a rekly, radimo u ozračju finansijske stabilnosti. I budžetske i svake druge.

Mislim da ove, da ove izvještaje treba podržati i da naravno sve nas raduje da ustanove u svakom pogledu su spremne i sposobne da, da realiziraju ono zbog čega su i osnovane. Toliko od Kluba vijećnika SDA.

MIREL MIŠKOVIĆ

Zahvaljujem. Klub vijećnika Demokratske fronte. Amela Čehajić. Izvolte.

AMELA ČEHAJIĆ

Ja samo želim da će Klub Demokratske fronte podržati sva, izvještaje sva četiri ova preduzeća. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika? Ako nema, zatvaram, zaključujem raspravu klubova vijećnika. Otvaram raspravu vijećnika. Za riječ se javio prvi Edim Kadić, samostalni vijećnik.

EDIM KADIĆ

Dobro je da nisu danas Apoteke, ostali bi dugo. Ja nisam vidio. Nisam vidio. A ne bi ni otišo. (MIREL MIŠKOVIĆ – Izvolte. Imate riječ.)

Ja ću vrlo kratko. Znači imamo izvještaj Doma zdravlja. Vrlo je dobro i odlično da nakon sedam godina da Dom zdravlja posluje pozitivno i da će radnici ako bogda dobiti regres. To je jako dobro.

Mislim da firma, odnosno Ustanova izmiruje svoje obaveze prema dobavljačima, prema državi i uposlenicima i posluje poslovno. Pozitivno.

Ono što bi ja posebno ovdje podvukao, zamolio i vas kao vijećnike, da malo probamo pomoći više ovoj Ustanovi, iz razloga što imamo dvije, tri stvari koje ne idu u prilog poslovanju Doma zdravlja.

A to je veliki odliv kadrova, kako srednjeg tako i doktora i mislim da ako se ovo nastavi da ćemo imati i problem kadrova. Znači potrebno je učiniti sve da ih zadržimo, da poboljšamo uslove, znači da povećamo plate. To je jedno.

Drugo. Da i neke preglede, ja nisam doktor, nisam specijalizant, ali imamo dosta slučajeva da otvaraju se privatne i ambulante i klinike i sigurno je to dobro za, za naše građane s jedne strane. S druge strane sve se to mora platiti ali mi moramo učiniti da pomognemo da naša, naš Dom zdravlja takođe dobije sve savremene uređaje, da ono što nema, ja ne znam ovo govorim ono, nisam, možda ja nisam u pravu ali evo ja iniciram jednu stvar pa vjerovatno menadžment Doma zdravlja to zna bolje, da li mi možemo kao Gradsko vijeće pomoći da se nabave neki neophodni uređaji da bi tamo smanjili se redovi, da bi, da bi našim građanima pružili bolju uslugu.

Znači treba više po meni izdvojiti novca iz Gradskog budžeta i mislim da ovim rebalansom trebali smo po meni, međutim sad smo ga već usvojili sad je možda, možda će biti drugi ovako ako se nastavi, da predvidimo da pomognemo s te strane Domu zdravlja.

Jer nemojte zaboraviti da zimi kad imamo velike probleme sa zrakom u Tuzli, da veliki broj naših građana se javlja za pružanje pomoći i da većim brojem usluga više se troši i raznih preparata u Domu zdravlja i svega ostalog što povećava troškove.

Tako da s te strane ja bi zamolio da jedan od zaključaka bude taj da pomognemo što je moguće više našem Domu zdravlja i ja im ovaj put, izvještaj je dobar i čestitam i na ovom rezultatu jer u toku sam, često sam i boravim tamo, da su učinili sve da troškove zaista svedu na najmanju moguću mjeru ono što je bilo do njih da.

S druge strane imaju problem sa i Granskim kolektivnim ugovorom i pregovorima i tako dalje. Tako da su uspjeli zaista ovu 2017. godinu da odrade ovako kako su i odradili.

Što se tiče Centra za kulturu. Mislim ne bi tu. Ja se slažem ovo što je rekao gospodin Sabahudin, mi uvijek kad smo u krizi štedimo na kulturi. Mislim da je dobar potez što smo formirali jednu Ustanova i da će ta Ustanova tek u ovoj godini pokazati punu opravdanost, a mislim da već pokazuje i da i s te strane trebamo činiti jedan dodatni napor da pomognemo i direktoru i toj Ustanovi. Hvala lijepo.

MIREL MIŠKOVIĆ

Zahvaljujem. Za riječ se drugi javio Elvir Bijedić, SDP. Izvolte.

ELVIR BIJEDIĆ

Zahvaljujem zamjeniče predsjedavajućeg. Pa mislim Klub vijećnika SDP-a je već razmatrao ovaj izvještaj i kolega Hodžić je sažeto i jasno rekao u suštinu stvari. Dakle izvještaj je urađen po svim vrhunskim standardima i kao takav prezentovan nama vijećnicima.

Ono na što bi se posebno osvrnuo, kolega Kadić je to u izlaganju rekao, dakle da uprkos jednom, jednoj teškoj situaciji u kojoj se našao menadžment dakle obzirom da je po Programu zdravstvene zaštite Zavod zdravstvenog osiguranja finansirao 18.227.000, Dom zdravlja se našao u jednoj situaciji u kojoj je Sindikat dakle bez pregovora sa menadžmentom Doma zdravlja a u, donijeta, dakle donijeta odluka u smislu dakle povećanja broja sati i povećanje koeficijenta satnice.

Dakle uprkos takvim poteškoćama uspio se da tako kažem izvući iz sedmogodišnje finansijske nestabilnosti dakle i po prvi put evo u zadnjih sedam godina poslovati sa dobitkom od 33.279 KM-ova sa plaćenim porezom na dobit. Dakle to govori o vještini poslovanja. I zaista od srca iskrene čestitke svim zaposlenicima na čelu sa, sa menadžmentom Doma zdravlja.

Ja bi samo ovdje iskoristio priliku. Mi smo razgovarali i na Klubu vijećnika i na Komisiji, da ukoliko može odavdje samo uputimo jedan zaključak, možda sugestija Sindikatu, dakle da u narednom periodu u pregovore, kad budu ulazili u pregovore o povećanju satnice ili bilo kakve druge, dakle da se ne zaobilazi menadžment Doma zdravlja jer praktički je to, mislim to vam je kako kad kući imate neki prihod pa onda nećemo pitati roditelje kako ćemo to potrošiti, da li uopšte ima para da se takve stvari, da se takve stvari na taj način rješavaju.

Dakle jedan zaključak u koji praktički Dom zdravlja i menadžment Doma zdravlja treba da bude nezaobilazan faktor u rješavanju tih zajedničkih stavova. Hvala lijepo.

MIREL MIŠKOVIĆ

Zahvaljujem. Iduća za riječ se javila Erna Delić, SDP.

ERNA DELIĆ

Zahvaljujem. Evo ja bih krenula sa jednim dijelom koji sam sama sebi podcrtala u ovom izvještaju. Riječ je o dijelu koji se tiče primanja pripravnika. Dakle na obavljanje pripravničkog staža u svojstvu lica na stručnom osposobljavanju bez osnivanja radnog odnosa primljeno je 68 pripravnika medicinske i nemedicinske struke, od čega su 11 pripravnika visoke stručne spreme i 57 pripravnika srednje stručne spreme.

Evo vidimo da i ova Zdravstvena-nastavna ustanova itekako da tako kažem slijedi zaključke koje su donosili, koje je donosilo ovo Vijeće, a to je da se redovno u status pripravnika, volontera primaju osobe. Evo nadamo se da će u budućnosti steći se i uslovi da ovi ljudi koji se nalaze na stručnom osposobljavanju i zasnivaju radni odnos bez da ih budemo primorani ispraćati s pasošem u rukama.

Ono još na što sam se htjela osvrnuti a tiče se ove Zdravstvene ustanove, a više se tiče naše Službe za komunalne poslove, a to je činjenica da je Klub vijećnika SDP-a u proteklom periodu podnosio dvije vrste inicijativa.

Jedan inicijativa odnosila se na ugradnju lifta na glavnu zgradu, kako bi se riješio prilaz osobama sa invaliditetom, kao i roditeljima sa malom djecom koja su u kolicima.

Druga inicijativa ticala se rješavanja pristupa Pedijatrijskoj službi Doma zdravlja. Zato sam i naglasila tiče se i ove Nastavne ustanove ali i prvenstveno i Službe za komunalne poslove.

Vjerujem da su predstavnici tu. Obzirom da sam se javila za riječ htjela sam i da podcrtam hitnost i važnost rješavanja ovog problema. Mi smo kako sam i rekla u više navrata podnosili inicijative i evo nadamo se da će u ovoj tekućoj godini obzirom da je tek otvorena građevinska sezona da se riješi i ovaj problem. Hvala.

MIREL MIŠKOVIĆ

Zahvaljujem. Riječ ima Sabiha Mujkanović, vijećnica SBB-a.

SABIHA MUJKANović - vijećnik Saveza za bolju budućnost

Pozdravljam sve prisutne. Evo što se tiče izvještaja Doma zdravlja u potpunosti sam zadovoljna i neću da ga komentarišem, ali ću se malo da osvrnem vezano za izvještaj Centra za

kulturu i Međunarodne galerije portreta Tuzla. Odnosno neće to biti nikakva diskusija nego imam neka pitanja.

S obzirom da je i Klub vijećnika SBB-a prošle godine podržao Odluku o spajanju ove dvije ustanove u Centar za kulturu, zanima me kakvu smo korist imali od spajanja ove dvije ustanove u Centar za kulturu? To je pod broj jedan.

Pod broj dva. U izvještaju Međunarodne galerije portreta Tuzla, navodi se rečenica Galerija u svom fundusu posjeduje preko četiri i po hiljade djela najpoznatiji slikara sa područja Balkana ali i svijeta i na taj način predstavlja svojevrsni muzej slikarstva.

Ne možemo u izvještaju staviti preko četiri i po hiljade djela. Znači zanima me tačan broj djela. Jer nije isto ako imamo 4.501 djelo, 4.599 djela, a znamo vrijednost umjetničkih djela. I voljela bi da se u nekom narednom periodu zašto ne svima nama dostavi spisak umjetničkih djela iz Galerije i njihova vrijednost.

I na kraju samo još jedno pitanje. Čisto iz etičkih principa. U bilansu stanja primjetila sam da je certificirani računovođa Nihad Jusufović, a direktor je Dženan Jusufović. Pa me samo zanima da li su rodbinski vezani. Eto toliko. Hvala.

MIREL MIŠKOVIĆ

Zahvaljujem. Ima li još neko ispred vijećnika da se javlja za riječ? Pošto nema, zatvaram raspravu klu. Ne, ne. Zatvaram raspravu vijećnika. Ako. Evo Mirza Tupajić. Uvažiti ćemo. Vijećnik SDA. Izvolte.

MIRZA TUPAJIĆ

Ja ću samo malo vezano za Javnu ustanovu Dom zdravlja Tuzla i spomenut ću činjenicu da je povećan priliv pacijenata za plućne bolesti u periodu od novembra, marta, znači aprila, što naravno povećava troškove medikamentata, što utiče takođe na povećane troškove poslovanja same znači Javne ustanove i možemo zaključiti da se radi, da je, možemo zaključiti da je neophodno i da su nepravedno isključeni zapravo iz finansiranja od prihoda ostvarenih od Termoelektrane znači.

Upravo u ovim mjesecima kad, znači od novembra pa evo do aprila kad je povećana koncentracija hemijskih polutanata u zraku znači povećan je i broj pacijenata koji dolaze u zdravstvenu ustanovu i da se jedan dio sredstava u budućnosti ponovo vrati znači od priliva od koji dobivamo od Termoelektrane. Toliko. Da bude u formi zaključka.

MIREL MIŠKOVIĆ

Zahvaljujem. Pozivam direktora Dženana Jusufovića, da nam odgovori na postavljena pitanja vijećnice Sabihe Mujkanović. Izvolte. Samo mikrofon uključite. Mirza možeš mikrofon samo da. Zahvaljujem.

DŽENAN JUSUFOVIĆ – direktor Javne ustanove Centar za kulturu Tuzla

Evo ga sad radi. Dobar dan. Pozdravljam sve prisutne. Što se tiče koristi od spajanja ove dvije institucije, višestruka je korist, zato što smo prije svega prelaskom Galerije na sa osnivača, suosnivača Kanton na Grad stekli su se uslovi za spajanje ove dvije institucije.

Razlog je praktične i finansijske prirode. Mi se nalazimo u jednoj zgradi. Imali smo prije dva direktora. Jedan je u Domu mladih, jedan je u Međunarodnoj galeriji portreta. Dva Upravna odbora. Mislim da s te strane se napravila jedna vrsta uštede.

Što se tiče programskih aktivnosti, Galerija je veliki broj programskih aktivnosti realizovala u proteklom periodu a sa malim brojem zaposlenika, dok smo u Domu mladih imali većih broj zaposlenika, posebno koji se odnosi na ovaj neki administrativni dio. Mi u Galeriji s obzirom da je suosnivač bio Kanton koji je bio nadležan za sistematizaciju, odnosno prijem radnih, prijem zaposlenika, nismo imali ni pravnike, ni računovođe, falili su nam ti kadrovi. Sastavljanjem ove dvije institucije dobili smo te kadrove.

Sam pokazatelj je taj da smo mi za dva mjeseca realizovali preko 70 projekata sa Centrom za kulturu. Ja sam i na komisijama isto rekao da želim da se zahvalim svim vijećnicima koji i komisijama i svim drugim koji su odlučivali i donijeli Odluku o spajanju.

Mislim da ćemo mi napraviti sigurno u ovoj godini velike rezultate i evo svi objekti koji nama pripadaju, Husino, Lipnica, Gornja Tuzla, centralne zgrade, ovdje Dom, dvorana Kaleidoskop, svi rade punim kapacitetom, realizuju se različite aktivnosti. Prije svega mislim da su građani zadovoljni po tom pitanju.

Ako ima još nešto vezano za Centar za kulturu ja. Dobro to je druga tačka. (MIREL MIŠKOVIĆ – Ništa.)

Što se tiče spiska djela, mi, to je bilo preuzeto sa naše stranice. Mi u posjedu imamo preko četiri i po i tačno je da imamo preko četiri i po hiljade djela. Sljedeći izvještaj koji se bude radio mi ćemo detaljnije navest taj broj, s tim da se kod nas i povećava broj djela iz godine u godinu i od momenta pravljenja izvještaja pa do ovog momenta mog izlaganja mi smo takođe povećali svoj fundus i to je opet dobra strana Centra za kulturu.

Nama je profesor Began Turbić poklonio određena djela. Takođe nam se javljaju i drugi umjetnici i oni su svi prepoznali rad i kvalitetan, kvalitetno čuvanje ovih umjetnina.

Ono što se tiče samog spiska koji bi se vama eventualno trebao dostaviti, mislim da nećemo biti u mogućnosti. Mi možemo vama prema našim zbirkama dostaviti broj djela koja se nalaze prema zbirkama. Ono što vama mogu svakako reći da su one dostupne za svakog vijećnika.

Vi svi možete doći i vidjeti o kojim se djelima radi, ali ipak je to da kažem javna tajna. Ne smijemo izlaziti sa tim informacijama jer je vrijednost umjetnina koje se kod nas nalaze preko 20.000.000.

Što se tiče trećeg pitanja te računovodstvene firme. Ta računovodstvena firma je obavljala poslove rada za Galeriju dok je u Galeriji bio suosnivač Kanton, odnosno Ministarstvo obrazovanja, nauke, kulture i sporta. S obzirom da mi nismo imali tada računovođu mi smo provodili te procedure, zašta je Kanton davao odobrenja i naravno sa formiranjem Centra mi nemamo više računovodstvenu firmu nego računovodstvene službe koje obrađuju, tako da. To je to.

MIREL MIŠKOVIĆ

Zahvaljujem. Nadam se da je vijećnica Sabiha Mujkanović zadovoljna odgovorima. Prije zaključivanja rasprave još dajem jednom riječ Sabahudinu Imamoviću. Izvolte. Samo malo da odblokiramo. Evo. Izvolte.

SABAHUDIN IMAMOVIĆ

S obzirom da moja kolegica nije reagovala morat ću ja reagovat. Dakle ja nisam zadovoljan

sa direktorovim odgovorom.

Ja znam da se u javnim preduzećima, ustanovama, ministarstvima svaka stolica bilježi, dakle na kraju godine imamo popis inventara, a pričati kako ne znate broj umjetničkih djela mislim da je neozbiljno.

Direktor je rekao da je vrijednost oko 20.000.000 i da je to tajna. Znači da svako djelo prosječno vrijedi 5.000 maraka a mi ne znamo kako se djelo zove, ko je autor, koji je stil, gdje stoji, gdje je obješen, gdje je.

Ja koliko znam bilo je prije nekoliko godina afera da su neka umjetnička djela prodavana po Zagrebu tamo i da se to zataškalo uspješno. I radi se o čovjeku koji je preselio na bolji svijet i ne bi sada to.

Znači mislim da je neozbiljno direktore odgovor. Na kraju krajeva to bi trebalo katalog da se izda tih djela sa kojim raspolazete. Dakle valjda se djela prave da bi ih javnost vidjela.

I ne znam sad šta da kažem. Sad mi dođe da ne glasam za ovaj izvještaj. Znači jako neozbiljan odgovor direktore. Dakle nadam se da ćete nas vrlo brzo upoznat sa preciznim brojem umjetničkih djela s kojim raspolazete. Kao dao vam neki umjetnik. Koliko? Dakle to se mora, to ima svoju ogromnu vrijednost.

Ponavljam. Stolica ima oznaku. A da nema djelo. Nemojte sad da otvaramo ovdje teme neke. Toliko.

MIREL MIŠKOVIĆ

Dobro. Zahvaljujem. Još jedno pitanje ima samostalni vijećnik Edim Kadić. Izvolte.

EDIM KADIĆ

Za direktora Doma zdravlja. Pitanje, lift za invalide. 2003. znam da je bilo pokrenuta inicijativa, evo sad je 18. Hoćemo li uskoro dobiti lift u Domu zdravlja za osobe sa invaliditetom da mogu da idu po Domu zdravlja?

MIREL MIŠKOVIĆ

Je li to to? Ako nema više, evo pozivam direktora Doma zdravlja da nam samo odgovori i da zaključimo raspravu vijećnika.

SUAD BIJEDIĆ – direktor Javne zdravstveno-nastavne ustanove Dom zdravlja “Dr. Mustafa Šehović“ Tuzla

Pozdravljam sve prisutne. Hvala na pitanju. Problem lifta su bili imovinsko-pravni odnosi kompletne imovine Doma zdravlja Tuzla. Mi smo priveli kraju. Mislim da bi se ovih dana trebala početi izgradnja lifta.

Kompletna dokumentacija je znači gotova, sve saglasnosti koje su trebale za taj lift. Novac je operativan. Ja se zahvaljujem svima vama. On je prebačen već na račun Doma zdravlja prošle godine. Ja se nadam prije godišnjice Doma zdravlja će biti u upotrebi.

Prije toga znate da smo izgradili pristupne rampe, a ujedno da iskoristim i za ovo za Pedijatriju. To je u toku izrada kompletne dokumentacije da vidimo da li je to lift ili je to pristupna rampa.

Mislim da bi pristupna rampa koja je nenatkrivena u Bosni malo je, malo je nezgodna pa ćemo vidjeti da li ćemo moći sa nekim liftom ili to. U svakom slučaju najbolje rješenje. Eto. Hvala.

MIREL MIŠKOVIĆ

Ništa. Zahvaljujem direktoru Doma zdravlja. Sada zaključujem raspravu vijećnika.

I sada stavljam na izjašnjavanje izvještaj o radu Javne zdravstveno-nastavne ustanove Dom zdravlja „Dr. Mustafa Šehović” Tuzla za 2017. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

27 vijećnika je glasalo za, niko nije bio protiv ni suzdržan, te konstatujem da je IZVJEŠTAJ O RADU JAVNE ZDRAVSTVENO-NASTAVNE USTANOVE DOM ZDRAVLJA „DR. MUSTAFA ŠEHOVIĆ” TUZLA ZA 2017. GODINU, jednoglasno usvojen.

Sada stavljam na izjašnjavanje izvještaj o radu Javne ustanove Dom mladih Tuzla za 2017. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

27 vijećnika je glasalo za, niko nije bio protiv ni suzdržan, te konstatujem da je IZVJEŠTAJ O RADU JAVNE USTANOVE DOM MLADIH TUZLA ZA 2017. GODINU, jednoglasno usvojen.

Sada stavljam na izjašnjavanje izvještaj o radu Javne ustanove Međunarodna galerija portreta Tuzla za 2017. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

27 vijećnika je glasalo za, niko nije bio protiv ni suzdržan, te konstatujem da je IZVJEŠTAJ O RADU JAVNE USTANOVE MEĐUNARODNA GALERIJA PORTRETA TUZLA ZA 2017. GODINU, jednoglasno usvojen.

Sada stavljam na izjašnjavanje izvještaj o radu Javne ustanove Centar za kulturu Tuzla za 2017. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

27 vijećnika je glasalo za, niko nije bio protiv ni suzdržan, te konstatujem da je IZVJEŠTAJ O RADU JAVNE USTANOVE CENTAR ZA KULTURU TUZLA ZA 2017. GODINU, jednoglasno usvojen.

Pozivam predstavnika Stručne službe Gradskog vijeća da pročita zaključke koji su proizašli iz rasprave.

ALMIR ŠUTA

Zahvaljujem dopredsjedavajući.

1) Gradsko vijeće Tuzla sugerije Javno zdravstveno-nastavnoj ustanovi Dom zdravlja „Dr. Mustafa Šehović” Tuzla, da pojača timove porodične medicine u pojedinim mjesnim zajednicama, ako se to pokaže opravdanim u odnosu na broj korisnika, s tim da pojačanje medicinskih timova u Domu zdravlja Tuzla bude praćeno adekvatnim sredstvima Zavoda za zdravstveno osiguranje Tuzlanskog kantona.

2) Gradsko vijeće Tuzla, traži da se nastavi kontinuitet pomaganja Javno zdravstveno-nastavnoj ustanovi Dom zdravlja „Dr. Mustafa Šehović” Tuzla u nabavci neophodne medicinske

opreme i uređaja, što bi se po ocjeni Gradskog vijeća Tuzla trebalo uzeti u obzir prilikom narednog rebalansa Budžeta Grada Tuzla.

3) Preporučuje se Sindikatu Javno zdravstveno-nastavne ustanove Dom zdravlja „Dr. Mustafa Šehović” Tuzla, da u narednom periodu prilikom pregovaranja o visini satnice uposlenih u zdravstvu u pregovore uključe i menadžment Doma zdravlja.

4) Gradsko vijeće Tuzla, očekuje da se u narednom periodu sagledaju zakonske i faktičke mogućnosti, da se dio prihoda ostvarenih radom Termoelektrane Tuzla usmjeri na finansiranje potreba iz oblasti zdravstva.

5) Gradsko vijeće Tuzla traži da se u narednom periodu vijećnicima dostavi informacija o broju umjetničkih djela u fondusu Javne ustanove Međunarodna galerija portreta u Tuzli i njihovoj vrijednosti. Zahvaljujem.

MIREL MIŠKOVIĆ

Zahvaljujem. Ima li neko dopuna ovih zaključaka? Ako nema, sada stavljam na izjašnjavanje zaključke. Dopuna Alen Kapidžić, SDP.

ALEN KAPIDŽIĆ

Poslovnička. poslovnička. Samo ovaj zadnji zaključak molim vas. Je li stvarno je li tražite, je li se stvarno ovdje ovim zaključkom traži znači da neko dostavi spisak, pa čak i sa tim koliko on vrijedi. Mislim stvarno je to neozbiljno. To je neozbiljno.

(MIREL MIŠKOVIĆ – Samo broj.) (ALMIR ŠUTA – Broj umjetničkih djela i njihova vrijednost.) Eh pa eto. Zato kažem vam. Mislim. Ja ne znam koliko je to, koliko je to da kažemo pametno sad da iznosimo. Stvarno iznosi se u javnost neke stvari koje ne bi trebali iznositi. Hvala.

MIREL MIŠKOVIĆ

Ništa. Sabih Mujkanović, SBB vijećnica. Izvolite. Molim Kapidžića da mikrofon.

SABIHA MUJKANOVIĆ

Ja smatram da je neozbiljno da vijećnici ne znaju takvu informaciju i nije problem evo ja povlačim zaključak. Idući put ide kao inicijativa. Hvala.

MIREL MIŠKOVIĆ

Zahvaljujem. Sabahudin Imamović, SDA. Pa onda Nataša Perić. Izvolte.

SABAHUDIN IMAMOVIĆ

Pa što se tiče umjetničkih djela nije to kao roba u Bingu ili Konzumu. Mislim na aukcijama se vrijednost može je li dostići i ona koja se ne očekuje. Za mene je bitnije da se registruje svako djelo. Da znamo da postoji. Da postoji trag da je ušlo i da neko brine o njemu.

Dakle a kolika je vrijednost, kažu kad umjetnik umre najveća vrijednost je djela. On umro u siromaštvu a sad ovi razmaženi bogataši u sefovima drže djela od 100.000.000 dolara i tako dalje. A to je i onako stvar ukusa.

Znači nas interesuje ono birokratski koliko je ovih djela tamo.

MIREL MIŠKOVIĆ

Zahvaljujem. Riječ ima Nataša Perić, SDP. Izvolte.

NATAŠA PERIĆ

Obzirom da ja radim u muzeju a jedan dio Odjeljenja se odnosi baš na umjetnost i obzirom da sam saradivala sa Galerijom i Galerija i muzej imaju umjetnička, dakle imaju umjetnička djela koja su bila registrovana u Ministarstvu trezora, gdje je registrovana vrijednost svakog umjetničkog djela.

U knjizi inventara umjetničkog, Umjetničkog odjeljenja svako djelo ima svoj opis, porijeklo i vrijednost. Ono što je najbitnije spisak umjetničkih djela se ne može davati javno jer to je poslovna tajna. Građani mogu putem izložbi vidjeti, povremenih izložbi mogu vidjeti ta umjetnička djela a u inventarnim knjigama se dakle nalazi svo porijeklo tih umjetničkih djela.

I evo da kažem obzirom da je Muzej Istočne Bosne imao jednu krađu, veliku krađu, nama su se obratili pripadnici Ministarstva unutrašnjih poslova koji su izričito zahtjevali katalog umjetnički djela s tim da se on ne izlaže u javnost već samo njima u slučaju ako dođe do otuđenja istih. Toliko. Hvala.

MIREL MIŠKOVIĆ

Zahvaljujem. Pošto je vijećnica Sabiha Mujkanović povukla ovaj zaključak, mislim da nema više potrebe da raspravljamo o njemu.

Sada stavljam na izjašnjavanje zaključke koje je pročitao sekretar organa državne službe i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

26 vijećnika je glaslo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

a) JZNU Dom zdravlja „Dr. Mustafa Šehović” Tuzla:

1) Gradsko vijeće Tuzla sugerise Javno zdravstveno-nastavnoj ustanovi Dom zdravlja „Dr. Mustafa Šehović” Tuzla, da pojača timove porodične medicine u pojedinim mjesnim zajednicama, ako se to pokaže opravdanim u odnosu na broj korisnika, s tim da pojačanje medicinskih timova u Domu zdravlja Tuzla bude praćeno adekvatnim sredstvima Zavoda za zdravstveno osiguranje Tuzlanskog kantona.

2) Gradsko vijeće Tuzla, traži da se nastavi kontinuitet pomaganja Javno zdravstveno-nastavnoj ustanovi Dom zdravlja „Dr. Mustafa Šehović” Tuzla u nabavci neophodne medicinske opreme i uređaja, što bi se po ocjeni Gradskog vijeća Tuzla trebalo uzeti u obzir prilikom narednog rebalansa Budžeta Grada Tuzla.

3) Preporučuje se Sindikatu Javno zdravstveno-nastavne ustanove Dom zdravlja „Dr. Mustafa Šehović” Tuzla, da u narednom periodu prilikom pregovaranja o visini satnice uposlenih u zdravstvu u pregovore uključe i menadžment Doma zdravlja.

4) Gradsko vijeće Tuzla, očekuje da se u narednom periodu sagledaju zakonske i faktičke mogućnosti, da se dio prihoda ostvarenih radom Termoelektrane Tuzla usmjeri na finansiranje potreba iz oblasti zdravstva.

Prelazimo na. Poslovnička intervencija Nedžad Malikić, Klub vijećnika Tuzlanska alternativa. Izvolte.

NEDŽAD MALIKIĆ

Pa evo po običaju Tuzlanska alternativa uvijek na kraju dobije ovaj zadatak na neki način da neke stvari predloži, naime o čemu se radi.

Ova sjednica Gradskog vijeća je bila zakazana za 26. 04. pa je iz poznatih razloga i odgođena za danas. Neki od vijećnika su već prije preuzeli za današnji dan neke obaveze.

Pa evo ja ispred Kluba Tuzlanske alternative a već smo to dogovarali, da ćemo danas raditi do 16 časova a da ovih šest tačaka prebacimo na narednu sjednicu Vijeća. pa evo očekujem izjašnjenje ostalih vijećnika. Hvala.

MIREL MIŠKOVIĆ

Zahvaljujem. Ja ću. Poslovnička i Mirza Tupajić. Izvolte.

MIRZA TUPAJIĆ

Podržo bi djelimično prijedlog kolege, samo ostavio bih ovu tačku 15. Nema tu puno rasprave, samo da se isčita i da se to danas završi. (MIREL MIŠKOVIĆ – Izbor i imenovanja.) Ma ja.

A druga poslovnička, evo znači pošto smo pri kraju znači ove sjednice, znači da napravimo jednu pauzu od pet minuta i da se sastanu predsjednici klubova i da traže znači od MUP-a Tuzlanskog kantona informaciju, pošto imamo za sedam dana znači novu sjednicu, imamo alarmantnu situaciju u Gradu Tuzla. Dva mladića su nestala u roku od četiri dana. Situacija je jako. Pa, izuzetno je znači ozbiljna. Roditelji se već plaše slanje djece u školu jer je znači ovo alarmantna situacija.

Mi moramo kao Gradsko vijeće, danas nismo spremni, ali evo imamo za sedam dana, da tražimo adekvatne podatke od relevantnih institucija i da se na narednoj sjednici kao možda prva tačka dnevnog reda ili da bude možda sjednica iz dva dijela, znači da bude prvi dio znači tematska sjednica sa jednom tačkom dnevnog reda, znači trenutna bezbjednosna situacija u Gradu Tuzla.

Pa evo da to formulišu predsjednici klubova, Kolegij. Dovoljno vam pet minuta.

MIREL MIŠKOVIĆ

Nedžad Malikić, Klub vijećnika Tuzlanske alternative. Izvolite.

NEDŽAD MALIKIĆ

Dosad nikad nismo nijednu tačku znači na koju smo zaršavali nismo prebacivali, pa ja bi molio samo naravno da se Vijeće izjasni znači da završimo sjednicu sa zaključno 12. tačkom i da po redoslijedu nastavimo na sledeću sjednicu ove tačke. Ništa ne bi.

Moj je prijedlog znači bio da sa 12. zaključimo, bez obzira da nijednu tačku dnevnog reda, bez obzira kolika njena bila važnost ili nevažnost ili brzina odlučivanja mislim da bi na ovome trebali zaključiti i čekam izjašnjenje naravno Vijeća. Hvala.

MIREL MIŠKOVIĆ

Zahvaljujem. Ja stavljam na izjašnjavanje ovaj prijedlog Nedžada Malikića, da sjednicu Gradskog vijeća završimo sa zaključno 11. tačkom, sa zaključno 11. tačkom dnevnog reda, a da ostale tačke od 12. pa do 17. budu prebačene za narednu sjednicu dnevnog reda po već ustaljenom redu.

Sada stavljam na izjašnjavanje ovaj prijedlog i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

24 vijećnika je glasalo za, 1 vijećnik je bio protiv i 2 vijećnika su bila suzdržana, te konstatujem da su većinom glasova usvojeni sljedeći zaključci:

1) Zaključuje se devetnaesta redovna sjednica Gradskog vijeća Tuzla sa tačkom 11. dnevnog reda, a preostale tačke od tačke 12. do tačke 17. prebacuju se dvadesetu redovnu sjednicu Gradskog vijeća Tuzla, zakazanu za 14. 05. 2018. godine, a kako slijedi:

„12. IZVJEŠTAJ O REALIZACIJI PROGRAMA RAZVOJA ZAŠTITE I SPAŠAVANJA ZA PROGRAMSKI PERIOD 2015. GODINA – 2017. GODINA - REALIZOVANI CILJEVI I POSTIGNUTI REZULTATI KROZ PROJEKTE KOJI SE PROVODE U GRADU TUZLA OD STRANE MEĐUNARODNIH ORGANIZACIJA - PILOT PROJEKTI ZA GRAD

13. INFORMACIJA O REALIZACIJI KAPITALNIH PROJEKATA ZA 2017. GODINU (putevi, vodovodna i kanalizaciona mreža, toplifikacija, javna rasvjeta i projekti iz drugih oblasti)

14. INFORMACIJA O PROVEDENIM INSPEKCIJSKIM NADZORIMA U 2017. GODINI

15. IZVJEŠTAJ KOMISIJE ZA IZBOR I IMENOVANJE

16. TEKUĆA PITANJA

a) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Odluke o izgradnji, korištenju, zaštiti, održavanju i upravljanju mjesnim vodovodima, javnim bunarima i javnim česmama na području grada Tuzla

b) Obavještenje JU za predškolski odgoj i obrazovanje “Naše dijete” Tuzla, o razlozima prolongiranja izrade Izvještaja o radu za 2017. godinu

c) Obavještenje JP Veterinarska stanica d.o.o.Tuzla o razlozima prolongiranja izrade Izvještaja o radu za 2017. godinu

d) Obavještenje JU Narodna i univerzitetska biblioteka “Derviš Sušić” Tuzla o razlozima prolongiranja izrade Izvještaja o radu za 2017. godinu

17. VIJEĆNIČKA PITANJA I INICIJATIVE .“

2) Navedene tačke će se razmatrati na početku dvadesete redovne sjednice zakazane za 14. 05. 2018. godine.

Konstatujem da je zaključena 19. redovna sjednica Gradskog vijeća.

(S obzirom da je dnevni red iscrpljen zamjenik predsjedavajućeg Gradskog vijeća Tuzla zaključio je rad sjednice Gradskog vijeća Tuzla u 16:20 sati.)

STENOGRAM SAČINILI:

Senada Karabegović

Igor Kurcinak

P R E D S J E D A V A J U Ć I

dr.med.sci. Aleksandar Vujadinović s.r.